

EL SANTO EVANGELIO SEGÚN SAN LUCAS

1 ¹⁻² Teófilo, yucu mure uca joogu yu áa. Jesu já mena ácu cu cabaiepere caucabajupa aperã. Jesu nipetiro cu cátaжере catujuricarã já cabuiowã. To bairi járe na caí buioepere bairona cauca tuyupa aperã. ³⁻⁴ Yu quena nemoopure Jesu ye quetire na caucariquere yu cabue peticõawu. To bairi na caucariquere bue peticõaripu atiere cariape jĩcaro cõo yu ucaгу. To bairo yu cáto ñuuga ñi mu yu uca joo, Teófilo. To bairi mu quena, “Cariape ã na caí buiorique,” mu ñ majigu yua.

Un ángel anuncia el nacimiento de Juan el Bautista

⁵ Ocoõ bairo cabaiyupa, cariapera: Herode, Judea macana urau cu cãni yuteapure jĩcau sacerdote Sacaría cawamesucu cãñupu. Abías maja cawamesuti poa macacu cãñupu. Cu ñmo Elisabé cawamesujupo. Co quena tirumupu macacu Aarõn cawamesucu sacerdote ãnacu pãrameopu cãñupo. ⁶ Naa pũgarãpuna cañuurã cãñuparã Dio cu catujuro. Dio Moisépũre cu carotiriquere bairo caroaro cátinucuñuparã. To bairi noa maca, “Caroorã ãma,” na caí majiquẽjuparã. ⁷ Naa capunaa mana cãñuparã. Elisabé uta cãni majiquẽco cãñupo. Seeto cabucurã cãñuparã, mere.

⁸ Jĩca rumu Sacaría cu ya poa macana mena Dio wiipure sacerdote maja na cátinucuricarore bairo capaayupu yua. ⁹ To cãnacã yutea jĩcaure cu cabejenucũñuparã Dio wii pupea cãni majuuri aruapure caroa cajuti ñuurije cajoe buje mũgoraure. Ti pauna Sacaría cu cabejeyuparã, ti aruapu cajuti ñuurije cu joe juti ñuu mũgoato irã. ¹⁰ To bairi caroa cajuti ñuurijere Sacaría cu cajoe buje mũgotoye camaja capãarã ti arua wijaropuna Diore cajeni ñucubũgo ãñuparã. ¹¹ To cõona yua, topũre Sacaría cu cajoe buje mũgo ani pauna cabuia ejanucañupu jĩcau ángel Dio tu macacu, cu cajoe buje mũgo ani cajawa cariape nũgoa tu macare. ¹² Topu cu cabau ejanucaro tujuu Sacaría maca cu catuju uwi acuaocajupu. ¹³ To bairo cu cabairo cu tujuu ocoõ bairo cu cañupu Dio tu macacu maca: —iSacaría, uwiqeticõaña! Diore cu mu cajeni ñucubũgonucurijere apinucumi Dio. To bairi mu ñmo Elisabé macu cutigomo. Cu cabuiaropu Juan cu mu wameyegu, cu cañupu. ¹⁴⁻¹⁵ —“Yu yau ãmi, cãni majuu ãmi,” cu ñ tujugumi Dio mu macure. To bairi seeto mu yeri wariñuugu. Cu cabuiaro tujurã capãarã wariñuugarãma aperã quena, cu cañupu ángel. —Uje wẽri rica oco jibioriquere, camecuorijere cu etiqueticõato. Cu cabuiaparo jugoyepuna Dio Catirique Espĩritu Santo cu mena anitugagumi

mere, cū caĩñupũ. ¹⁶—To bairi mũ macũ Israel macanare Dio ye quetire na buiori capaarã na Ɔpau Diore na api nũcũbũgo joroque na átigumi moquena. ¹⁷Cristo mari Ɔpau jũgoye buio majio jũgoyeri majocu anigumi. Elías cawamecũcũ Dio ye quetire cabuioricũ tirũmũpũ macacũ Dio Espĩritu Santo cũ catutuarije mena cabuionucũĩupi. Cũ ãnacũ cũ cabuio ocabũtiricarore bairona buio ocabũtigumi mũ macũ quena. Capacua na punaa mena ame ĩ punijiniricarõ mano caroaro na anio joroque na átigumi. Dio yere cabai botioricarã quena Diore caroaro apipajeeagarãma, mũ macũ cũ cabuiorijere apiri. To bairi mũ yarã Israel macana na Ɔpau Cristo cũ caejapere caroaro api nũcũbũgo yuurã baigarãma, mũ macũ cũ cabuiorijere apirã, cũ caĩñupũ ángel Sacariãre.

¹⁸To bairo cũ caĩrijere apii Sacariã maca cũ cajenĩñañupũ Dio tũ macacũre yua:

—¿Nope ĩi yũ mũ caĩri wame, “Cariapena ã,” yũ ĩ majibocũti yũa? Cabũcũ majuu yũ ã. Yũ nũmo quena cabũcũo ãmo.

¹⁹To bairo cũ caĩro ocõo bairo cũ caĩñupũ ángel Sacariãre:

—Gabriel cawamecũcũ yũ ã, Dio tũ macacũ. Caroa quetire mũre yũ buio rotimi Dio. ²⁰To bairi yure api nũcũbũgoquẽcũ cawada majiquẽcũ mũ anigu. Mũ macũ cũ cabuĩari paũpũ moquena mũ wada majigu. Yũre mũ caapi nũcũbũgoquẽtie to nibao joroquena nipetiro mũ yũ cabuiori wame cõona baigaro, cũ caĩñupũ Sacariãre.

²¹To bairo cũ cabairi paũ aperã Sacariã cũ cãno wijaro cayuurã caĩ tũgoõñañuparã. “¿Nope ĩi to cõo yoaro ti arũapũ cũ tuacõacũti?” caĩ tũgoõñañuparã.

²²Cabero cũ wamori mena na cáti buioyupũ, wada majiquetibacũ. Cũ cawada majiquẽtore tũjurã, “Ricati wame cũ ĩnooricũmi Dio,” caĩ tũgoõñañuparã camaja.

²³Cabero Sacariã Dio wiipũ cũ ye paarica rũmũri capetiro catunucõajupũ cũ ya wiipure moquena. ²⁴Cũ ya wiipũre cũ catunu ejaro bero cũ nũmo Elisabé ũta cãñupo yua. Jĩca wamo cãnacãũ muipũa aperã tũripũ aãteñaricarõ mano cãnicõañupo co ya wiipũ. ²⁵Ocõo bairo caĩ tũgoõñañupo Elisabé: “Yucura yũ átinemomi Dio. ‘Capunaa máco ãmo,’ yũre ame ĩ wadaquetigarãma yua.”

Un ángel anuncia el nacimiento de Jesús

²⁶⁻²⁷Cabero seis muipũa Elisabé ũta co cãno Dio caqueti joooyupũ Gabriere cũ tũ macacũre moquena. Galilea na caĩri yepapũ, Nasaré cawamecũti macapũre cũ cajooyupũ Dio Marĩa cawamecũco tũpũ. Cõa saũmũ mena cãniñaquẽco cãñupo. José cawamecũcũ nũmo cãnipao cãñupo Marĩa yua. José maca tirũmũpũ macacũ Israel macana Ɔpau David ãnacũ pãrami cãñupũ cũa. ²⁸To bairi Gabriel Marĩa tũpũ buia nũca eja, ocõo bairo co caĩñupũ:

—Caroa wame mũre yũ buio rotimi Dio. Mũ mena ãmi. Aperã romiri netoro caroa wame majuure mũ átibojagũmi Dio, co caĩñupũ Dio tũ macacũ.

²⁹To bairo cũ caĩrijere apio caapi acũacoajupo Marĩa. “¿Nope ĩi to bairije cũ ĩti?” caĩ tũgoõñañupo.

³⁰To bairo co caĩ uwi tũgoõñarõ majii:

—Uwiqeticõaña, co caĩñupũ. —Caroaro mũ cãniere mũ tũju tũjoomi Dio. To bairi mũ bejemĩ. ³¹Yucũacã ũta mũ anigu. Cawimaũ mũ cũgogo.

To bairi m̄ Mac̄u c̄u cabuiarop̄u JESU c̄u m̄ wameyego. ³²Pairo c̄āc̄u aniḡumi c̄ūa. “Dio j̄ō bui macac̄u Mac̄u āmi,” c̄u īgarāma camaja. Dio c̄ūre Caup̄rau j̄ooḡumi Israel macana Ūrau c̄u űicu ānac̄u, Ūrau David tir̄um̄p̄u macac̄ure bairona. ³³To bairi Israel macanare rotinucuḡumi to c̄ānac̄ā r̄um̄u. C̄u carotirije petiquetigaro, co cañ̄up̄u Dio t̄u macac̄u.

³⁴To bairo c̄u cañ̄o apio María maca c̄u cajenñañup̄o:

—¿Dope bairo yure to bairoati, caum̄u mena j̄icani uno yu c̄āniquetibao joroquena?

³⁵To bairo co cañ̄o:

—M̄p̄ure ani ejağ̄umi Dio Esp̄iritu Santo. C̄u camajirije mena to bairo m̄ure baigaro. To bairi cañ̄uu netoñ, Dio Mac̄u aniḡumi m̄ Mac̄u, co cañ̄up̄u Gabriel. ³⁶—M̄u yao Elisabé quena ũta āmo yuc̄ura cab̄uc̄no anibaop̄uc̄ona. Seis muip̄ra ũta āmo capuna máco na caibataco. ³⁷To bairi Diora j̄ica wame unoac̄ā c̄u cáti majiqueti wame maa, co cañ̄up̄u ángel Gabriel Maríare.

³⁸To bairo co cañ̄irije apio:

—Diore paabojari majoco yu ā. To bairi yu m̄u cañ̄ buiori wamere bairona yure to baiato, c̄u cañ̄up̄o María. To bairo co cañ̄o apii c̄āaáoajup̄u Dio t̄u macac̄u yua.

María visita a Elisabet

³⁹Ángel c̄u c̄āaáto bero c̄āaáoajup̄o María uwaro cañ̄ ta yucu c̄uti yepap̄u, Judea cawamecuti yepa. ⁴⁰Top̄u ejao Sacaría ya wiip̄u c̄āaájup̄o. C̄u ya wiip̄u j̄āa, c̄u num̄o Elisabere cañ̄uu rotiyup̄o. ⁴¹C̄ōre co cañ̄uu rotirona Elisabé cawim̄au c̄ōp̄ure c̄āc̄uac̄ā seeto cayuguiyup̄u. Dio Esp̄iritu Santo co yerip̄u c̄āni ejaup̄u. ⁴²To bairi Esp̄iritu Santo c̄u c̄āni ejaroi wariñ̄uurique mena baujaro oc̄ōo bairo cañ̄up̄o Elisabé Maríare:

—Aperā romiri netoro caroa wame majuure m̄u joomi Dio. Cañ̄uu majuu añ̄up̄i m̄u Mac̄nac̄ā m̄p̄ure c̄āc̄u. ⁴³Cawatoa macaco yu anibao joroquena yu Ūrau c̄ānip̄au paco yu m̄u t̄uj̄uo eja. Yure m̄u catuj̄uo ejaro seeto yu wariñ̄uu. ⁴⁴Yu m̄u cañ̄uu rotiri pañ̄na cawim̄au ȳp̄ure c̄ajañ̄aac̄ā wariñ̄uu yuguimi, co cañ̄up̄o Maríare. ⁴⁵Dio m̄u c̄u cañ̄icarore bairona cariapena m̄ure baigaro. M̄ure c̄u cabuioriquere m̄u caapipajeeroi wariñ̄uuriquere m̄u jooḡumi Dio, co cañ̄up̄o Elisabé.

⁴⁶⁻⁴⁷To bairo co cañ̄o oc̄ōo bairo co cañ̄up̄o María maca:

Yu Ūrau Dio ñuu majuc̄ōami. Seeto yu yeri wariñ̄uuc̄p̄u, yure cacatioū āmi Dio ño.

⁴⁸Cawatoa c̄āco, c̄u paabojari majoco jeto yu anibao joroquena yu t̄ugooñ̄a maimi Dio. Yu bero macana, “Caroaro co cájupi Dio c̄ōre,” īgarāma yure.

⁴⁹Dio nipetiro cáti majii aniri caroaro yu átibojami. Cañ̄uu majuu, caroorije mácu āmi Dio, cañ̄up̄o María.

⁵⁰Noa c̄ūre can̄uc̄ub̄ogorā nipetirore na mai t̄uj̄uyupi. Cabero macana quenare to bairona na mai t̄uj̄uḡumi Dio c̄ūre can̄uc̄ub̄ogorāre.

⁵¹C̄u catutuarije mena capee caroare áami Dio. “Aperā netoro camajirā j̄ā ā,” na yerip̄ure cañ̄ t̄ugooñ̄arāre na rec̄ōami.

⁵²Caup̄arā quenare na rec̄ōami. Cabopacarā macare caroti majirā na anio joroque na áami Dio.

⁵³Cac̄uḡoquēnare na jooḡumi cañ̄uurijere. Caapeye pairā macare caroare jooquetiḡumi. Cabopacarā na anio joroque na átiḡumi Dio, caapeye unie paibatana.

54-55 Mari ñicua Abraham jāare na cū cabuioricarore bairona átigumi Dio. “Muja bopaca tujuri caroare mujaare yu joogu,” na cū cañiquere majiritiquetigumi. To bairi yucra marire Israel macanare mari átinemogumi Dio, cañupo María yua.

56 To bairi itiarā muipua cañupo María Elisabé tupa. Itiarā muipua ani, catunucoajupo co ya wiipua moquena.

Nacimiento de Juan el Bautista

57 Cabero Elisabé macu cū cabuiari rumu caejayupe yua. To bairi ti rumu cāno cabuiayupu co macu. 58 Co macu cū cabuiarijere queti apirā co yarā, co ya maca macana co cawariñuunemoñuparā.

—Dio caroaro co átibojami, co tujū maii, caame iñuparā.

59 Ocho rumuri cū cabuiaricaro bero, cawimau cūre circuncisión na cáti wameyeri rumu cāno Sacaría, cū pacu wamere bairo Sacaría cū cawameyegabajuparā na yarā. 60 Cū pacu wamere cū na cawameyegaro:

—Baiquēe. Juan wamecutigumi, cañupo cū paco.

61 To bairo co caño:

—¿Nope ño cū mu wameyegati ti wamere? Aperā cū yarā to bairije cawamecuna maama, co cañuparā na yarā.

62 To bairi cū pacure ocōo bairo cañiñuparā na wamori mena áti iñoori cawada majiquēcu cū cānoi:

—¿Dope bairo cū mu wameyegati?

63 To bairo cū na cáti jeniñaro Sacaría cū wamori mena ucarica pūoro jeni, ti pūoropu, “Juan wamecutigumi,” cañi ucajupu. To bairo cū cañi ucaro catujū acua peticoajuparā. 64 Nemoo cū cañi ucari pauna cawada majiquetibatacu cawada maji jugoyupu moquena Sacaría yua. Wadau, Diore cañi wariñuñupu.

65 To bairije cū cabairo na tu macana caapi acua peticoajuparā. Judea macana, cañi ta yucu cuti yepa macana nipetirā caame queti buionucuñuparā tie cabairijere. 66 Tie cabairijere ame queti buio, seeto catugooñuparā nipetirā. Cū cawimau mena caroaro cañupu Dio. To bairi, “¿Dope bairo cabaipau cū acuaati cabucu acupu?” caame iñuparā to macana.

El canto de Zacarías

67 Cū pacu Sacaría cū yeripure Dio Espíritu Santo cū cāni eja netoroi ocōo bairo cañi buioyupu cū macu cū cabaipere:

68 Mari Upau Dio Israel macana Upau āmi. Cuna caroaro cátinemoñupi marire cū yarāre. Marire átinemocōami mere.

69 Dio marire joomi catutuau majuu, marire canetoo catiopaure. David ānacu, Dio cū caboorijere cátaacu pāramerā watoaru cānipaure marire joogumi Dio.

70 Tirumupu cū yarā cū ye quetire cabuioricarā ānana jugori cū cañi buioricarore bairona átigumi.

71 Mari wapnare, marire catujuteerāre marire matabojagumi.

72 Mari ñicu jāapure, “Muñja mai tujugu,” cū cañicarore bairona majiritiquēmi Dio.

73 Mari cānparo jugoye macacu Abrahāre, “Mu pāramerāpore caroaro na yu átibojagu,” cū cañiquere majiritiquēmi Dio.

74 Noa mari catuju tutirāre mari matabojagumi Dio. Aperāre uwiqēnana yure na áti nucubugoato ñi na matagumi.

- ⁷⁵ To bairo cū cáto caroaro cūre mari áti núcubugocōa aninucugarā mari cacatiri rúmuri cōo. Cū catuoorijere mari átigarā. Cariape cāna mari anicōagarā, caññupñ Sacaría.
- ⁷⁶ To bairo ï, ocōo bairo caññupñ Sacaría moquena cū macuacāre: Camaja, “Mari Upau jō bui macacu ye quetire buiori majocu majuu āmi,” mñ ïgarāma. Mari Upau cū cáatiparo jugoye camajare na mñ buio jugoyeyegu. Mari Upau ye quetire caroaro na apiato ïi, cū jugoye mñ buio jugoyeyegu.
- ⁷⁷ “Caroorije muja cátiere muja majiritiobo jagumi Dio cū muja cajeniro,” na mñ ï buionucugu. To bairo na mñ cabuiorijere apirā Dio na cū careboriquere netogarāma. Cū mena caroaro catirique bugagarāma.
- ⁷⁸ Dio marire bopaca tujuri mari joogumi cū Macure. Jīca rúmñ caroa rúmñ muipñ caroaro cū caaji atí rúmñ cānore bairona caroaro mari átibojagumi Dio yucucā. Caroaro cāni majiquēnare caroaro na cānipe macare na majiogumi Dio.
- ⁷⁹ To bairo ácu jīa bujuricaró cabujurore bairo caroaro na átibojagumi Dio canaitiaropñ cānare bairo cānibatanare. Cariarā quenare na átinemogumi mari Upau. Caroaro ani wariñuuriquere mari joogumi Dio, caññupñ Sacaría yua.
- ⁸⁰ Cabero cū macu buti, seeto catugooña maji ocabuti butiyupñ. Israel macanare Dio ye quetire cū cabuioparo jugoye mai camaja manopñ cañe unie manopñ cānicōa aninucupñ Juan yua.

Nacimiento de Jesús

(Mt. 1.18-25)

2 ¹ Ti pañ cāno César Augusto sawamesucñ nipetiro yepa upau cāññupñ. Upau majuu ácu camaja nipetirāre cōoñagu na wamerire cauca tura aá rotiyupñ cū èoro macana uparā tñpñ. ² Siria sawamecuti yepa macana “Sirenio” sawamesucñ na upau cū cāni yuteapure camajare na cacōoña roti jugoyupñ. ³ To bairi camaja na cāno cōo na ñicu jāa na cāna macaripñ César Augusto cū cacūricarāre uparāre na wamere cabuiora aájuparā. ⁴ To bairi José quena Nasaré na cañri maca Galilea yeparñ cānacñ cāaácoajupñ cū quena. David ānacñ pārami aniri David cū cabuiaricaropñ aácu cájupñ Belén na cañri macarñ, Judea yeparñ. ⁵ Cū nmo cānipao María mena Belēpñ cāaácoajupñ José, uparāre cū wamere buioñ aácu. Ti paure seeto majuu uta cāñño María mere. ⁶ To bairi Belēpñ na cāno mere buiagupñ cájupñ co macñ. ⁷ Topñ camaja cateñarā ejarā na cacaniri wii cajiracoajupe. Cajiraro tujurā wecuare na canuri wiipñ cāaácoajuparā, ape pañ canirica pañ bugaquetibana. Ti wiipñ na cāno cabuiayupñ María Macñ yua, cāni jugoñ. Cū cabuiaro María cūre juti ajero mena cū uma, cū cajāñño wecuare na canuri coropñ yua.

Los ángeles y los pastores

⁸ Belén maca tuacā tataboaropñ waibucurā oveja sawamescñare cacoterā cāñuparā. Ñami quena ovejare to bairona catujñ cote bujucoanucupñ. ⁹ To bairo na cabairo na catugooñaqueti pañna na tñpñre cabuia ejayupñ ángel, Dio tu macacu. Na tñpñ cū cabau ejaro seeto cabujuyupe Dio ye caaji baterije. To bairo cabairo seeto catujñ acucacoajuparā. ¹⁰ To bairo na cabairo ángel maca:
—Uwiqeticōaña, na caññupñ. —Caroa quetire muja buio acú yñ baiwñ, camaja nipetirā na cawariñuupa wame majuure. ¹¹ Ati ñami David ānacñ

ya macapure buiami Dio cū cajou Cristo, mari Ƴpau, mūjaare canetoo catiopau. ¹²Topu aana wecua wiipu camaja wecuare na caugarique nuri coropu juti ajero mena umaricu cū muja bugagarā. To bairo átacure cū tujurā cariapena, “Cūna āmi,” muja ī majigarā, na cañupū ángel.

¹³To bairo cū caïro cū mena capāarā cabuia eja nucanemoñuparā Dio tu macana. Na bau eja, ocōo bairo Diore caī baja wariñuuñuparā:

¹⁴ ¡Cañuu netou āmi Dio, umurecoo macacu!

¡Wariñuuri que cū joato noa cū caboorijere cānare!

¹⁵To bairo Diore ī wariñuu baja yaparo umurecoopu catunucoajuparā. Umurecoopu na catunu aáto bero ocōo bairo caame iñuparā oveja coteri maja yua:

—¡Jitá! ¡Belēpu mari aáparo! Atie queti Dio marire cū cabuioejere mari tujura aáparo.

¹⁶To bairo ame ī, nemoo uwaro catujura aácoajuparā. Aá, macapu piya ejarā, na cabugayuparā Maríare, Josére. Cawimau quenare wecuare na canuri coropu cajaanare cū catujuyuparā. ¹⁷Cū tujū, to cōona Dio tu macacu, “Cadaquei buiami,” na cū caī buioriquere cabuio bateyuparā aperāre. ¹⁸To bairi camaja nipetiro oveja coteri maja na caī buiorijere apirā seeto catugooñañuparā. ¹⁹María maca co yeripu caroaro catugooñañupo tiere na caī buiorijere. Seeto majuu tiere catugooñañupo. ²⁰Cabero oveja coteri maja wariñuuri catunucoajuparā. “Dio tu macacu marire cū caī buiorore bairona cariape mari tujuwu. Cañuu netou āmi Dio,” cañuparā tunu aana yua.

El niño Jesús es presentado en el templo

²¹Ocho cānacā rumu bero cūre wameyerica rumu, circuncisión cūre na cátipa rumu cañupe. To bairi uta María co cāniparo jugoyepuna Dio tu macacu na cū cawameye rotirica wamere bairona JESU cū cawameyeyuparā yua.

²²Cabero María co cacati petiri rumuri bero Moisé, Israel maja ñicu ānacu cū carotiricarore bairona átigarā cáaajuparā Jerusalēpu. María macuacāre, “Dio yau anigumi,” ī nucubugorā aana cáaácoajuparā Dio wiipu Jerusalēpu. ²³⁻²⁴Ocōo bairo caī ucayupi Dio cū carotirijere Moisé: “Nipetirā cabuia jugorā saumare, Dio yarā majuu āma irā cajoe buje mugoparāre na jooya sacerdote majare buaare jica bapa. Na camamata buaacārena na jooya,” caī ucayupi Moisé. To bairona átira aana cáaácoajuparā José, María Jerusalēpu Dio wiipure.

²⁵Ti pau cāno jicau cañupū Jerusalēpu Simeón cawamecucu. Cañuu cañupū, Diore canucubugou. Israel macanare canetoo catiopare cáacāre cayu cañupū. Dio Catirique Espiritu Santo Simeón mena cañupū. ²⁶To bairi Espiritu Santo cajugoyepuna cū caī buioyupu Simeóre: “Mū cabai yajiparo jugoye Cristore, Dio cū cajoure mū tujugu.” ²⁷To bairi Jesu pacua na caejapa rumu majuuna Simeóre Dio wiipure cū cáaá rotiyupu Dio Espiritu Santo. To bairi ti wiipu cū cāno María, José jāa cajaanuparā, Moisé cū carotiricarore bairona átira anaa. To bairi na cajāa atí pauna cawimaure Jesure cū caboca neñupū Simeón. ²⁸Cū boca ne, ocōo bairo Diore caī wariñuuñupū:

²⁹⁻³⁰ Yū mū cabuioepere bairona mere yū majuuna yū tujū camajare canetoo catiopare. To bairi wariñuuri que mena yū bai yajigu, yū Ƴpau Dio.

³¹ Cũ mũ jooyupa camaja nipetirã na camajipãure.

³² Mũ yarã Israel macanare caroaro mũ cãniere majiogũmi ani cawimã. To bairo cũ cáto aperã Israel macana mee quena caroaro mũ cãniere tũjũ majigarãma, caĩñupũ Simeón.

³³ To bairi José, María jãa caapi acũacoajupará Jesu cũ cabaipere Simeón cũ caĩ buiorijere apirã. ³⁴⁻³⁵ To bairo na caapi acũarona Simeón, “Mari Pacu Dio caroa wariñuurique mũjaare cũ joato,” na caĩñupũ. To bairo na ï, ocõo bairo Mariãre co caĩñupũ moquena:

—Ani mũ Macũre cũ cajooyupi Dio camaja na yeripũ macajere cabejẽpãure. To bairi Israel macana capãarã cũ tũjurã cũ teebũjagarãma. To bairi seeto tutuarije majuu mũ yeripũ tũgoonãrique pairique mũre anigarõ. Aperã maca Israel macana cũ boogarãma mũ Macũre.

³⁶⁻³⁷ Apeo Ana cawamecũco Dio ye quetire buiori majoco ti wiipũre caĩũpo co quena. Fanuel maco, Aser ãnacũ pãrameopũ caĩũpo. Cawamao ãcopũ camanapũ cũtibataco caĩũpo. Co manapũ siete cũmari anibacũ cayaji weoyupũ. Cũ cabai yajiro bero cawapẽarico cãnicõañũpo yua. To bairi seeto cabũcũo caĩũpo, ochenta y cuatro cũmari majuu cacũgoo ti wiipũ Jesure cũ pacua cũ na cane ejari pãure. Tona Dio wiipũ cãnicõa aninucũũpo, Diore jeni nũcũbũgo ãco. To cãnacã rũmũ, ñami quenare Diore cajeni nũcũbũgonucũũpo. Nairoacã ugaquẽcona Diore cajeni nũcũbũgonucũũpo. ³⁸ To bairi Simeón cũ cawadari paũa caejanũcaõ ejayupo co quena. Ejanũca, Jesuacãre tũjuri, “Ñuu majuucõa,” Diore cũ caĩ wariñuũũpo. Cabero Jerusalén macanare, “Jĩcaũ marire canetoo catiopãũ atĩgũmi,” caĩ tũgoonãnucurãre na caĩ buioyupo Jesu cũ cabuiarije nipetiro. “Cawimãũ yũ catũjuecũ mari cayuuricũ ãmi,” na caĩ buionucũũpo Ana cawamecũco cabũcũo.

El regreso a Nazaret

³⁹ To bairi María, José cawimãũ cũ cabuiaro bero macaje, Dio cũ carotiricarore bairo áti yaparo catunucõajupará na ya maca Nasarẽpũ, Galilea na caĩri yerapũ. ⁴⁰ Topũ cawimãũ caocabũtĩi, camajii cãni bũtiyupũ. Dio caroaro cũ cájupũ yua.

El niño Jesús en el templo

⁴¹ To cãnacã cuma Jesu paco María, José Jerusalẽpũ cãaãnucũũparã, pascua boje rũmũ tũjura aãna. ⁴² To bairi Jesu doce cũmari cacũgõũ cũ cãno moquena na cãaãnucuricarore bairona cãaãjupará. To bairi Jesu quenare cũ cane aãjupará Jerusalẽpũ. ⁴³ Topũ eja, ani, pascua boje rũmũ capetiro catunu aãjupará na ya macapũ. Na catunu aãto na caũja tunu aãquẽjupũ Jesu na mena. Cũ pacua maca, “Tuacõaumĩ,” caĩ majiquẽjupará. ⁴⁴ “Aperã mari yarã cãaãteñarã mena aãcumĩ,” caĩ tũgoonãñupará. To bairo ï tũgoonãrã jĩca rũmũ aátato cõo catũja aãjupará. Jĩca rũmũ aã tũjabanana cũ camacañupará yua. ⁴⁵ Na yarã mena cũ camano tũjurã Jerusalẽpũ catunucõajupará moquena, cũ macara aãna. ⁴⁶ Itia rũmũ Jerusalẽpũ cũ macabana majuu cũ cabũgayupará Dio wiipũre. Judío majare cabuerã mena caruiyupũ. Na cabuiorijere apiri cũ quena na caĩ jeniñãñupũ Jesu. ⁴⁷ Cũre caapirã nipetiro cũ caĩ majirijere apirã, na cũ caĩ yũrijẽ quenare apirã caapi acũacoajupará. ⁴⁸ To bairi cũ paco, José mena topũ cũ cabũgayupará. Cũ bũgarã catũju acũacoajupará na quena. Cũ paco maca ocõo bairo cũ caĩũpo:

—¿Nope ñi to bairo jãre mũ bai tua weoyari? Mũ pacu, yu yoaro mũre jã macabaru. Seeto mũre jã tũgoonarique paiwũ, cũ caĩũpo.

⁴⁹To bairo co caĩro ocõo bairo co caĩ yũyũpũ Jesu:

—¿Nope ñãre ape paũripũ tũgoonarique pairi yu mũja macari? Yũ Pacu yere cátipau yũ ã. “Tiere ácsũmi,” yũ mũja caĩ majipe anibajura.

⁵⁰Na maca to bairo cũ caĩri wamere caapi majiquẽjũparã.

⁵¹Cabero na mena catunucoajũpũ Nasarẽpũ moquena. Nasarẽpũ tunu aácsu cajũgoye cũ cátinucuricarore bairona na carotirijere caroaro cáticõa aninucũũpũ. Jerusalẽpũ cũ cabairique nipetirore catũgoonancũũpũpo cũ paco maca.

⁵²Atie bero Jesu cabũtinemoũũpũ. Bũti, catũgoõna majii bũtinemoũũpũ. Dio caroaro cũ catũju wariũũũũũpũ. Camaja quena caroaro cũ catũgoõñaũũparã.

Juan el Bautista predica en el desierto

(Mt. 3.1-12; Mr. 1.1-8; Jn. 1.19-28)

3¹⁻² Cabero Juan, Sacaría macu cabũcũ caĩũpũ. Camaja mani paũpũ, cayucũ manopũ cãninucũũpũ Juan. Ti paũ cãnopũ Tiberio César cawamescũ romano maja ƣpaũ carotii caĩũpũ. To cãnacã yepa ape macarĩpũre cũre carotibojarã caĩũparã. Ponsio Pilato cawamescũ Judea yepapũre cũ carotibojayũpũ. Herode cawamescũ Galilea yepapũre cũ carotibojayũpũ. Herode bai Felipe cawamescũ Iturea, Traconite pũga yepapũre cũ carotibojayũpũ cũa. Apei Lisaniã cawamescũ Abilinia yepapũre cũ carotibojayũpũ. To bairo na carotiri yũteare sacerdote maja ƣparã caĩũparã Anã, Caifã cawamescũna. To bairi Tiberio César quince cũmari caũpau cũ cãno Dio cũ ye quetire cũ cabuio teña rotiyũpũ Juãre camaja manopũ cãninucũũre. ³To bairi Jordán na caĩri ya tũpũ nipetiro to cãnare na cabuio teñanucũũpũ Juan. Ocõo bairo na cabuionucũũpũ nare:

—Caroorije mũja cátinucurijere jutiritiri mũja yeri wajoaya. Coje rericarore bairo caroorije jã cátiere Dio cũ majirioato ñãre bautisa rotiya, caĩ buio teñanucũũpũ Juan.

⁴To bairo buio teñau, tirũmũpũ macacu Dio ye quetire cabuioricũ Isaíã cawamescũ ãnacu cũ caĩ ucarica wamere bairona cájũpũ Juan. Ocõo bairo caĩ ucayupi Isaíã Juan cũ cabaipere:

Ocõo bairo ñ awaja buiogũmi jĩcaũ camaja manopũ cãcũ:

“Caroaro quenoo yuuya mũja yerire mari ƣpaũ cũ cáatĩparo jũgoye. Caroa macare ája. Camaja na ƣpaũ cũ cáatĩpa wãre na caquenoo yuurore bairona caroaro quenoo yuuya.

⁵ Camaja maca na ƣpaũ cũ cáatĩpa wãpũre ope to cãmata jita mena cũ jiroo bipema. Ƙ ta buuri to cãmata yejea cũ quenooma. Carupa betori quenare cariape quenoo ame buuma ti wãre. Caroaro yabi ñũuri wã quenooma na ƣpaũ cũ cáatĩpa wãre. To bairo na cátoe bairona mari ƣpaũ cũ cáatĩparo jũgoye mũja yeri macajere quenoo yuuya. Caroorije mũja cátiere áti janaña.

⁶ To bairo mũja cáto camajare canetoo catiopaũre tũjũgarãma camaja nipetiro,” ñ awajagũmi jĩcaũ camaja manopũ cãcũ, caĩ ucayupi Isaíã ãnacu tirũmũpũ.

⁷To bairi Isaíã cũ caĩ ucaricarore bairona cabaiyũpũ Juan. To bairi Juan tũpũ caejayũparã camaja capãarã cũ bautisa rotira anaa. Ocõo bairo na caĩũpũ Juan cũ tũpũ caejarãre:

—Caroorije muja átícoã aninucu. ¿Nope írã yu tũpũ ejari yure muja bautisa rotiti? Muja popiyeyegumi Dio muja cayeri wajoaquẽpata. ⁸ Caroorije muja cátiere jutiritiri áti janaña. Caroa macare ája. To bairo ána Dio yarã muja cãniere muja ani iñoogarã. “Abraham pãramerã já ã, to bairi Dio yarã já ã,” í tũgoõñaqueticõaña. Atie ù ta rupaarena áti rupeo majimi Dio Abraham pãramerãre nare cũ caboonemoata, na caĩñupũ Juan. ⁹—Muja catũgoõñañijere muja cawajoaquẽpata, caroa macare muja cátiquẽpata muja regũmi Dio. Yucũ carica maniire quetí joe rocaricarore bairona muja átigumi Dio.

¹⁰ To bairo na cũ caĩ buiuro apiri ocõo bairo cũ caĩ jeniñañuparã:

—Baiyupa, ¿dope bairo já ánaati?

¹¹ To bairo cũ na caĩ jeniñaro:

—Nii camisa pũgaro cacũgou apeí cacamisa mácũre jĩcaro cũ jooya, na caĩñupũ Juan. —Noa caũgarique cũgorã na jooya aperãre caũgarique manare, na caĩ yũyupũ Juan.

¹² Aperã Juan tũpũ caejayuparã gobiernore camaja yere niyeru jeebojari maja. Na quena bautisa rotira anaa cabaiyuparã. Ocõo bairo cũ caĩ jeniñañuparã:

—Jãre camajioũ, ¿dope bairo já ánaati jáa?

¹³ To bairo na caĩ jeniñaro:

—Muja uparã niyeru camaja yere muja na cajee rotinucuro cõona jeeya. Netero jeniqueticõaña, na caĩñupũ Juan.

¹⁴ Polisia maja quena ocõo bairo cũ caĩ jeniñañuparã:

—¿Jãate dope bairo já cátipte to áti? Juãre cũ caĩ jeniñañuparã.

To bairo na caĩ jeniñaro:

—Camajare na í uwiotori na yere emaqueticõaña. Cariape muja cawapataro cõona cũgo wariñuuña. Boonemoqueticõaña, na caĩñupũ Juan.

¹⁵ Camaja nipetiro Juan cũ cabuorijere apirã seeto cũ catũgoõñañuparã. “Dio ye quetire cabuori maja ánana, ‘Jĩcaũ Cristo, camajare cátinemopaure cũ joogũmi Dio,’ ¿na carĩcs cũ anicuti ania?” caame í jeniñañuparã.

¹⁶⁻¹⁷ To bairo na caame í jeniñaro ocõo bairo na caĩ buioyupũ Juan cũ tũpũ caejarã nipetirore:

—Oco mena cabautisaũ yũ ã. Yũ bero anigũmi yũ netero cãcũ, cãni majũũ. Cũ menare cũ paabojari majocũre bairo yũ ã. Cũ maca cũ Espĩritu Santo, cũ catutuarije mena joogumi. Cũ Espĩritu Santore joo, cũre caboorãre caroorije na cátiere oco mena uguerĩ coje rericarore bairona na átigumi. Cũre cabooquẽna macare na regũmi, cũ yarã jetore na beje jeeũ. Trigo rupaa ajeri caroorije papu beje joe rericarore bairona na regũmi. Caroa macare beje cũrica paũpũ cũricarore bairona na átigumi cũ yarã jetore. Aperã macare pero cayatiqueti peropũ na regũmi, na caĩ buioyupũ Juan.

¹⁸ Apeye Dio ye quetire capee na caĩ buionemoñupũ Juan. ¹⁹ Herode ti yera upaũ maca Juan cũ cabuionucurijere caapigateeyupũ. Cũ maca cũ bai Felipe numore Herodía cawamecũcore caemañupũ. Apeye quenare capee rooro majuu cáccũ cãñupũ Herode. To bairo cáccũre, “Nuuqueti majuucõa to bairo rooro mũ cátinucurije,” cũ caĩbajupũ Juan Herodere. ²⁰ To bairo Juan cũ caĩrijere apibaopũcũna rooro cũ cájupũ Herode. Presopũ cũ cajooyupũ, “Rooro mũ átinucu,” Juan cũre cũ caĩnucurijere apigatei.

El bautismo de Jesús

(Mt. 3.13-17; Mr. 1.9-11)

²¹ Atie jugoye, presopũ Upaũ Herode Juãre cũ cajõoparo jugoye camaja capãarãre na cabautisayupũ Juan. Nare cũ cabautisaro Jesu quena bautisa

rotii caejayurɸ. To bairi Jesure Juan cɸ cabautisaro bero cɸ Pacure cajeni nɸcɸbɸgoyurɸ Jesu. Cɸ cajeni nɸcɸbɸgori paɸ ɸmurecoo caɸɸure.

²² Caparo Dio Espiritu Santo Jesupure buare bairo cɸ cabau rui ejayurɸ.

To bairo Jesupure cɸ cabau rui ejaro Dio ɸmurecoorɸ caɸ wadayurɸ:

—Yɸ Macɸ, yɸ camai netoɸ majuu mɸ ǎ. Seeto mɸ yɸ tɸjɸ wariɸuu, Jesure cɸ caɸɸurɸ Dio yua.

Los antepasados de Jesucristo

(Mt. 1.1-17)

²³Treinta cɸmari cacugou majuu ǎcɸ camajare cabuio teɸa jɸgoyurɸ Jesu. Dio Macɸ cɸ nibao joroquena, “José macɸ ǎmi,” caɸ tɸgoɸɸabajuparaɸ camaja Jesure. Joséa Elí macɸ caɸɸurɸ. ²⁴Elí maca Matá cawamescɸ macɸ caɸɸurɸ. Matá Leví macɸ caɸɸurɸ. Leví Melqui macɸ caɸɸurɸ. Melqui Jana macɸ caɸɸurɸ. Jana José macɸ caɸɸurɸ. ²⁵José Matatías macɸ caɸɸurɸ. Matatías Amós macɸ caɸɸurɸ. Amós Esri macɸ caɸɸurɸ. Esri maca Nagai macɸ caɸɸurɸ cɸ a. ²⁶Nagai Maat macɸ caɸɸurɸ. Maat Matatías macɸ caɸɸurɸ. Matatías Semei macɸ caɸɸurɸ. Semei José macɸ caɸɸurɸ. José Judá macɸ caɸɸurɸ. ²⁷Judá Joana macɸ caɸɸurɸ. Joana maca Resa macɸ caɸɸurɸ. Resa Sorobabé macɸ caɸɸurɸ. Sorobabé Saratié macɸ caɸɸurɸ. Saratié Neri macɸ caɸɸurɸ. ²⁸Neri Melqui macɸ caɸɸurɸ. Melqui Adi macɸ caɸɸurɸ. Adi Cosam macɸ caɸɸurɸ. Cosam Elmodam macɸ caɸɸurɸ. Elmodam Er macɸ caɸɸurɸ. ²⁹Er Josué macɸ caɸɸurɸ. Josué Elieser macɸ caɸɸurɸ. Elieser Jorim macɸ caɸɸurɸ. Jorim Matá macɸ caɸɸurɸ. ³⁰Matá Leví macɸ caɸɸurɸ. Leví Simeón macɸ caɸɸurɸ. Simeón Judá macɸ caɸɸurɸ. Judá José macɸ caɸɸurɸ. José Jonán macɸ caɸɸurɸ. Jonán Eliaquim macɸ caɸɸurɸ. ³¹Eliaquim Melea macɸ caɸɸurɸ. Melea Mainán macɸ caɸɸurɸ. Mainán Matata macɸ caɸɸurɸ. Matata Natán macɸ caɸɸurɸ. ³²Natán David macɸ caɸɸurɸ. David Isai macɸ caɸɸurɸ. Isai Obé macɸ caɸɸurɸ. Obé Booz macɸ caɸɸurɸ. Booz Salmón macɸ caɸɸurɸ. Salmón Naasón macɸ caɸɸurɸ. ³³Naasón Aminadá macɸ caɸɸurɸ. Aminadá Aram macɸ caɸɸurɸ. Aram Esrom macɸ caɸɸurɸ. Esrom Fares macɸ caɸɸurɸ. Fares Judá macɸ caɸɸurɸ. ³⁴Judá Jacobo macɸ caɸɸurɸ. Jacobo Isai macɸ caɸɸurɸ. Isai Abraham macɸ caɸɸurɸ. Abraham Taré macɸ caɸɸurɸ. Taré Nacor macɸ caɸɸurɸ. ³⁵Nacor Serú macɸ caɸɸurɸ. Serú Ragau macɸ caɸɸurɸ. Ragau Pelé macɸ caɸɸurɸ. Pelé Heber macɸ caɸɸurɸ. Heber Sala macɸ caɸɸurɸ. ³⁶Sala Cainán macɸ caɸɸurɸ. Cainán Arfasá macɸ caɸɸurɸ. Arfasá Sem macɸ caɸɸurɸ. Sem Noé macɸ caɸɸurɸ. Noé Lame macɸ caɸɸurɸ. ³⁷Lame Musalé macɸ caɸɸurɸ. Musalé Enocɸ macɸ caɸɸurɸ. Enocɸ Jared macɸ caɸɸurɸ. Jared Mahalaleel macɸ caɸɸurɸ. Mahalaleel Cainán macɸ caɸɸurɸ. ³⁸Cainán Enós macɸ caɸɸurɸ. Enós Sete macɸ caɸɸurɸ. Sete Adán macɸ caɸɸurɸ. Adán nemoopure Dio macɸ caɸɸurɸ yua.

Tentación de Jesús

(Mt. 4.1-11; Mr. 1.12-13)

4 ¹Juan Jesure cɸ cabautisaro bero Dio Espiritu Santo seeto majuu cǎnicɸaɸurɸ Jesu mena. To bairi Jesure Jordán na caɸri ya cǎnacure camaja na samanoɸ, cayucɸ manopɸ cɸ cajugo aájuru Espiritu Santo yua. ²Toɸɸ caɸɸurɸ Jesu cuarenta rɸmɸri majuu. Toɸɸ caɸee unie mani paɸɸ cɸ cǎno Sataná caroorije cɸ cáti rotibajurɸ. To bairo cɸ cabairi rɸmɸrire Jesu caɸgaquejurɸ. To bairi seeto caɸigo riabuɸayurɸ. ³To bairo caɸigo riare tɸjɸɸ ocɸo bairo cɸ caɸɸurɸ Sataná:

—Dio Macu mu cãmata atia ñ taarena ugarique jeñoori ugaya, cu caĩñupũ.

⁴To bairo cũre cu caĩro:

—Yu átiquêe. Dio ye queti ucarica pũuripũ ocõo bairo i ucarique ã:
“Camaja ugarique jeto mena caroaro mari catĩ majiquêe. Dio Wadarique macare tugooñacõari caroaro mari catĩ ani maji,” cu caboca iñupũ Jesu maca.

⁵Cabero Sataná cu cajugo aájupũ caumuaricu ñ taupũ. Cu jugo aá, tii buipũ yoaro mee cu caĩñoo peocõañupũ ati yepa macaje nipetirore. To cãnacá maca cu caĩñoofupũ. Tiere cu iñoũ ocõo bairo cu caĩñupũ Sataná:

⁶⁻⁷—Atie mu yũ caĩñooriye caroa majuu ati yepa macaje yũ ye jeto ã. To bairi noo yũ cajoogaure cu yũ joogu. Murena mu caboata mu yũ joogu. To bairi nipetiri macari macanare caupũ mu yũ jöogu yũ tapũ r̄popatuapũ numu cumuri yure mu cajeni nucubugoata. Jaũ, mu iwã, Jesure cu caĩbajupũ Sataná.

⁸To bairo cu caĩro:

—iAácuja! Dio ye quetire ucarica pũuripũ caĩrore bairo jeto yu átigu. Ocõo bairo i ucarique ã: “Dio jĩcaũna ãmi Caupũ mari catĩ nucubugopũ. Cu carotirije jetore ája,” Satanáre cu caĩñupũ Jesu yua.

⁹Cabero Sataná moquena cu jugo aá, Jerusalêpũ Dio wii buipũ cu cajugo aájupũ. Topũ cu jugo aá, ocõo bairo cu caĩñupũ:

—Cariapena Dio Macũna yũ ã mu caĩata atopũ bapa ña rui aácuja yepapũre. Cariapena Dio Macu mu cãmata mu riaquetigu, cu caĩbajupũ Sataná Jesure. ¹⁰—Dio ye queti ucarica pũuripũ ocõo bairo i:

Ángel majare mu cote rotigumi Dio.

¹¹Nare mu boca ñe rotigumi ñ ta rupaapũre mu caña roca peaquetiparore bairo ii. Ti wame i ucarique ã.

¹²To bairo cu caĩro:

—Ocõo bairo i Dio Wadarique, cu caĩñupũ Jesu moquena: “Muja Upũ Diore, ‘Mu camajirijere áti iñoõña,’ i nucubugoriquere manona apeye uniere cu áti rotiquêja,” cu caĩñupũ Jesu.

¹³To bairo Sataná caĩtobajupũ Jesure, caroorijere cu cáto boobacu. Apeye cu caĩtope majiquetibacu cu cáaáweoyupũ. “Ape rumu cu yũ itogu moquena caroorijere cu cátiparore bairo,” caĩ tugooñabajupũ Sataná.

Jesús comienza su trabajo en Galilea

(Mt. 4.12-17; Mr. 1.14-15)

¹⁴Cabero Jesu camaja manopũ cãnacu Galilea yepapũ catunucoajupũ. Seeto majuu Dio Espĩritu Santore cugori catunucoajupũ. Topũre cu cabairijere camaja nipetiro caame buio jeja peticoajuparã. ¹⁵Topũre to cãnacá maca na caneñapo buenucuri wiiripũre camajare na cabuio jugoyupũ Jesu. Nipetiro cũre caapirã caroaro cu caĩ wariñuu nucubugoyuparã.

Jesús en Nazaret

(Mt. 13.53-58; Mr. 6.1-6)

¹⁶Cabero Nasarépũ catunu ejayupũ Jesu, cu cabatirica macapũ. Topũ eja, judío maja na yerjãrica rumu sãbado cãno na caneñapo bueri wiipũ cajãañupũ. To bairo jeto cátinucuiñupũ ti rumu unore. To bairi ti wiipũ jãa, sawamũ nucañupũ, Dio Wadariquere to cãnare bue apioogu. ¹⁷To bairo cu cabairo Isaía, Dio ye quetire cabuiori majocu ãnacũ cu caucariquere bue

rotirã cü cajooyuparã Jesure. Jesu ti pũurore ne, pã maca, cü cabuegari pau buga átiri catũyuyupũ. Isaía ãnacü cü caucariquere ocõo bairo na caĩ bue apio jũgoyupũ:

¹⁸ Dio Espiritu Santo yũpũ ãmi, cabopacarãre caroa quetire yũre buio rotii. Catũgoõnarique pairãre na wariũuo joroque yũ átí rotimi Dio. Presopũ cãnare bairo cãnare na buu rotii yũ joomi Dio. Noa cacape tũjũquẽnare tũjũrique nare yũ joo rotimi Dio. Aperã rooro capopiyeye ecoorãre na yũ mataboja rotimi Dio.

¹⁹ “Yucũ Dio caroaro na átibojagumi,” camajare yũ ĩ buio rotimi Dio.

Tiere Isaía ãnacü Dio ye quetire cü caĩ ucariquere na caĩ bue apioyupũ Jesu ti wiipũ cãnare.

²⁰ Na ĩ bue apio yaparo ti pũurore bugá, ti wii papera pũurire cacoteire cü tunuo joo, caejanumucoajupũ moquena. Cü caejanumu áto seeto cü catũyuyuparã nipetirã. ²¹ To bairi ocõo bairo na caĩ buio jũgoyupũ Jesu:

—Yucũra mũja caapĩropũ yũ cabue apioeje cõo Isaía cü caĩ ucariquere bairona bai, na caĩñupũ Jesu.

²² To bairo caroaro Jesu cü cabuioero apirã caapi acũacoajuparã.

—¿Nope ĩi to cõo caroaro cü buio majiti mari mena cãnacu anibaopũcũna? José macũna ãmi, caame ĩñuparã, Jesure nũcũbũgogaquẽna.

²³ To bairo na caame ĩrijere tũjũũ ocõo bairo na caĩñupũ Jesu:

—Yũre nũcũbũgoquẽna ocõo bairi wame mari ñicu jãa na caĩnucurica wame, “ ‘Ucoyeri majocũ, riayere canetoo majii mũ cãmata mũ majuuna mũ cariaye cutiere netooña. Caroaro canetoo majii ãcumi, na ĩato ĩi to bairona ája.’ To bairi Capernaupũ mũ cáti ĩnooriquere jã queti apiwũ. To bairi topũ mũ cáttore bairona atopũ mũ ya macapũ quenare áti ĩnooña,” yũre mũja ĩrã, na caĩñupũ.

²⁴ Cabero na caĩnemowĩ Jesu:

—Dio ye queti buiori majocũre cü ya maca macana cü nũcũbũgoquẽnama.

²⁵ Tirũmũpũre Elías cawamescũcũ Dio ye quetire buiori majocũ caĩñupũ Israelpũ. Cü cãni yũteapũ cawapearicarã romiri capãarã caĩñuparã Israelpũ. Tĩ pau cãno itia cuma ape cuma recomaca caocaquẽjũpe. To bairi ugarique camañũpe. Camaña caĩngo tamũoñuparã. ²⁶ To bairi cawapearicarã romiri capãarã catamũorã Israelpũre na nibao joroquena Elíare na cátnemo rotiquẽjupũ Dio. Ape macapũ cãco jettore cátnemo rotiyupũ Dio Elíare, Sidõn cawamecutopũ Sarepta macacore, na caĩñupũ Jesu. ²⁷—Apei moquena Eliseo Dio ye quetire buiori majocũ cü cãni yũteapũ to bairona cabaiyũpe. Israelpũ capãarã caajeri boarã caĩñuparã. Israelpũ capãarã na nibao joroquena Eliseo na riayere na canetoobojaquẽjupũ. Ape yepa macacũre Siria macacũ jettore cü cariarije cü canetoobojayupũ Eliseo, na caĩ buioyupũ Jesu ti wiipũ cãnare.

²⁸ To bairo cü caĩro apirã ti wii neñapo buerica wiipũ cãna seeto cü capunijiniñuparã. ²⁹ To bairi cü punijinirã Jesure cü cañeocoajuparã. Cü ñe, na cãni maca tũjaropũ ũ tau buipũ cü ne aá, cü catune roca ñoogabajuparã.

³⁰ Cü na catune roca ñoogari paũna Jesu maca camajiña manona na watoapũ cááa netocoajupũ yua.

Un hombre que tenía un espíritu malo

(Mr. 1.21-28)

³¹ Cabero Jesu cáaácoajupũ moquena Capernaupũ, Galilea yepapũ cãni maca. Topũ ãcũ to cãnacã semana judío maja na yerijãrica rũmũri sãbado

cãno to macanare Dio yere na cabuionucuñupũ. ³² Caroti majiire bairo na cabuioyupũ. To bairi caari acuacoajuparã to macana.

³³ Na neñapo buerica wiipũ jicau cayeri wãticũcũ cãñupũ. To bairi Jesure seeto cũ caĩ awajayupũ cũ a:

³⁴ —iJesu, Nasaré macacu! iJã patawãcooqueticõaña! ¿Jãre rei acú mu bairi? Mũre yũ maji. Mũa Dio Macũ majuu caroau cũ cajooricũ mu ã, cũ caĩ awajayupũ.

³⁵ To bairo cũ caĩrona Jesu maca ocõo bairo caĩ tutiyupũ wãtire camajocũpũre cajañaure:

—iJanacõaña! iCũ buti aácũja!

To bairo cũ caĩrona camajocũpũre wãti cũ catune roca cũcõa buti aájupũ, camaja nipetiro na catũjũropũ. Wãti cũ cabutiro bero camajocũ jĩacã camĩ cutiquẽcũ, cañũna cãñupũ.

³⁶ To bairo cũ cañũuro tũjũrã Jesure catũju acuacoajuparã camaja nipetirã.

—¿Ñe unie wadarique to ãti atie cũ cawadarije? Tie cũ cawadarije menana acu buu majimi wãtia quenare. Nare cũ cabuti rotiro nemoo buticoapa, caame ñũparã.

³⁷ To bairi ti maca tũjarori macana nipetiro Jesu cũ cátiere caqueti api peticoajuparã yua.

Jesús sana a la suegra de Simón Pedro

(Mt. 8.14-15; Mr. 1.29-31)

³⁸ Jesu neñapo buerica wiipũ cãnacũ cabuti aájupũ. Buti, Simón Pedro ya wiipũre caejayupũ. Topũ cũ caejaro Simón Pedro mañico seeto cabũgoye riayupo. To bairi to cãna cabũgoye riaore co cariarijere Jesure canetoo rotiyuparã. ³⁹ Jesu co tũ ejanũca, bũgoyere cajana rotiyupũ. Cũ cajana rotirona, “iJanaña!” cũ caĩrona cajanacoajupe cõre cabũgorije. Seeto caribatacona yua wamũnũca átiri na caũgarique peobojayupo Simón Pedro mañico yua.

Jesús sana a muchos enfermos

(Mt. 8.16-17; Mr. 1.32-34)

⁴⁰ Muipũ cũ caroca jãari paũ cãno camaja nipetiro na yarã ricatiri cariaye cũnare na cajee ajuparã Jesu tũpũ. Na cãno cãnacũpũrena na cañiga peoyupũ Jesu cũ wamo mena, na riaye netoou. ⁴¹ Capãarã wãtia camajare cajañarã quenare na cabuuyupũ Jesu. Nare cũ cabuurona cũ caĩ awajayuparã wãtia:

—iMũna Dio Macũ mu ã! cũ caĩ awajayuparã.

Wãtia maca Dio cũ cajooricũ Jesu cũ cãniere camajicõañuparã. To bairi Jesu maca na jana rotiri na cawada rotiquẽjupũ wãtiare yua.

Jesús predica en Galilea

(Mr. 1.35-39)

⁴² Ape rũmũ cabujuri paũ yopi, maca tũjaropũ camaja na camanopũ cãaájupũ Jesu. To bairo cũ cabairo camaja capãarã cũ maca, cũ caũja ejayuparã. Aperopũ cũ cãaá rotigaquetibajuparã. ⁴³ To bairo na caĩbao joroquena:

—Ape macari macana quenare Ũpaũ Dio cũ cãnie quetire na cabuiopau yũ ã. To bairo na buioya ñi, yũ cajoowĩ Dio, na cañũpũ Jesu.

⁴⁴To bairi cabuionemo ɛjaajurɛ Jesu judío maja na cāni macaripure na neñapo buerica wiiripɛ.

La pesca milagrosa

(Mt. 4.18-22; Mr. 1.16-20)

5¹Jĩca rɛmɛ Jesu Genesaret cawamecɛti ra tɛjarorɛ cāñurɛ. Topɛ cɛ cāno camaja capāarā caejayuparā, Dio ye quetire cɛ cabuoro apigarā. Cɛ apigarā seeto cɛ tujaroacā cāñuparā. ²Puga cumua camaja manie catɛjɛyurɛ Jesu ti ra tujaro capajarijere. Na bapi yucure cojerā cájuparā ti cumuari ɛparā. Wai jĩari wapatarɛ maja cāñuparā. ³To bairi camaja capāarā cɛ tujaroacā majuu na cāno tɛjuri jĩca cumua Simón cawamecɛcɛ ya cumuarɛ caeja jāañurɛ. Eja jāa, cɛ cañu wio rotiyurɛ Jesu Simóre. Ti cumuarɛ jañari camaja petarɛ catɛjɛnucurāre na caqueti buioyurɛ.

⁴Na buio yaparo Simóre cɛ cañurɛ:

—Carecomarɛ we wio joori mɛja bapire roca ñuaña, wai jĩagarā, cɛ cañurɛ Jesu.

⁵To bairo cɛ caĩro:

—Jāre camajioɛ, mɛpɛ macá ñamire jā áti bujucoabarɛ, wai jĩagarā. Na jā bugaquɛrɛ, cɛ cañurɛ Simón. —To bairo cátiena nibaorɛnana mɛ caĩrore bairo yɛ átiɛ. Bapi yucure yɛ roca ñuaɛ, Jesure cɛ cañurɛ Simón Pedro.

⁶To bairi na bapi yucure caroca ñuañuparā. Na caroca ñuarona wai capāarā majuu cajāañuparā. Capāarā majuu na cajāroí bapi yucɛ woogarorɛ cabaiyure. ⁷To bairi wai capāarā majuu na cajāaro tɛjurā, na yarāre ape cumuarɛ cānare na cabugá piyuparā, bapire jā ne mɛgonemorā ajá irā. To bairo na cáto caejayuparā na cabugá pijorā. Eja, waire na cajɛ jeenemoñuparā. Puga cumuarɛna cajira ruaboyure yua. ⁸⁻¹⁰To bairo cabairijere catɛjɛ acɛacoajuparā Pedro, cɛ mena macana. Sebedeo punaa - Jacobo, cɛ bai Juan - Pedro mena waire cajānemonucurā cāñuparā. To bairi Pedro acɛa tɛjɛn Jesu tɛ rɛropatuarɛ numu cumuri cɛ cañurɛ Simón Pedro:

—Yɛ ɛparɛ, carooɛ yɛ ā yua. To bairi yɛre bapa cutiqueticōaña. Jesure cɛ tɛjɛ acɛa bobori cɛ cañurɛ.

To bairi Jesu maca Pedro, “Yɛre bapa cutiqueticōaña,” cɛ caĩro apii cɛ cañurɛ:

—Yɛre bobo tɛgooñaquɛja. Yucɛacāre wai jĩarique caroaro camajii mɛ ā. Atie bero yɛ ye quetire cabuio majii mɛ anigɛ. To bairo camajare na mɛ caĩ buio yɛre apipajeegarāma, cɛ cañurɛ.

¹¹To bairi pā atí, roca tu, na cumuarire, na apeye unie nipetiro cáaáweocoajuparā, Jesure cɛ ɛja aána yua.

Jesús sana a un leproso

(Mt. 8.1-4; Mr. 1.40-45)

¹²Cabero ape macarɛ Jesu cɛ cāno jĩcaɛ seeto rupaɛna caajeri boaɛ cɛ catɛjɛyurɛ Jesure. Jesure cɛ tɛjɛ, cɛ tɛrɛ eja, rɛropatuarɛ canumu cumu nɛcɛbɛgoyurɛ.

—Yɛ ɛparɛ, yɛ caboarijere caroaro mɛ yaá majii. To bairi mɛ caboata yɛre mɛ netoo catioɛn, bopacooro cɛ caĩ jeniñurɛ Jesure.

¹³To bairo cɛ caĩro apii Jesu cɛ wamore ñu peo, cɛ carañañurɛ:

—Mɛ caboarijere yɛ netooɛ. To cōona mɛ caboarije yaticoagaro, cɛ cañurɛ. To bairo cɛ caĩ pañarona nemoo cɛ caboarije cayaticoajure yua.

¹⁴To bairi cū pañari bero ocõo bairo cū caĩñupũ Jesu:

—Mũ canetorijere aperãre na buioquẽja mai. Cariapena aácũja Dio wii macacu sacerdote majocu tũpũ. Aá, caboarique mũ cayatirijere cū iñoõña. Cũ iñoõ, topũ Moisé ãnacũ cũ cajoo rotiriquere apeye uniere Diore cũ jooya. To bairo mũ cáto to cõona mũ canetorijere mũ tũju majigarãma camaja, cũ caĩñupũ Jesu.

¹⁵Ati wame bero nipetiropũ Jesu cũ cátie queti cajecoajupe. Tie quetire apirã camaja capãarã Jesu tũpũ caejayuparã. Jĩcaarã cũ cabuorijere apigarã, aperã na riayere cũ netoo rotigarã cũ tũpũ caejayuparã. ¹⁶To bairo na cátibao joroquena Jesu maca cũ Pacũ Diore jeni nũcũbugõn camaja na camanopũ nairoacã cáaánucũñupũ.

Jesús sana a un paralítico

(Mt. 9.1-8; Mr. 2.1-12)

¹⁷Jĩca rũmũ Jesu camajare cũ cabuiooro fariseo maja quena, aperã judío majare cabuerã quena cũ catũju ruijoyuparã. To cãnacã maca macana cáatãna cãñuparã. Galilea yepapũ cãni macari macana, Judea yepapũ cãni macari macana, Jerusalén macana cãñuparã. Na catũju ruijori paũ Jesu cariyaye cũnare na catioũ cájupũ. Dio cũ camajirije mena cájupũ. ¹⁸To bairo na cũ cáti ãno aperã cáaa majiquẽcũre cũ cayo neajuparã. To bairo Jesu cũ cáti ani wiipũ cũ cane jãagabajuparã, Jesu tũpũ cũ cũgarã. ¹⁹Camaja capãarã na cãnoi cũ cane jãa majiquẽjuparã. To bairi wii bui cũ yo ne wamũ aá, oco juurica pãiri na capeoriquere jĩca jope jee woo átiri, cũ cayojaricarõ menana cũ cayo ruio jooyuparã Jesu tũpũ, camaja watoapũ. ²⁰To bairo cũ na cáto, “Mari yaũre catio majiimi,” cũ na caĩ tũgoõña nũcũbugorijere camajiñupũ Jesu. Cũ na caĩ tũgoõña nũcũbugorijere majii ocõo bairo caĩñupũ Jesu cáaa majiquẽcũre:

—Caroorije mũ cátajere majiritioũ yũ áa, cũ caĩñupũ.

²¹To bairo cũ caĩro apirã judío majare cabuerã fariseo maja quena ocõo bairo caĩ tũgoõñañuparã Jesure: “¿Nope ñi rooro Dio cũ caapi tũjooquẽtiere cũ ñti? Cũa manire baii camajocũ cácũna caroorije camaja na cátiere na majiritioboja majiquẽemi. Dio jĩcaũna ãmi camaja caroorije na cátiere camajiritioboja majii,” caĩ tũgoõñañuparã.

²²To bairo na caĩ tũgoõñarijere majiri ocõo bairo na caĩñupũ Jesu:

—¿Nope ñrã to bairo yũ muja ñ tũgoõñati? na caĩñupũ. ²³⁻²⁴—Cáaa majiquẽcũre, “Caroorije mũ cátiere majiritioũ yũ áa,” cũ yũ caĩro, “Jocũna ñmi,” muja ñrã. “Wamũnũcacoa aácũja,” cũ yũ caĩata cũ riaye to canetoro yũ catutuarijere muja tũju majigarã. To bairi muja catũjũro cũ riayere yũ netoogu. Cũ yũ canetoorõ camaja caroorije na cátajere na yũ camajiritioboja majirijere muja tũju majigarã. “Dio Macũ camaja tũpũ Dio cũ cajooricũ caroorije camaja na cátajere na majiritioboja majimi,” yũre muja caĩ majiparore bairo ñi, cũ yũ netoogu, na caĩñupũ Jesu.

To bairo na ñ, ocõo bairo cũ caĩñupũ Jesu cáaa majiquẽcũre:

—Wamũnũcacoãña. Mũ yojaricarore ne, aácũja mũ ya paupũ, cũ caĩñupũ Jesu.

²⁵To bairo cũ caĩrona cáaa majiquetibatacu wamũnũca, cũ cayojaricarore ne, cáaaõajupũ cũ ya wiipũ aácũ.

—ĩNuu majuucõa! Diore cũ caĩ wariñũñupũ.

²⁶Ti wiipũ cãna to bairo cũ caĩũuro tũjũrã catũju acũacoajuparã.

—Yucũacã mari tũjũwũ catũjuñaña maniere. Dio cũ cátie ñũu neto majuucõa, caĩ wariñũñuparã.

Jesús llama a Leví

(Mt. 9.9-13; Mr. 2.13-17)

²⁷Cabero ti paɯ cānacɯ buti aá, Leví cawamecɯcɯre catɯjɯyɯɯu Jesu. Leví maca camaja yere gobiernore niyeru jeebojari majocɯ cāñɯɯ. To bairi cɯ capaari arɯarɯ cɯ caruiro Jesu cɯ tɯjɯ buga:

—Yɯ mena ajá, cɯ caññɯɯ Levíre.

²⁸To bairo cɯ cañro apii cɯ ye cɯ paarique nipetiro cacɯ aáweocoajɯɯ, Jesu mena aáɯ yua.

²⁹Cabero Leví cɯ ya wiipɯre ejaɯ Jesure boje rɯmɯ cɯ cátibojayɯɯ. To bairi Levíre bairona capaariquesɯna camaja yere gobiernore niyeru jeebojari maja na yarā mena caejayupará. Eja, boje rɯmɯ ɯgarique na caɯganemoñupará. ³⁰To bairo cabairā mena Jesu cɯ caboje ɯgaro tɯjɯrā fariseo maja, judío majare cabuerā ocōo bairo na cañ tutiyupará Jesu cɯ cabuerāre:

—¿Nope irā camaja yere gobiernore niyeru jeebojari maja, aperā caroorā mena mɯja bapacɯti ɯganucuti?

³¹To bairo na cañ tutiro apii ocōo bairo na caññɯɯ Jesu maca:

—Ʋcoyeri majocɯ cariyaye manare na ɯcoyequēcɯmi. Cariayecɯna jetore na ɯcoye majimi, na caññɯɯ Jesu. ³²—To bairona, “Caññuurrā jā ā,” cañrāre na átinemoɯ acú mee yɯ cáapá. Caroorā macare caroorije na cátiere jutiriti rotii yɯ cáapá. Rooro na catɯgooñarijere na wajoa rotii acú yɯ cáapá, na caññɯɯ Jesu.

Le preguntan a Jesús sobre el ayuno

(Mt. 9.14-17; Mr. 2.18-22)

³³Cabero aperā Jesure cɯ cañ jeniñanemoñupará moquena:

—Juan bautisari majocɯ cɯ cabuerā nairoacā ɯgaquēnana Diore jeni nɯcɯɯgonucuma. Fariseo maja na cabuerā quena to bairona nairoacā bainucuma. Mɯ cabuerā maca baiquetinucuma. Na maca ɯga, eti, áticōa aninucuma, cañwā Jesure.

³⁴To bairo na cañro:

—Jicasɯ cɯ cawamo jiari boje rɯmɯ cāno cɯ mena macana tɯgooñarique pairi ɯgaqueti bai majiquēnama na mena cɯ cānoi. ³⁵Ape rɯmɯ aperā maca to cōona aperorɯ cɯre na cañe aápata tiere tɯgooñarique paibana ɯgaqueti baiborāma. Mai Jesu cɯ cabuerā cɯ mena ānaa na caɯgaqueti tɯgooñarique paiquētiere na i buio majioɯ, na caññɯɯ Jesu.

³⁶Ape wame queti buio majiorica wame na cañ buioyɯɯ Jesu moquena. Cɯ ye quetire fariseo maja jāa jocarāna na cañ buiorije mena catɯgooñ ajuquetipe ā ii, ocōo bairo na cañ buiowí:

—Camajoco jutiuro cawamaro cajaanā manore woo nequēcɯmo cabɯcɯrore e tuugo. To bairo co cápata cawamaro quena ope cɯtiboro. Co cawoo nebata ajero ape jutiuro cabɯcɯro mena caroaro tɯjooquetiboro, na caññɯɯ Jesu fariseo majare. ³⁷—Vino ɯje oco etirique cawama mɯja cátiere cabɯcɯ poa wecɯ ajero poare mɯja pio jāquēna. Cabɯcɯ poarɯ mɯja capio jāata woocoaboro. Vino etirique pio recoaboro yua. ³⁸Vino etirique cawama mɯja cátiere cawama poarɯ mɯja pio jānucu, na caññɯɯ Jesu. ³⁹—Vino ɯje oco cabɯcɯ macajere caetirā aperā cawama na cátiere booquēnama. “Cabɯcɯ macaje ñuubɯja. Apeye jā etiquēe,” iborāma. To bairona na caññɯɯ Jesu, “Mɯja ya wame cabɯcɯ wame jetore mɯja boo, yɯ ye queti cawama wamere mɯja apigatee,” na ii.

Los discípulos recogen trigo en el día de descanso

(Mt. 12.1-8; Mr. 2.23-28)

6¹ Ape rumu sábadu, judío maja na yerijárica rumu cãno trigo wejeri recomacapu caneto aájupu Jesu cu cabuerã mena. Neto aánana trigo apere tune jee átiri, cajique poo uga aájuparã. ² To bairo na cáti uga aáto na catujuyuparã fariseo maja. Na tujuri, ocõo bairo na cañuparã:

—¿Nope írã Moisé ãnacu yerijárica rumu cãno cu cáti rotiquetajere paarique mña áati? na cañuparã.

³ To bairo na caïro Jesu maca ocõo bairo na cañupu:

—Ûpau David ãnacu cu mena macana mena ñigo riabana na cátajere mere mña bue tugaricarã, na cañupu. ⁴—David Dio wiipure jãa áti, ñigo riabacu cajawa bui capejarijere ugarique rupaare Diore cu na cajoobatajere jee, uga átiri, cu mena macanare tiere na canuñupu. Dio wii macana sacerdote maja jetore na cauga rotirije cãnibajupa. David, cu mena macana sacerdote maja aniquetibaopunana Moisé ãnacu na unare cu cauga rotiquetajere caugayuparã, na cañupu Jesu fariseo majare.

⁵—Yua Dio Macu camaja tupu Dio cu cajooricu, caroti majii aniri yerijárica rumu cãno cátiye quenare carotii yu ã yua, na cañupu Jesu fariseo majare.

El hombre de la mano seca

(Mt. 12.9-14; Mr. 3.1-6)

⁶ Ape rumu moquena sábadu rumu, judío maja na yerijárica rumu cãno Jesu neñapo buerica wiipu cajãa aájupu. Jãa, topu cãnare Dio Wadariquere na cabuioyupu. Topu cañupu jicau camajocu cariape nãgoa macare cawamo rooye tuaricu. ⁷ Judío majare cabuerã, fariseo maja mena Jesure seeto cu catuju pojerooyuparã. “Jesu anire cawamo rooye tuaricure yucu yerijárica rumu to nibao joroquena cãre cu canetooata uparãpore cu mari wadajãcõagarã,” caï tũgooñañuparã. ⁸ To bairo cu na caï tũgooñarijere camajicõañupu Jesu. To bairi cawamo rooye tuaricu macare ocõo bairo cu cañupu Jesu:

—Wamũncacõaña. Yu tu maca aduja.

To bairo cu cu caïro wamũncari cu tu caeja nũcañupu cawamo rooye tuaricu yua. ⁹ To bairo cu cabairo rooro cãre caï tũgooñarãre na cañupu Jesu:

—¿Nope írã to bairije mña í tũgooñati? Tũgooñaña. ¿Yerijárica rumu cãno caroa wame aperãre cu átiboja rotiti Dio? O ¿caroorije macare cu áti rotiti que? ¿Yerijárica rumu cãno aperãre mari cu catio rotiti? o ¿na jãña cu íti? na cañupu Jesu.

¹⁰ To bairo na í, cãre catuju pojeroorãre na tujpu peti, cawamo rooye tuaricure:

—Mu wamore ñupoya, cu cañupu.

To bairo cãre cu caïrona cu wamore cañupoyupu. Cu cañuporona cu wamo cañuucõajupe. ¹¹ To bairo cabairo tujurã judío majare cabuerã, fariseo maja jãa Jesure seeto cu capunijiniñuparã. Cu punijiniri:

—¿Dope bairo cu mari áti wadajãcuti? uparã cu na jãa rocacõato írã caame í wadapeniñuparã.

Jesús escoge a los doce apóstoles

(Mt. 10.1-4; Mr. 3.13-19)

¹² Ape rumu ñ taupu cãaãcõajupu Jesu, Diore cu jeni nũcubũgon aácu. Ti ñami Diore cajeni nũcubũgo bujucõajupu. ¹³ Ape rumu cabujuri rau cãno na carijoyupu

cũ cabuerãre. Na pijori na cabejeyupũ doce cãnacãurpurena, yũ ye quetire cabuionemorã mũa anigarã na ïi. ¹⁴Simóre cũ cabejeyupũ. Ape wame Pedro cũ caĩñupũ Simóre. Simón Pedro bai André quenare cũ cabejeyupũ. Apei Jacobo, apei Juan, apei Felipe, apei Bartolomé, ¹⁵apei Mateo, apei Tomás na cabejeyupũ. Apei Alfeo macũ Jacobo quenare cũ cabejeyupũ. Apei Simón cananista ya poa macacũre cabejeyupũ Jesu. ¹⁶Apei Jacobo yau Juda quenare cũ cabejeyupũ Jesu. Apei Judas Iscariote quenare cũ cabejebajupũ. Jesure cũ cajãparãre cawadãjãpaũ caĩñupũ cũa. To cãnacãũ caĩñuparã Jesu cũ cabejericarã cũ ye quetire cabuionemoparã.

Jesús enseña a mucha gente

(Mt. 4.23-25)

¹⁷⁻¹⁸Jesu na beje yaparo ù taũ buipũ cãnacũ cũ cabuerã mena rui atí, ti ù taũ pũto cãni yeparũ na mena caejayupũ. Cũ carui evaro camaja capãarã cũ cacote tũjũnucũñuparã, cũ cabuioirijere apigarã, na riayere Jesure cũ netoo rotigarã. Judea yepa macana, Jerusalén macana, aperã capairi ya tũjaro macã macari macana Tiro, Sidón cawamecuti macari macana Jesure cũ cacote tũjũnucũñuparã. Jesu cayeri wãtiacũna quenare na canetooñupũ. ¹⁹To bairo cũ cáti majirije mena cariyecũna nipetirãre cũ canetooro tũjurã aperã cariarã quena cũ capaãagabajuparã, “Cũ yũ capaãarona yũ riaye netogaro,” ï tũgoõñari.

La felicidad y la infelicidad

(Mt. 5.1-12)

²⁰Cũ cabuioirijere caapipajeerãre na tũjuri ocõo bairo na caĩñupũ Jesu: —Yucnacãre cabopacarã mũa ã. To bairo mũa baibao joroquena Dio mũa Ɔpaũ aniri wariñuurique macare mũa joogumi, na caĩ buioyupũ Jesu.

²¹Yucnacãre mũa ñigo ría. Cabero cãni wariñuu yapirã mũa anigarã.

Yucna catũgoõñarique pairã mũa ã. Caberopure caepe wariñuurã mũa anigarã.

²²Yũre canũcũbũgo ẽjarã mũa cãnoi camaja mũaare tũjutee, mũa buu regarãma. “Caroorã ãma,” mũa ï tutiri mũa peju cutigarãma. To bairo mũa na caĩbao joroquena mũa wariñuugarã. ²³To bairo rooro mũa na cabaibao joroquena seeto wariñuuña. Capee cañuuriijere mũa joogumi Dio jõ buipũ. To bairo mũa na cátoe bairona cájupa na ñicu jãa quena Dio ye quetire buiori maja ãnanare, na caĩñupũ Jesu cũre caapipajeerãre.

²⁴Aperã paio caapeye cũgorã macare ocõo bairo na caĩñupũ Jesu:

—Mũjaa ati yeparure ãnaa paio apeye uniere mũa cũgotũga. Caberopũ rooro baigaro mũaare, na caĩñupũ Jesu paio cacũgorãre.

²⁵Yucure ati yepa ãnapũ caũga yapirãre bairona mũa ani wariñuutũga. Caberopũ rooro mũaare baigaro. Mũa ñigo tamũogarã, na caĩ buioyupũ Jesu. —Mũjaa yucnacãre seeto caepe wariñuurã mũa ã. Caberopũ ñuuquẽto tamũobana caotirã mũa anigarã, na caĩñupũ Jesu.

²⁶Tirũmũpũ Dio Wadariquere cabuioitorãre, “Caroaro, cariape buioma,” na caĩbajupa camaja. Yucũ mũa quenare to bairona ïma na pãramerã quena. Jocarãna Dio Wadariquere na mũa cabuioirije to nibao joroquena, “Caroaro, cariape buioma,” mũa ñnucuma mũa quenare. Caberopũ rooro mũaare baigaro, na caĩñupũ Jesu.

El amor a los enemigos

(Mt. 5.38-48; 7.12)

²⁷Ocõo bairo yũre caapirãre mũaña ï buiogũ: Mũaare catũju tutirãre na maiña. Mũaare cateerã quenare caroaro na ája, na caĩñupũ Jesu.

²⁸—Rooro m̄jaare cawada pairā quenare, “Caroaro m̄jaare to baiato,” na ĩnucua. Caroorije m̄jaare cána na cānibao joroquena na cānipere Diore na jenibojaya. ²⁹Jĩcau m̄jaare jĩca nũgoa cu cawajopana paata ape nũgoa quenare cu wajopana pa rotiya moquena. Jĩcau m̄ jutiuro bui macatore cu catu we neata m̄ camisa quenare cu jooya, tiere cu cabooata. ³⁰Nii jĩcau m̄jaare cu cajenirore cu jooya. Aperā m̄ja yere na cajeero, “Jā tunuo joocōaña,” na ĩ tutiquēja. ³¹Aperā caroare m̄jaare na cátipere boorā caroaro na áti ameña.

³²M̄jaare camairā jetore na m̄ja camaiata, “Caroaro camairā m̄ja ā,” m̄ja ĩquēcumi Dio. Caroorā quena to bairona na mena macanare na maima. To bairi aperā m̄jaare camaiquēna na cānibao joroquena na maiña m̄ja maca. ³³M̄jaare caroaro cána jetore caroaro na m̄ja caame ápata, “Aperāre caroaro cána āma,” m̄ja ĩquēcumi Dio. Caroorā quena to bairona caroaro ame áama caroaro na cānare. To bairi m̄ja maca m̄jaare caroorije cána quenare caroaro na m̄ja cáto, “Caroaro cána majuu āma,” m̄ja ĩgumi Dio. ³⁴M̄ja apeye uniere wajorā, “Jā tunuocōagarāma,” ĩ tũgoañaquetibaorũnana na m̄ja cajooro, “Caroaro cána majuu āma,” m̄ja ĩgumi Dio. “Jā tunuocōagarāma,” ĩ majiripũ na wajoma caroorā quena. ³⁵To bairi m̄ja maca, “Yoro mee jā tunuocōagarāma,” ĩ majiquestibaorũnana na wajocōaña. Caroaro aperāre na átinemoña. M̄jaare catujũ tutirā na nibao joroquena na maiña. To bairo m̄ja cáto caroare capee m̄ja joogumi Dio. Dio caroorā, cu caĩ wariñuuquēna na nibao joroquena caroaro na áami. To bairi m̄ja quena caroaro ája aperāre, m̄jaare catujutee tutirā na nibao joroquena. To bairo ána Dio cāni majuu punaa, cũre bairo cána m̄ja anigarā. ³⁶M̄ja quena aperāre na bopaca tujũ maiña, mari Pacu Dio marire cu cabopaca tujũ maiore bairona.

No juzguen a otros

(Mt. 7:1-5)

³⁷Aperāre, “Rooro áama, na capopiyeyepe ā,” na ĩ batequeticōaña. To bairo m̄ja caĩ batequēpata, “Rooro áama, na capopiyeyepe ā,” m̄ja ĩquetigumi Dio m̄ja quenare. Aperā caroorije m̄jaare na cátiere majiritioya. To bairo m̄ja cáto Dio quena majiritiogumi caroorije m̄ja cátiere, na caĩñupũ Jesu.

³⁸Aperā cacũgoquēnare na jooya. To bairo m̄ja cáto m̄ja quenare capee m̄ja joogumi Dio. M̄ja cajoorije netoro m̄ja joogumi. To bairi aperāre m̄ja cáto bairo m̄ja átigumi Dio.

³⁹To bairo na ĩ yaparo Jesu atie queti buio majiorica wamere na caĩñupũ. Cu yere cabooquēna Dio Wadarique jocarāna na caĩ buiorijere cu cabuerāre na ĩ majiou ocōo bairo na caĩñupũ:

—Jĩcau camajocu cacape mácu cu bapa quena cacape mácuere, “M̄ yũ jũgo tũga aácupa,” cũre cu caĩata na pũgarāũna operũre re jāacōarāma.

⁴⁰Jĩcau camajii cu cabuerā cu netoro majiquēnama. Nipetirā nare cu cabuero beropũ to cōona nare camajioricũre bairona camajirā anigarāma, na caĩñupũ.

⁴¹⁻⁴²Ape wame queti buio majiorica wame na caĩñupũ Jesu moquena:

—¿Nope ĩrā m̄ja yarāre, m̄ja majuuna paio caroorije átibaorũnana, “Caroorije m̄ja áa,” na m̄ja ĩti? M̄ja majuuna caroorije áti janaña aperāre, “Caroorije m̄ja áa,” na m̄ja caĩparo jũgoye. To bairi apeire, “M̄ capearũ jitaacā cajanarijeacāre yũ ne rocapa,” caĩrāre bairo m̄ja ĩ, m̄ja

majuuna pairi pocaro m̄ja cápeepure to cajaanabato quena. To bairo m̄ja caíata jocarā majuu m̄ja íborā. M̄ja majuuna m̄ja cápeepu cajaanari pocarore ne rocaya. Ne rocari bero caroaro t̄ju majirā apeí c̄ capeapu j̄taacā cajaanarijeacāre m̄ja ne rocaboja majigarā. To bairona apeire, “Ati wame caroorije áti janacōaña,” c̄ ígarā jugoye m̄ja majuuna c̄ netoro caroorije m̄ja c̄tinucurijere áti janacōaña.

El árbol se conoce por su fruto

(Mt. 7.17-20; 12.34-35)

⁴³Ocōo bairo na cabuioyupu Jesu moquena:

—J̄icau yuc̄ caroa caricacutii caroorije rica cutiquēto. Apei yuc̄ caroorije caricacutii caroa macare rica cutiquēto. ⁴⁴Nipetirije yuc̄re tie rica mena t̄ju majirique ā. Narañau nibaop̄tona higo na caĩrije caroa caipitirije macare rica cutiquēto. Pota miji w̄eri quena ũjena rica cutiquēto. ⁴⁵Tiere bairona áama camaja quena. Camajoc̄ cañu c̄ yerip̄ caroa macaje c̄no caroa wadami. Apei maca c̄ yerip̄ure caroorije c̄no caroorije wadami. To c̄nac̄ur̄na na yerip̄ c̄nie jetore wadama.

Las dos bases

(Mt. 7.24-27)

⁴⁶¿Nope írā, “Jā Ūpañ,” yure íbaop̄nana ȳ carotiri wamere m̄ja átiq̄eeti? ⁴⁷Noa ȳ t̄pu ejari ȳ cabuiorijere caapirā cabero tiere ána ocōo bairo c̄nare bairo āma: ⁴⁸J̄icau caroaro cat̄gōoñau wii átiḡu pupeapu yejeari, ũ ta rupaapu yejea ejari, ope átiri, c̄ wii botari n̄c̄om̄i. C̄ can̄coro bero seeto caocaro, ria capairo, wino cáat̄e quena ti wiire papu p̄ia ñooquēto. ⁴⁹Aperā maca ȳre apibaop̄nana ȳ cabuiorijere cátiq̄uena ocōo bairo cácre bairona āma na maca: J̄icau wii átiḡu ria tuacā, pupeapu yejeaquēc̄na wii ác̄m̄i, caroaro t̄gōoñaquetibacu. C̄ cáto bero ria pue paibato ti wiire oco pue tima p̄ia yucōa jooboro, ñee rujaricarano mano. Cabairi wii caquen̄re bairona āma ȳ caĩrijere apibaop̄nana cátiq̄uena, cañupu Jesu yua.

Jesús sana al siervo de un oficial romano

(Mt. 8.5-13)

7 ¹Jesu camajare c̄ cabuiogarijere buio yaparo Capernaup̄ cáaācoajupu. ²T̄pu c̄ caejaro romano yau, polisía maja ũpañ c̄ñupu. C̄ paabojari majocu, aperā c̄ paabojari maja netoro c̄ camaii seeto cariaub̄jayupu. Bai yaj̄ḡupu cabaiyupu. ³Jesu cariaye c̄nare na c̄ cacatio majirijere caqueti apiyupu polisía maja ũpañ. To bairi judío maja ũparā cab̄c̄urā j̄icaarāre Jesure na capi roti jooyupu, “Yure capaabojari majoc̄ure c̄ catioñ aparo,” ñ. ⁴To bairi c̄ capi roti joorā Jesu t̄pu ejarā ocōo bairo c̄ caí buioyuparā: —C̄a polisía maja ũpañ cañuu majuu āmi. To bairi m̄ c̄átinemopau āmi. ⁵C̄a judío majare caroaro mari maimi. C̄ majuuna mari neñapo buerica wiire cáti rotiwí. To bairi c̄ cajeni jooriquere c̄ átiobjaya, c̄ caí buioyuparā Jesure.

⁶To bairo na caĩrije apii na mena cáaājupu Jesu. Polisía maja ũpañ romano yau c̄ ȳ wii tuacā Jesure c̄ na cajugo t̄ja at̄ t̄juri, ocōo bairo na caí jooyupu c̄ yarāre:

—Ūpaure seeto c̄ ȳ patawācoogatee, cawatoa macacu aniri. To bairi ȳ ya wiip̄ c̄ ȳ j̄a roti majiquēe, cañuu majuu c̄ c̄no maca. ⁷To bairo

quenare cu tu yu aá majiquêe. Topuna áscuna cu camaji wadarije mena yu paabojari majocure cu catioato, yu tũpũ ejaquêscuna. Cu cawadarije mena catigumi yu paabojari majocu. ⁸ Apei urau yu rotimi. Yu quena polisía majare carotii yu á. To bairi jĩcau polisía yu êoro macacure, “Aácuja,” cu yu caĩro aágumi. Apeire, “Aduja,” cu yu caĩro atígumi. Yu paabojari majocure apeye uniere cu yu cáti rotiro yu átibojagumi. To bairi Jesu quena carotii aniri yu paabojari majocu cu cariaye cutiere cu netoo rotiato, yu tũpũ ejaquêscuna, caĩ jooyupũ cu yarãre Jesure.

⁹ To bairo cu caĩ buio joorijere apii Jesu seeto caapi acuaupũ. Api acua, cãre caujarãre amejore nũca, na tũju, ocõo bairo na caĩũpũ:

—Cariape mũñuja ĩ buio. Cũa romano yau seeto yure catũgoõña nũcũbugõ ãmi. Cũre bairo caroaro yure catũgoõña nũcũbugorã maama Israel macana, na caĩũpũ Jesu.

¹⁰ Cabero Jesure caqueti buiora aátana romano yau ya wiipũ tunu ejarã cariaricu mere caĩũpũre cu caejayuparã.

Jesús resucita al hijo de una viuda

¹¹ Jesu polisía maja urau cu capaabojari majocure cu canetooro bero macá rũmũ cãno Jesu cáaácoajupũ Nai na caĩri macapũ cu cabuerã mena. Topũ cu cáaáto camaja capãarã cu cauja aájuparã. ¹² Ti maca tu na catuja aáto camajocu cabai yajiricu maja potire cane aájuparã, cu yaara aána. Cawapearico macu jĩcauna cãnibatacu caĩũpũ. Capãarã ti maca macana co mena cáaájuparã. ¹³ Jesu cõre co tũjũũ seeto co cabopaca tũjũyupũ. —Otiqũeja, co caĩũpũ.

¹⁴ To bairo co ĩ, maja poti tũpũ ejanũca, ti potire capaãañũpũ, cabai yajiricure cu catiogu. To cõona cu ãnacure cayaara aábatana catua nũcacõañuparã. Na catua nũcarona:

—Wamũ nũcacõaña, cu caĩũpũ Jesu cu ãnacure.

¹⁵ To bairo cu caĩro cabai yajicoatacu nĩbaopũscuna wamũnũca, cawada jũgooyupũ moquena. To bairo cu tunu catio áticõari cu pacore, “Ë ju, mũ macu catĩbujami,” co caĩũpũ Jesu. ¹⁶ To bairo cũre cu cáti catorijere tũjarã nipetirã catuju acuaacoajuparã.

—Dio ye quetire buiori majocu majuu mari tũpũ ejami. Dio yarãre marire átinemoũ acũ ájupi, caĩ wariĩũũũũpũ.

¹⁷ To bairi camaja nipetiro Judea yepapũre, Judea yepa tũjarori macana camajocu cabai yajiricure Jesu cu catunu catorijere caqueti api peticoajuparã yua.

Los enviados de Juan el Bautista

(Mt. 11.2-19)

¹⁸ Jesu cu cátiere cu cabuio peocõañuparã Juan bautisari majocure cu cabuerã presopũ cu cãno. ¹⁹ To bairo Jesu cu cátiere cu na cabuiooro apii Jesure cajeniña roti jooyupũ Juan cu cabuerã pũgarãre:

—“Dio joogumi jĩcau camajare na cátinemoũ na caĩricu, ¿mũna mũ áti? o ¿apei maca já cayuupũ cu ácuati?” Jesure cu ĩ jeniñaña, na caĩ jooyupũ Juan cu cabuerãre.

²⁰ To bairi Juan cu cajeniña rotiricarã Jesu tũpũ eja:

—¿Mũna mũ áti, “Dio joogumi camajare na cátinemoũ,” na caĩricu? o ¿apei maca cu ácuati que? cu caĩ jeniñañuparã Jesure.

²¹ To bairo cũre na cajeniñari paure Jesu camaja cariaye cunare na catio ácu cájupũ. Cayeri wátia jañarãre na reboja ácu cájupũ.

Cacape tujquênare na tujj majio joroque cáti añupũ. ²²To bairi Juan cũ cajooricarã Jesure na cajeniñaro ocõo bairo na caĩ yuyupũ Jesu:

—Nipetiro yũ cáto muja catujurijere, muja caapirijere Juãre cũ buiorã aája. “Cacape tujjuquetibatana yucura catujurã áma. Cáaáquetibatana quena cáaa majirã áma yua. Caajeri boabatana quenare yaticoapa. Caapiquetibatana quena caapi majirã áma yucura. Cabai yajiricarã anibaopunana tunu catima,” cũ í buioya Juãre. “Bopacooro cabairicarã Dio ye quetire apima na cũ cabuio. ²³To bairi caroaro wariñuurã anigarãma yũre caapirajeerã, ‘Jocuna ìmi,’ yũre caĩ tũgooñaquẽna,” ìmi Jesu, Juãre cũ í buiorãja, na caĩñupũ Jesu, Juan cũ cajeniña roti jooricarãre.

²⁴Juan cũ cajeniña roti jooricarã na cáaaato bero camaja pato to cãnare ocõo bairo na caĩ buioyupũ Jesu Juan cũ cãnajere:

—Camaja na camanopũ Juãre mari tujurã aáparo ìrã, ¿Ñamũ ùcure mari tujugarã, muja caĩ tũgooñari? “Cauwioũ, catũgooñarique mácu yeru cũ oó wino capapuro cawãre tujñucurore bairo cãcure mari tujugarã,” muja caĩ tũgooñaquetana. Catũgooña ocabuti majuu ãmi Juan. ²⁵To bairo quenare caroa jutiĩ jañaricu cãcure camaja mani paupũ mari tujurã aágarã muja caĩ tũgooñaquetana. Caroa jutiire cajaanã, capee apeye uniere cacũgorã cauparã tũpũ maca ãnama. Nare bairo cabaii me ãmi Juan. ²⁶To bairi, “Camaja mani paupũ jĩcau Dio ye quetire cabuioũ macare mari tujurã aágarã,” muja í tũgooñaricarã. Aperã Dio ye quetire buiori maja ãnana netoro cãcu ãmi Juan, na caĩ buioyupũ Jesu. ²⁷—Juan jũgoyepũ macana ãnana Dio ye quetire buiori maja Juan cũ cabaipere ocõo bairo caĩ uayupa:

Camajare na canetoo catiopau jũgoye yũ joogu jĩcau yũ ye quetire cabuio jũgoyeyepaure. Camaja na yerire caroaro tũgooña quenoo yuu rotigũmi.

To bairona na caĩ ucaricuna ãmi Juan.

²⁸Jĩcau maca Juan netoro cãni majuu maami ati yepapũre. To bairo to baibao joroquena cawatoa cãna quena Dio tũpũre ãnaa Juan netoro cãni majuurã anigarãma, na caĩ buioyupũ Jesu. Cawama wame Jesu ye quetire caapirajeerã maca Juan netoro cãna anigarãma ìi, caĩñupũ Jesu.

²⁹To bairo Jesu cũ caĩ buiorijere caroaro caapiyuparã camaja capãarã gobiornore camaja yere niyeru jeebojari maja quena. Juan cũ cabautisa rotiricarã aniri caroaro caapiyuparã Jesu cũ cairijere. To bairi, “Cariape áami Dio,” caĩ tũgooñañuparã. ³⁰Fariseo maja, aperã judío majare cabuerã Juãre cũ cabautisa rotiquetana cañuparã na maca. To bairi Dio na cũ cátibojagari wamere cabooquẽjuparã.

³¹Jesu yua ocõo bairo caĩ buioyupũ moquena:

—Ati yutea macana camaja Juãre catuju teericarã yũ quenare tujju teebujama. Caroa quetire apigaquẽna ocõo bairo áma: ³²Cawimarã macã recomacapũ caruirã na mena macana mena epegabana na í pi awajarãma: “Jã caperuu putiro, ‘Jã mena bajaya,’ jã caĩrije to nibao joroquena jã mena muja bajagaquẽpũ. Tũgooñarique pai eperique tũoroari mena jã cabaja epero quenare muja í epenemogaquẽpũ, ‘Muja ya wamere jã epegateebuja,’ ìrã.” To bairona cawimarã, “Jã caĩri wamere jã mena epeya,” caame ìbanare bairona baima ati yutea macana. Caroa quetire apigaquẽna na majuuna na caĩ tũgooñari wamere ame í botioma. ³³Juan bautisari majocũ caroa ugarique caũgaquetinucuwĩ, uje oco quenare caetiquetinucuwĩ. To bairo cũ cabairo tujurã, “Cawãticũcũ, catũgooña majiquẽcũ ãcumi,”

cũre mũaja ĩ. ³⁴Cũ bero yũ maca caroa ũgariquere caũganucũũ, ũje ocore caetinuucũ yũ ă. To bairo yũ cabairo tũjură, “Caũga pacau, vinore caeti pacau ămi Jesu,” yũre mũaja ĩ. “Cũ mena macana carooră ăma, gobiernore camaja yere caniyeru jeebojară ăma,” mũaja ĩ. ³⁵“Dio cũ carotiro mena buiomi, cariape ămi,” yũre ĩ majigarăma Dio cũ camajirijere catũgoonară maca, na caĩ buioyurũ Jesu yua.

Jesús en la casa de Simón el fariseo

³⁶Jĩcaũ fariseo majocũ Simón cawamecũcũ Jesure cũ caũga rotiyurũ cũ tũrũ. To bairi Jesu cũ ya wiipũ cajăa ejayurũ. Jăa eja, cajawa tũ caejanumuñurũ yua. ³⁷Ti maca macaco căromio jĩcao caroo căñũpo. Co maca fariseo majocũ ya wiipũ Jesu cũ cajăa ejarijere queti apio caneajũpo carupa rũ alabastro cawamecuti rũ werica rũ caroa cajũti ñuurije cajiñari rũre. ³⁸Jesu tũ cane ejanũcañũpo ti rũre. Jesu tũ ejanũca, caotiyũpo. Co caotiro Jesu rũporirũ co cape oco care peayupe. To bairi tuatu, ejacumu ñũcũbugori, cũ rũporire ñe, co cape oco care pearijere co poa ñapo mena Jesu rũporire catu cojeyũpo. Tu coje, cajiñari ñuurije co cajee atăje mena Jesu rũporirũre capio peoyũpo yua. ³⁹Ti wii macacũ fariseo majocũ Simón cawamecũcũ Jesure caũga rotiricũ maca to bairo cũ co cato tũjuri ocđo bairo caĩ tũgooñañurũ: “Ani Dio ye quetire cabuiou majuu cũ cămata atio cũ rũporire cañeore majiboumi. ‘Caroo ămo,’ ĩ tũju majiboumi,” caĩ tũgooñañurũ Simón. ⁴⁰Jesu maca Simón cũ caĩ tũgooñari wamere tũju majicđari ocđo bairo cũ caĩ buioyurũ:

—Jĩca wame queti buio majiorica wame mũ yũ buioga, cũ caĩñurũ Jesu.

To bairo cũ caĩro:

—Jau, jăre Cabuei, yũ buioya, cũ caĩñurũ Simón.

⁴¹To bairi Jesu ocđo bairo cũ caĩ buio majioñurũ:

—Caumũa pũgară piyere cawapamoră ănama. Nare niyeru cawajoricũre jĩcaũ paio majuu quiniento rũmũri paarique wapa cđo wapamoumi. Apei petoacă cincuenta rũmũri paarique wapa cđo wapamoumi niyeru cajooricũre. ⁴²Na cawajoricũ maca na cawapayere na cacũgoquẽto tũjuũ, “To nicđato. Mũaja cawapamoriijere yũ majiritigũ,” na ĩimi, na maii. To bairi ĩni maca ati maja mũ yũ cabuioră cũ camai netou cũ nibocũti cũ na cawapamoriquere cũ camajiritioro bero? cũ caĩ jeniñañurũ Jesu Simóre.

⁴³To bairo cũ caĩro:

—Pairo cawapamobatacũ maca niyeru cajooricũre cũ mai netoboumi, Jesure cũ caĩñurũ Simón.

To bairo Simón cũ caĩro:

—Cariapena yũ mũ ĩ, cũ caĩñurũ Jesu.

⁴⁴To bairo cũ ĩi, căromio macare co amojore tũju, ocđo bairo Simóre cũ caĩnemoñurũ:

—Atiore co tũjuya mũ quena. Mũ ya wiipũ yũ cajăa ejaro ocore yũ mũ jooquẽrũ yũ rũporire cacojepere. Co maca co cape oco mena yũ rũporire coje, co poa ñapo mena tu coje ejamo. ⁴⁵Yũ caejari paũ yũ mũ boca tũju ñũcũbugo pabarioquẽrũ. Atio maca yũ cajăa ejaro tũjuo yũ ăti ñũcũbugo yũ rũporire ñeri, pitigaquẽmo, caroaro yũre căti ñũcũbugo aniri. ⁴⁶Mũa yũ rũpoare ũje cajiñari ñuurije yũ mũ pio peoquẽrũ. Co maca cajiñari ñuurije cawapa pacarijere yũ pio peowũ yũ rũporirũre. ⁴⁷To bairi cariape mũ yũ buiopa. To bairo yũ co cătie mena seeto yũ co camairijere yũ ĩnoomo.

Caroorije paio cátaço co nibao joroquena cõre yu majiritiobojaçõa. To bairi seeto yu maimo. Apei maca petoacã caroorije cátaçu ùcu macare yu camajirioata jiacã yu maigumi cù maca, Simóre cù caĩñupu Jesu.

⁴⁸To bairo cù ì yaparo cãromiore co caĩñupu Jesu:

—Caroorije mũ cátaçere yu majiritio peocõa.

⁴⁹To bairo co cù caĩro apirã aperã ti wiipũ cauga ruirã ocõo bairo caame ì jeniñañuparã:

—¿Nope ìi, “Caroorije mũ cátaçere yu majiritio peocõa,” cù ìti marire baii camajocũ cãcu nibaorcũna? caame ìñuparã.

⁵⁰Jesu maca cãromiore ocõo bairo co caĩñupu:

—Yũre mũ catũgoõna nũcũbugoro maca caroorije mũ cátaçere yu majiritioboja. To bairi caroaro wariñuurique mena aãcoja, co caĩñupu Jesu yua.

Mujeres que ayudaban a Jesús

8¹ Cabero Jesu ape macaripũre cãaãteñañupu, Ùpau Dio cù cãnie quietre buio teñaũ. Cù cabuerã doce cãnacãu cù mena cãaãjuparã. ²Cãromia quena na mena cãaãjuparã. Cariaye cutanare Jesu cù cacatioricarã romiri cãñuparã. Aperã na yeri wãtiare Jesu cù cabuu rebojaricarã romiri cãñuparã. Jĩcao María Magdalena cãñupo. Cõpũre wãtia cãñañarã siete cãnacãu majuure Jesu cù cabuu rericõ cãñupo. ³Apeo Juana cawamescõ Chusa nũmo cãñupo. Chusa maca Ùpau Herode ya wiipũ paariquere cũre cajũgo átibojau cãñupu. Apeo Susana cawamescõ cãñupo. Aperã capãarã cãñuparã na cacugorije mena Jesure cátinemonucurã.

El ejemplo del sembrador

(Mt. 13.1-9; Mr. 4.1-9)

⁴Camaja capãarã capee macari macana Jesu tũpũ caejayuparã. Cù tũpũ na caeja neñaporo tũjũũ ati wame queti buio majiorica wamere na caĩ buioyupũ Jesu:

⁵—Jĩcaũ camajocũ trigo aperire cù wejerũ cawẽ bate oteyupũ. Apeye ma tuacã cañarijere camaja cacuta yajio reyuparã. Minia quena atĩ, cauga recõañuparã tie aperiacãre. ⁶Ape rupaa cù cawẽ bate oterije ù ta yepa bui care cumuñupe. Cabero tie putiba, cajita põreroacã cayera oco mano maca cajinicõajupe. ⁷Ape rupaa cù cawẽ bate otero pota miji wẽri watoapũ care cumuñupe. To bairi pota miji wẽri maca ti aperiacã caputibatiere cabuti weocoajupe. ⁸Ape aperi care cumuñupe cañuuri yepa caroa cajitacuti paũpũre. To bairi tie caroaro puti, buti, caroa carica cõjupe. To cãnacã apee caputirique caroa capee carica cõjupe.

To bairo ì yaparo:

—Noa yũre caapirã caroaro na apipajeato, caĩñupu Jesu.

El propósito de los ejemplos

(Mt. 13.10-17; Mr. 4.10-12)

⁹Cabero Jesu cù cabuerã:

—¿Dope bairo ìgaro to ìti atie queti buio majiorica wame? cù caĩ jeniñañuparã.

¹⁰To bairo na caĩ jeniñaño ocõo bairo na caĩ buioyupũ Jesu:

—Ùpau Dio cù cãnie quietre cajũgoye camajiriorije cãnibatajere caroaro mũja majio joroque mũja áami. Aperã macare buio majiorica wame mena

na yu buio. Na maca yu cátiere tujú, yu cabuioirijere api, baibaorunana api majiquēema.

Jesús explica el ejemplo del sembrador

(Mt. 13.18-23; Mr. 4.13-20)

¹¹ 'Ocoo bairo ĩgaro ĩ tie queti buio majiorica wame: Oterica aperi Dio ye quetire bairona ā. ¹² Jícaarā Dio ye quetire apirāma. Cabero Sataná na tujú atí, tiere api nucubugorema ĩi, na majiritio joroque ácumi. To bairo Sataná cū cátie jūgori Dio cū canetooricarā majuu aniquēnama. To bairi ma tu cañarique minia na cauga reriquere bairona cána ānama. ¹³ Aperā ũ ta yepa jita pōreroacā cāni yeparu care cumuriquere bairo cabairā ānama. Nemoopure Dio ye quetire caroaro caapi wariñuubatana ānama. Api wariñuubaorunana jita capōreroacāpu care cumu putibatajere bairona, cancori manajere bairona yoaro apipajeequēnama. Popiye na to cáno tūgoonari to cōna janacōarāma. ¹⁴ Aperā tie aperi pota miji wēri watoapu care cumuriquere bairona cána āma. Dio ye quetire apiba, ati yepa macaje macare seeto tūgoonāma. Apeye unie macare seeto boo neto tūgoonārāma. Seeto caroorije na cáti wariñuupe quenare tūgoonārāma. To bairo tūgoonabana seeto tūgoonā rooye tuarāma. Dio yere átigaquēnama. To bairo baibana atie pota miji wēri watoapu cañarique carica manajere bairona anicōarāma. ¹⁵ Aperā maca Dio ye quetire nemoo apirā caroaro apipajeecōa aninucurāma. Na maca ānama oterica rupaa caroa yeparu care cumu putiriquere bairona cabairā. Ti aperi caputirique pairo ricacuto. Na quena Dio ye quetire apipajeecōa aninucuri capee caroare ānama Dio cū caboorijere, na caĩ buioyupu Jesu cū cabuerāre.

El ejemplo de la lámpara

(Mr. 4.21-25)

¹⁶ Ape wame queti buio majiorica wame ocoo bairo caññupu Jesu moquena:

—Jīa bujiriquere jīa bujurā apeye unie muu cūricaro ēoropu mari jīa bujuquēna. Cani cuñaricaro ēoropu quena mari cūquēna. Cabui maca mari jīa buju peorā camaja cajā ejarā nipetiro caroaro na tujúato ĩrā. ¹⁷ To bairi tie cabujurore bairona yu cabuioirijere noa cajūgoye caapi majiquetana api majigarāma. Cajūgoyepure caapi majiña manaje to anibao joroquena api majigarāma.

¹⁸ To bairi caroaro apiya atie muñña caĩ buioirijere. Noa atie yu cabuioirijere caapipajeerāre capee api majiriquere na joogumi Dio. Aperā yu cabuioirijere caapipajeeaguēna na cáno maca yu yere na caapi majibatajeacā quenare na majiquetio joroque na átigumi Dio, na caññupu Jesu.

La madre y los hermanos de Jesús

(Mt. 12.46-50; Mr. 3.31-35)

¹⁹ To bairo camajare na cū caĩ buio ani pauna Jesu paco, cū bairā cū camacara ejayuparā. Camaja capārā na cánoi cū tujú cajā eja majiquējuparā. ²⁰ To bairi aperā:

—Mu paco, mu yarā mu tujugarā macapu tujunucuma, cū caĩ buioyuparā.

²¹ To bairo cū na caĩro api:

—Noa Dio ye quetire caapirā, tiere cána nipetirā yu paco, yu bairāre bairona cána āma, na caññupu Jesu.

Jesús calma el viento y las olas

(Mt. 8.23-27; Mr. 4.35-41)

²² Jīca r̄m̄m̄ Jesu c̄u cabuer̄ã mena cumua capairicap̄u caeja jāãñup̄u.

—Jit̄ã, ɯtabuc̄ura jī ñugoap̄u mari peña aáparo, na caññup̄u.

To bairo c̄u caĩro apir̄ã, c̄ããájuparã, ape ñgoa t̄up̄re aána. ²³ Na capeña aáto Jesu cacanicajup̄u. C̄u cacaniri pauna wino seeto capapu ájupe. Wino to capapuro seeto cajabeyupe. Ti cumuap̄u cajabe jāã ruugayupe.

²⁴ Ti cumua caruagaro t̄ujurã Jesure c̄u cayopioyuparã.

—iJesu, jāre camajiōu, yopiya! iRua yajirã mari bai! c̄u caññuparã.

To bairo c̄u na caĩro Jesu yopi, winore, cajaberijere to c̄õona cajana rotiyup̄u.

To bairo c̄u cañ jana rotirona wino, cajaberije cajana peticoajupe yua.

²⁵ Tie cajana petiro t̄uj̄m̄ oc̄õo bairo na caññup̄u Jesu c̄u cabuer̄ãre:

—¿Nope ñrã ȳu mena aábaor̄nana ȳre canuc̄ub̄goquẽnare bairo,

“Rua yajigarã mari áa,” muja i t̄ugooñabati?

Na maca to bairo cabairijere t̄ujurã catuj̄u ac̄uacoajuparã.

—iAb̄uma! Seeto majuu camajii ácum̄i. Wino, cajaberije quena c̄u carotiro caroaro apic̄õa, caame ññuparã.

El hombre endemoniado de Gadara

(Mt. 8.28-34; Mr. 5.1-20)

²⁶ Galilea cawamecuti ñgoa t̄up̄u c̄ãnana ape ñgoa t̄up̄u Gadara cawamecutop̄u capeña ejayuparã yua. ²⁷⁻²⁹ Peña eja, camaa ñcañuparã.

Jesu c̄u camaa ñca ejaro t̄uj̄m̄ j̄ic̄u camajoc̄u ti maca macac̄u cayeri w̄ãtiac̄uc̄u c̄u cabocayup̄u Jesure. Yoaro jutii jañaquẽc̄una c̄ãninuc̄uc̄u c̄ãñup̄u.

Wiip̄ure c̄ãniquetinuc̄uc̄u. Û ta tua p̄uto maja operi na cawerica operi jeto c̄ãninuc̄uc̄u. Nairoacã yeri w̄ãtia c̄u cañenuc̄uc̄u. Aperãre rooro átiremi ñrã c̄u cajianucubajuparã to macana come w̄eri mena c̄u r̄up̄orire, c̄u wamorip̄ure. To bairo na c̄ãtibao joroquena caboca t̄ũ ga jure rec̄õanuc̄uc̄u come w̄eri c̄ũ re na cajiabatajere. Yeri w̄ãtia c̄ũ re c̄ajañarã camaja manop̄u c̄u at̄u mec̄uo joroque c̄u c̄ãtinuc̄uc̄u. To bairi Jesu maca c̄u t̄uj̄m̄ c̄u yeri w̄ãtia c̄ũ re c̄ajañarã na cabuti aá rotiyup̄u. C̄u maca Jesure c̄u boca t̄uj̄m̄ seeto awaja, c̄u t̄ũ ejacumu, oc̄õo bairo c̄u cañ awajayup̄u:

—iJesu, Dio ñm̄recoo macac̄u Macu! ¿Nope ñi ȳu m̄u patawãc̄ou apari m̄na? iPop̄iye tam̄orica paup̄re ȳu jooquetic̄õaña! c̄u caññup̄u.

³⁰ To bairo c̄u caĩro:

—¿Ñam̄ m̄u wamecuti m̄na? c̄u caññup̄u Jesu maca.

—Ȳna Legiõn ȳu wamec̄u, c̄u caññup̄u Jesure, yeri w̄ãtia capãarã c̄u na c̄ajañarõ maca.

³¹ —iW̄ãtia na c̄ãni pañ cañc̄uar̄i oper̄u jā jooquetic̄õaña! c̄u caññuparã Jesure.

³² Na j̄ugoye buurop̄u yejea capãarã cauga ññuparã. Yejeare na t̄ujurã:

—Yejeap̄ure jā jāã rotiya, Jesure c̄u caññuparã, w̄ãtia ya paup̄u aágaquẽna.

To bairo c̄u na cajenirore bairona yejeap̄ure na cajãa rotiyup̄u Jesu. ³³ To c̄õona camajoc̄up̄ure c̄ajañabatana yeri w̄ãtia buti, yejeap̄ure c̄ajañuparã. Na c̄ajaarona yejea carupa t̄up̄u at̄u mec̄u at̄u ro aá, care ñuacoajuparã ti rap̄u yua.

³⁴ Yejeare cacotebatana to bairo na cabairo t̄uj̄u ac̄uari at̄u aá, macap̄u, maca t̄ujarorip̄u macana quenare cabuio baterã aájuparã. ³⁵ T̄iere na

cabuiorijere apirã camaja catujura aájuparã. Jesu tu ejarã cayeri wãtia cutibatacure catujuyuparã. Jesu tupu caroaro jutii jañacõari caroaro catugooña majii cu caruiro cu catujuyuparã. To bairo cu cabairo tujgrã cauwiyuparã. ³⁶Cũre yeri wãtia cajaanaricarãre Jesu na cu cabuu rero catujuricarã maca na caĩ buioyuparã:

—Ocõo bairo bai caticoami cayeri wãtia jañabatacu, na caĩñuparã.

³⁷Tiere apirã Gadara yepa macana seeto cauwibujayuparã. To bairi Jesure:

—iAácujã aperopu! iAotopu aniqueticõaña! seeto cu caĩñuparã.

Jesu cũre na cabooquẽto tujnu cumuaru eja jãa, catunucõajupu.

³⁸⁻³⁹Cumuaru Jesu cu caeja jãaro tujnu cu cawãtia buu rericu maca:

—Yũ quena mu mena yũ aãgu, cu caĩ jenibajupu.

To bairo cu caĩro:

—Aãquẽja. Mu ya wiipu tunu aácujã. Caroaro Dio mure cu cátiejere mu yarãre na buio peocõaña, cu caĩñupu Jesu.

To bairo cu caĩro macaru cáaãcoajupu. Macaru aã, nipetiro Jesu cũre cu cátajere maca macanare na cabuio peocõañupu yua.

La hija de Jairo, y la mujer que tocó la ropa de Jesús

(Mt. 9.18-26; Mr. 5.21-43)

⁴⁰Jesu cu catunu peña ejararore camaja capãarã cũre cayuuyuparã. Seeto wariñuurique mena cu cabocayuparã. ⁴¹Jĩcau na watoaru cãnacu neñapo buerica wii urau Jairo cawamecusu Jesu tupu caejayupu. Jesu tu ejarã rupopatua tuatu ejaumuri, cu caĩ jeni nũcubugoyupu:

—Yũ ya wiipu yũ macore co catiou ajã, cu caĩ jeniñupu.

⁴²Cũ maco jĩcaoacãna cãco doce cuma cacugoo cañupo. Bai yajigoru cabaiyupo. To bairo Jairo cu caĩrore apii cáaájupu Jesu. Maru cu cáaãto Jesu mena camaja capãarã ma bijarona cáaájuparã.

⁴³Na watoaru jĩcao doce cãmari majuu ãmo janacuetajere cariyecũco cañupo. Co caucoye rotibataje wapa niyeru co cacugobataje nipetiro capeti weocõajupe. Co na caucoyerije to anibao joroquena jĩcau maca co cacatio majiquẽjuparã. ⁴⁴To bairi Jesu bero maca atĩ, cu jutiro yapare capañañupo. Cũ jutirore co capañarona co cariyae cutibataje nemoo cajanacõajupe yua.

⁴⁵Cũ jutirore co capañoaro:

—¿Namũ yũ cu pañari? caĩ jeniñañupu Jesu. Cũ caĩ jeniñoaro:

—Jã pañaquẽpu jãa, cu caĩñuparã camaja nipetiro.

To bairi Pedro maca ocõo bairo cu caĩñupu Jesure:

—Jãre cabuei, camaja capãarã mu cũgoma. Nope iĩ, “¿Namũ yũre cu pañari?” mu iti? Jesure cu caĩñupu Pedro.

⁴⁶To bairo cu caĩro:

—Jĩcao yũ pañawõ. Yũre co capañarona yũ camajirije mena co cariyae cutibatajere canetoro yũ majiwũ, caĩñupu Jesu.

⁴⁷Cãromio maca, yũ majiimi Jesu ño, nanaa uwiri cu rupori tu cu caejacumu nũcubugoyupo. To bairo ácona camaja nipetiro na caapigoru:

—Yũna mu jutirore mu yũ pañawũ. Yũ capañarona yũ cariyae cutie yũ netocoapa, caĩ buioyupo.

⁴⁸To bairo co caĩro apii ocõo bairo co caĩñupu Jesu:

—Yũ yao, caroaro yũre mu catugooña nũcubugoroi mu cariyae cutiere yũ netoowũ. Caroa wariñuurique mena ãña, co caĩñupu Jesu yua.

⁴⁹Mai to bairo co cu caĩ wada ani paña Jairo ya wiipu cãnacũ jĩcau caejayupu, Jairore cu buioũ acũ:

—Mũ maco bai yajicoapo. To bairi marire cabueire cũ patawãcoo nemoqueticõaña, cũ caĩñurũ.

⁵⁰To bairo cũ caĩrijere apii Jesu maca ocõo bairo cũ caĩñurũ Jairore:

—Tũgoõñaqueticõaña. Yũ macare mũ catũgoõña nũcũbugoro mũ maco catigomo, cũ caĩñurũ.

⁵¹Jairo ya wiirũ ejaũ aperãre na cajãa rotiquẽjurũ co ãnaco co cãni arũarũre. Pedro, Juan, cũ jũgocũ Jacobo, cabai yajirico pacua na jetore cajãa rotiyurũ Jesu. ⁵²Ti wii cãna nipetirã cõre otirã cãjuparã. Nare ocõo bairo caĩñurũ Jesu:

—Otiqueticõaña. Cayajirico me ãmo. Canio áamo, caĩwĩ Jesu. Mere cabai yajirico co nibao joroquena na caĩwĩ, tunu catigomo cani yopiricarore bairona ii, na caĩñurũ Jesu.

⁵³To bairo cũ caĩro apirã caotirã maca cũ caĩ epeyuparã, mere bai yajicoamo ãrã. ⁵⁴To bairo cũ na caapi nũcũbugoquetibao joroquena cabai yajirico co cãni arũarũre jãa, co wamore caĩñañurũ. Nẽña:

—Maco, catiya. Wamũnũcãcõaña, co caĩñurũ.

⁵⁵To bairo cũ caĩrona sawimao catunu catĩ wamũ nũcãcõãñũpo yua. Co sawamũ nũcarona:

—Ûgariquere co nuña, na caĩñurũ Jesu co pacuare. ⁵⁶Cabai yajirico nibaorũcona co catunu catiro tũjurã co pacua seeto saacũayuparã. Jesu maca co catunu catirijere aperãre na cabuio rotiquẽjurũ.

Jesús envía a los doce discípulos

(Mt. 10.5-15; Mr. 6.7-13)

9¹ Cabero Jesu cũ cabuerã doce cãnacãure na caneõñurũ. Na neocõari na cáti iñoõ majipere na cajooyurũ. Aperã na yeri wãtiare na cabuu reboja majipere, cariaye cũnare na cacatio majipe quenare na cajooyurũ.

²Yucnacãna Dio joogumi Ûpau ati yeparũ carotipau majuure caĩrijere na caqueti buio teña roti jooyurũ. Cariaye cũnare na cacatio teña rotiyurũ.

³Ocõo bairo na caĩ roti jooyurũ Jesu:

—Buiõ teñarã aãna apeye unie jee aãqueticõaña mũjaa. Yucũ mũja tuericũ, wajopoa uno, ùgarique, niyeru, apeye unie jee aãqueticõaña. Jutiuro mũja cajaanarije mena jeto aãnaja. Apeye jee aãnemoquẽja.

⁴Jĩca macarũre ejarã mũjaare na cãni rotiri wiina anicõaña na mena. Na mena mũja anicõagarã ti maca mũja cãni rũmuri cõo. ⁵Ape macarũ mũja caejaro ti maca macana maca mũjaare na cabooquẽpata mũja buti weogarã. Buti aãna, mũja rũporipure jita catujarijere pa bate cũña. To bairo ána mũjaare jã cabuio ro mũja caapigaquẽtore bairona mũja booquẽemi Dio, na ã iñoorã mũja átigarã.

⁶To bairi to cãnacã macaripũ cãaã teñarã aãjuparã, Dio ye quetire buio teñarã aãna. Cariayesũna quenare cacatio teñañurũ.

La muerte de Juan el Bautista

(Mt. 14.1-12; Mr. 6.14-29)

⁷Herode, Galilea yepa upau nipetiro Jesu cũ cátiere caqueti apiyurũ. “Juan, Herode cũ cajãa rotiricũ catunu catii ãcumi Jesu,” caĩñuparã jĩcaarã. To bairo na caĩrijere reteti apii seeto caapi acua tũgoõñañurũ Herode.

⁸Aperã maca: “Elías ãnacũ catunu buia ejaũ ãcumi Jesu,” caĩñuparã. Aperã: “Jĩcaũ tirũmũ macacũ Dio ye quetire cabuioricũ catunu catii ãcumi Jesu,” caĩñuparã. ⁹Herode maca ocõo bairo caĩñurũ:

—Juan rupoare mere yu capa ta rocacõa rotiwu. To bairi ðnamu cu nicuti cõa capee yure na caĩ buionucuu? caĩñupu.

To bairi Jesu cu cátiere queti apiri seeto cu catujugabajupu.

Jesús da de comer a cinco mil hombres

(Mt. 14.13-21; Mr. 6.30-44; Jn. 6.1-14)

¹⁰ Cabero Jesu cu cabuio teña rotiricarã tunu ejarã na cátajere cu cabuio peocõañuparã Jesure. Na cabuio yaparoro na jetore na cajugo aájupu Jesu Betsaida cawamecuti macaru. ¹¹ Camaja aperã Jesu toru cu cáaáto majirã, cu camacarã aájuparã. Cu tũpu na caejaro caroaro na caboca tũyuyupu Jesu. To bairi Ƴpau Dio cu cánie quetire na cabuioyupu. Cariayecuna quenare na cacatioyupu.

¹² Canaio aáti pau cáno tũjurã cu cabuerã maca cu tũpu aá, Jesure ocõo bairo cu caĩñuparã:

—Mere naio aáto bai. Ñee maa atore. Camajare capãarã cánaie na aá rotiya. Macaripu, camaja na cáno pu na caugape, na casanipa paupi quenare na macarã aáparo, cu caĩñuparã Jesure.

¹³ To bairo na caĩro:

—Muja majuuna na nuña, na caboca iñupu Jesu.

—Cinco cánacã pan ugarica rupaariacã ã. Wai puagarãacã ãma, cu caĩñuparã. —Atieacã ati maja capãarã camajare ejaqueti majuucõa. ðNare já canupere já wapayerã aácuti? Jesure cu caĩñuparã.

¹⁴ Naa capãarã caumua jeto ãnaa jĩca wamo cõo mil cánacãu caĩñuparã. To bairi na caĩñupu Jesu cu cabuerãre:

—Cincuenta cánacãu jeto to cánacã paure na rui rotiya.

¹⁵ To bairo cu caĩ rotirore bairona carotiyuparã. ¹⁶ To cõo jeto na carui petiro tũjuu Jesu jĩca wamo cõo ugarica rupaariacãre jee, wai puagarã na jee, umrecoopure tũju mugo, cu Pacu Diore, “Caroaro já caugapere mu jooyupa,” cu caĩñupu Jesu. Diore i yaparo pan rupaare na cape ricawo nuniñupu cu cabuerãre. To bairi na maca camajare na caricawo nuñuparã moquena. ¹⁷ Camajare na caricawo nuro cauga yapi peticoajuparã. Na cauga yapi rugarije doce wuri jiraro majuu cajee jãñuparã na maca.

Pedro declara que Jesús es el Cristo

(Mt. 16.13-19; Mr. 8.27-29)

¹⁸ Ape gumu Jesu jeto cu Pacu Diore cu cajeni nucubgoro cu cabuerã quena cu menã caĩñuparã. To bairi na caĩ jeniñañupu Jesu:

—Camaja “¿Ñamu cu nicuti?” ame i jeniñarã, ðdope bairo na ame i yñucuti?

¹⁹ To bairo cu caĩ jeniñaro:

—“Juan camajare cabautisari majocu catunu catiricu ãcumi,” mu i wadama. Aperã maca, “Tirũmupu macacu Elías cawamecucu ãnacu catunu catiricu ãcumi,” mu i wadama. Aperã, “Apei Dio ye quetire cabuioricu tirũmupu macacu catunu catiricu ãcumi,” mu i wadama, Jesure cu caĩ yuyuparã.

²⁰ To bairo na caĩrijere apii na caĩ jeniñanemoñupu Jesu:

—Muja maca ðnamu ãcumi, yu muja i tũgoõnati?

Pedro maca cu caĩ yuyupu:

—“Dio, ‘Cu yu joogu,’ cu caĩricu majuuna ãmi,” mre jã i.

Jesús anuncia su muerte

(Mt. 16.20-28; Mr. 8.30-9.1)

²¹To bairo Pedro cū caïro:

—Aperäre na buioqueti majuucoña, na caïñupū Jesu. ²²—Yua camaja tūpū Dio cū cajooricū cācu seeto yū tamuogu. Cabucurā judío majare carotirā, sacerdote maja uparā, judío majare cabuerā nipetiro yū tujuteeri aperäre na jīa rotigarāma yūre. Yū na cajīa rocarije to nibao joroquena yū tunu catiogūmi Dio moquena itia rūmū bero, na caï buioyupū Jesu cū cabuerāre.

²³Cabero camaja nipetirore na caïñupū Jesu:

—Yū cabuerā anigarā mūja majuuna mūja cātigarijere tūgoñaqueticōña. To cānacā rūmū yū caboorije macare āti ūjacōña. Yūre na cajīagarore bairona mūja quenare na cajīagarije to nibao joroquena yūre āti ūjacōa aninucuña. ²⁴To bairi ati yepa ānapū mūja majuuna mūja caboorijere mūja cātīcōamata Dio tūpū catiriquere mūja bugaquetigarā. Mūja majuuna mūja caboorije ātiquēna, yū caboorije macare āna caroa ānajere mūja bugagarā. ²⁵To bairi jīcaū ati yepa macaje apeye unie nipetiro cacūgou Dio tūpū cū cānibope macare catūgoñaquēcū catirique bugaquetigūmi. ²⁶“Jesu cū cabuerā jā ā,” ī boboqueticōña. Ape rūmūpū yū tunu atīgū yū caaji baterije, Dio cū caaji baterije mena ángel maja mena ati yeparūre. Ti paū cāno yūre caboboricarāre, “Yū cabuericarā me āma,” yū quena na yū īgū. ²⁷Cariapena mūñūja ī buiopa. Atopū cāna mūja jīcaarā mūja cabai yajiparo jugoye Ūpaū Dio cū cāniere cū carotirijere mūja tujugarā.

La transfiguración de Jesús

(Mt. 17.1-8; Mr. 9.2-8)

²⁸“Ūpaū Dio caroa cū cāniere mūja tujugarā,” cū caīricaro bero canetocoajupe jīca semana. To cōo Jesu ū taurū cū Pacū Diore cajeni nūcūbugou aájupū. Cū mena macanare cajee aájupū itiarā Pedrore, Juāre, Jacobore. ²⁹Diore cū cajeni nūcūbugori paūna cū cabaurije, cū rīya caroarō caaji bateyūpe. Cū juti quena caroarō seeto botiro cāñupe. ³⁰To bairo cū cabairi paūna caūmua pugarā carupea nūca ejayuparā, Jesu mena wadapenirā. Jīcaū Moisé, apei Elías cawamescūna cāñuparā tīrūmūpū cānana. ³¹Na quena Jesure bairona caaji bateyuparā. Jesure cū wadapenirā cājuparā Jerusalēpū cū cabai yajipere yua. ³²Pedro, cū mena macana maca canirā cājuparā, wūgoa paibana. To bairo cabairijere caacua yopi eja tujūyuparā Pedro jāa. To bairo bairā Jesu cū caaji baterijere catujūyuparā. Tiere tujurā Jesu mena cawadapeni tujūnucurā quenare na catujūyuparā. ³³To bairi Jesu mena cawadapenirā na cāaāti paūna ocōo bairo caïñupū Pedro Jesure:

—Jā Ūpaū, atopū mari cāno ūuu majuucoā. To bairi itia wiicāre mari āna. Mū ya wii cānipa wii, Moisé ya wii, Elías ya wii cānipa wiiri mari āna. Pedro caroarō tūgoñaquēcūna caï tūgoña mawijiacōañupū.

³⁴To bairo cū caīri paūna bujeri būrua na cabuje bipe ájupe. To bairo ti bujeri būrua watoapū ānaa cauwiyparā. ³⁵To bairi bujeri būrupūi Jesu Pacū Dio ocōo bairo caï wadayupū:

—Ani yū Macū seeto yū camaii āmi. Yū cabejericū āmi. Cū cabuoirijere caroarō cū apīajeeya, caï wadayupū.

³⁶To bairo Dio cū caïro bero jīcaūna catuayupū Jesu. Cū cabuerā tie na catujūriquere cayajibūjayuparā. Aperäre na cabuioquējuparā.

Jesús sana a un muchacho que tenía un espíritu malo

(Mt. 17.14-21; Mr. 9.14-29)

³⁷Ape rumu bero ũ tau bui cānana Jesu jāa na carui atí paũ camaja capāarā na caboca tujuyuparā. ³⁸Na watoapũ cācu jīcaũ ocōo bairo Jesure cũ caĩ pijoyupũ:

—Jāre camajioũ, yũ macũ jīcaũna cācũre cũ tujũ ajá. ³⁹Yũ macũre cajaanũ wāti rooro cũ awaja mecũ ria yaji aánucuo joroque cũ átinucumi. To bairo quenare cũ rijeropũ cũ jopo butio joroque cũ átinucumi yũ macũre. Rooro cũ tamũo popiyecutio joroque cũ átinucumi. Cũ pitigaquēemi wāti, caĩñupũ Jesure. ⁴⁰—Mũ cabuerāre, “Wātire cũ buu rocabojoya yũ macũre,” na yũ ĩbarũ. Cũ buu roca majiquēma, cũ caĩñupũ.

⁴¹To bairo cũ caĩro apii ocōo bairo cũ cabuerāre na caĩñupũ Jesu:

—Caroaro yũre muja api nũcũbugoquēe. Muñũja cabuoirijere cariapere muja tũgooña majiquēe. Yoaro muñũja cabuoirije to nibao joroquena muja api majiquēe.

To bairo cũ cabuerāre na ĩ, cawimaũ pacũre:

—Mũ macũre cũ neajá yũ tu maca, cũ caĩñupũ.

⁴²Cawimaũ Jesu tu cũ cáatóna yua, wāti cũre cajaanũ cũ catu ne roca cũcōañupũ. To bairo cũ ácũna cũ cabainucuricarore bairona cũ baio joroque cũ cáticōañupũ wāti cawimaũre. To bairo cũ cũ cáto Jesu maca wātire cũ cabuti aá rotiyupũ. Cũ cabuti aá rotirona cawimaũ cañũucoajupũ. To bairi:

—Mere mũ mena cũ tunu aáparo, caĩñupũ Jesu cũ pacũre yua.

⁴³To bairo cũ cañũuro tujurā camaja catujũ acũacoajuparā, Dio cũ catutuarijere Jesu na cũ cáti ĩnooro tujurā.

Jesús anuncia otra vez su muerte

(Mt. 17.22-23; Mr. 9.30-32)

Camaja Jesu na cũ cáti ĩnoorijere na catujũ acũari paũna ocōo bairo cũ cabuerāre na caĩñupũ Jesu:

⁴⁴—Yũcũacā muñũja cabuoirijere caroaro apiya. Aperā yũre ñecōari yũ joogarāma yũre catujũ teerā macare, cũ jīacōaña ĩrā.

⁴⁵To bairo cũ caĩ buoirije to nibao joroquena cũ caapi majiquējuparā. Dio na caapi majipere na cajoquējupũ mai. To bairi caapi majiquējuparā cũ cabuoirijere. Cũ cajeniña uwiyuparā.

¿Quién es el más importante?

(Mt. 18.1-5; Mr. 9.33-37)

⁴⁶Cabero Jesu cũ cabuerā na majuuna caame ĩ wada neto oca botioyuparā, ¿Ni maca marire cajũgo ani majũ cũ ácũati? ĩrā.

⁴⁷Jesu maca to cānacāũpũna, “Yũ caroti majũ yũ anigũ,” na caĩ tũgooñarijere catujũ majicōañupũ. To bairi jīcaũ cawimaũre cũ capi ejoo nũcōupũ cũ tũpũ. Cũ pi ejoo nũcori, ocōo bairo na caĩñupũ:

⁴⁸—Ani cawimaũre, “Cāni majũ me āmi,” muja caĩ tũgooñarije to nibao joroquena yũ maca cāni majuure bairo cũ yũ tujũ. To bairi, “Mari mena maca cawatoa cācu āmi,” muja caĩ tũgooñau ũcũ macare, “Cāni majũ āmi,” cũ yũ ĩ tujũ. To bairi ani cawimaũre bairo cāna cawatoa cāna na nibao joroquena na muja cátinemoata yũpũre átinemorā muja áa. Yũre átinemorā yũ Pacũpũre átinemorā muja áa.

El que no está contra nosotros, está a nuestro favor

(Mr. 9.38-40)

⁴⁹ Cabero Jesure cū caĩ buioyupũ Juan:

—Jãre cabuei, jĩcaũ camaja na yeri wãtiare na cū cabuu rebojaro cū jã tũjũwũ. “Jesure caapipajei yũ ã,” ĩri na yeri wãtiare na buti rotiwĩ. Mari mena macacũ cū cãniquẽto maca, “Átiqueticõãña,” cũre jã boca ĩ matawũ, cū caĩwĩ Juan Jesure.

⁵⁰ To bairo cū caĩro:

—Cũ mataqueticõãña. Marire cateequẽcũ ĩcũ mari mena macacũ ãmi, cū caĩñupũ Jesu.

Jesús reprende a Jacobo y a Juan

⁵¹ Jesu mere bai yaji, ãmũrecoorpũ cū catunu wamũ aãpere camaji weocõañupũ. To bairi, “Nemoona Jerusalẽpũ yũ aãcũpa,” caĩ tũgoõñañupũ.

⁵² To bairi aperã cū mena macanare na cabuio roti joo jũgoyeyeyupũ, yũ cacaniãpa paũre jenibojaya ĩi. To bairi naa, cū mena cãna Samaria yepa cãni macapũre Jesu cū cacaniãpa wiire camaca yuura aãjuparã. ⁵³ To bairi ti maca macana Jesu na tũpũ cū cacani ejaro cabooquẽjuparã, mari catũjuteerã tũpũ Jerusalẽpũ cãaãpaũ ãmi ĩrã. ⁵⁴ To bairi Samaria macana Jesure cū na cabooquẽto apirã cū cabuerã Jacobo, Juan ocõo bairo Jesure cū caĩ jeniñañuparã:

—Upaũ, ĩmũrecoorpũ cãni pero nare cajoepa pero mari rui roticõacuti? ĩElĩas tirũmũpũ macacũ cū cãtatore bairona mari ãnaati? cū caĩ jeniñañuparã.

⁵⁵ To bairo na caĩro Jesu maca na tũjũ, ocõo bairo na caĩ tutiyupũ:

—Tiere to bairo mũja caĩ tũgoõñaata cariape mũja caĩ tũgoõñari wame me ã. ⁵⁶ Camajare jĩãũ acũ mee yũ cabaiwũ. Na cãtiõũ acũ maca yũ cabaiwũ, na caĩñupũ Jesu.

Cabero ape macapũ cãaã netocoajuparã yua.

Los que querían seguir a Jesús

(Mt. 8.19-22)

⁵⁷ Ape macapũ na cãaã neto aãti paũna jĩcaũ nare cabocayupũ. Na boca, Jesure cū caĩñupũ:

—Upaũ, yũ quena yũ aãgũ nipetiro mũ cãaã teñarorpũ, mũ cabuei anigũ.

⁵⁸ To bairo cū caĩro:

—Waĩbũcũrã na cãni paũri cũgoma. Minia quena cũgoma na ria batiripũ na cacaniãri paũri. Yũ maca camaja tũpũ Dio cū cajoõricũ anibaõpũcũna yũ cacaniãri paũ maa. To bairi yũ mena mũ cãaãteñaata caroa paũ mũ cũgoquetibõũ, cū caĩñupũ Jesu.

⁵⁹ Apei macare cū caĩñupũ Jesu:

—Aduja yũ mena.

To bairo cū cū caĩro:

—Upaũ, yũ pacũ tũpũ yũ anigũ mai cū cabai yajiparo jũgoye. Cũ cabai yajiro bero mũ mena yũ aãgũ, cū caĩñupũ Jesure.

⁶⁰ To bairo cū caĩro:

—Yũre caapi nũcũbũgoquẽna na majuuna na yarãre na coteato yũ tũpũ cãniquetiparãre. Mũ maca yũ mena ajã. Upaũ Dio cū cãnie quetire aperãre na buio teñaña, cū caĩbajupũ Jesu.

⁶¹Apei ocõo bairo cü caññupũ Jesure:

—Ûpaũ, mũ mena yũ aãgu. Mũ mena aãgu jugoye yũ ya wii macanare, “Aãcũ yũ áa,” na yũ ï buio tũjaupa mai.

⁶²To bairo cü cañño ocõo bairo cü caññ buioyupũ Jesu:

—Jĩcaũ cü paarique paabaopũcũna, apeye unie macare tũgoõña tunuon, cü paariquere caroaro to baiquetio joroque baiimi. To bairona baiimi yũ cabuei nibaopũcũna apeye macare catũgoõñau. To bairo cãcũ Dio ye macare caroaro átiqũcũmi, cü caññupũ Jesu yua.

Jesús envía a los setenta

10 ¹Cabero mari Ûpaũ Jesu aperã cü ye quetire cabuio teñaparãre setenta majuu na cabejenemoñupũ. Nare beje, cü cãáapa macaripure na cãáa jugoyecuti rotiyupũ. Pũgarã, pũgarã jeto na cabuio teña aã rotiyupũ. ²Ocõo bairo na caññ buioyupũ:

—Caoterique mere jũacoapa. Pairo majuu rica cuticoapa. Cajeeparã maca jĩcaarãacã jeto áma. To bairo caoterique ãpaure cü jeniya. “Carica cajeenemoparãre jooya,” cü ï jeniya, caññupũ. —Capãarã majuu áma yũ ye quetire caapipajeeparã. To bairi Diore cü jeniya, aperã nare cabuiorã na cãninemoparore bairo ïrã, na caññupũ Jesu cü cabuerãre. ³—Aánaja mũjaa, yũ ye quetire buiora aána. Mũjaare cauwiopẽ to nibao joroquena mũñña aá roti caroorã na cãnopũ. To bairi waibucurã oveja cawimarã yaia jeto na cãnopũ na cãáatore bairona mũñña aá roti cauwiopõrẽ.

⁴Topũ buio teñarã aána niyeru jãrica poari, apeye jãrica poari quenare jee aãqueticõaña. Rũpo jutii jĩca bapa mũja cacutape jetore jee aánaja. Ape bapa mũja cawajoapere jee aãqueticõaña. Mapũ aperãre na bocarã yoaro wadapeni tuaqueticõaña. ⁵Maca ejarã mũja caejari wii macanare na ñuu rotirã, “Caroa ánjare mũjaare cü joato Dio ati wii macanare,” nare mũja ïgarã. ⁶Ti wii macanare to bairo na mũja caññu rotiro to bairona caroare na joogũmi Dio. “Caroaro jã mena anicõaña,” mũjaare caññãre mũja caññore bairona caroare na joogũmi Dio. Caroaro mũjaare cãni rotiquẽna macare caroare na jooquetigũmi Dio. ⁷Ti wiina caroaro mũjaare na cãni rotiri wii jetona mũja anicõagarã. Ti wiina mũjaare na canurijere ãga, eti, áti anicõaña. Mũjaare na canurijere Dio ye quetire mũja cabuiorije wapayerãre bairo ána átiagarãma. To bairi ape wiiripũ ãga teñaquẽja.

⁸Mũja caejari maca macana caroaro mũjaare na cabooro ãgaya mũjaare na canurijere. ⁹Ti macapũ cariaye cũnare na catioya. Ocõo bairo na ï buioya: “Ûpaũ Dio cü cãnie quetire mũja tũpũ jã buiorã ejawũ,” na ï buioya. ¹⁰Ape macare mũja caejaro ti maca macana mũjaare na cabooquẽpata ti maca carecomacapũ aáti, ocõo bairo na ñña: ¹¹“Mũja ya maca macaje jita jã rũporipure catujarijere pa bate cũrã jã áa. Jã cabuiorijere mũja cabooquẽtie bui mũja popiyeyegũmi Dio ïrã, to bairona jã áa. Ûpaũ Dio cü cãniere mũja tũpũ jã buiorã ejabapũ,” na mũja ï buiogarã. ¹²Mũjaare cabooquẽnare rooro na baigaro Diore cabooquẽnare na cü capopiyeyeri paũ cãnopũ. Tirũmũpũ macana Sodoma macanare na cü capopiyeyericaro netoro na popiyeyegũmi Dio mũjaare cabooquẽnare, na caññupũ Jesu yua.

Los pueblos desobedientes

(Mt. 11.20-24)

¹³To bairo na ï yaparo ocõo bairo caññupũ Jesu Corasín, Betsaida cawamecuti macari macanare:

—Cabero rooro m̄ja baigaro Corasín, Betsaida macanare. T̄r̄m̄r̄p̄ macana Tiro, Sidón macana quena m̄jaare ȳ cáti iñoorijere bairona na ȳ cáti iñoata na yeri wajoaboricarāma na maca. Nemoor̄na caroorije na cátajere jutiritiri áti janaboricarāma na maca. M̄ja maca caroorije m̄ja cátiere m̄ja janagaquēe. ¹⁴To bairi Diore caapipajeequēnare na c̄ capopiyeyeri pā c̄nor̄p̄ seeto m̄ja popiyeyegum̄i. T̄r̄m̄r̄p̄ macana Tiro, Sidón macanare na c̄ capopiyeyericaro netoro m̄ja popiyeyegum̄i Dio m̄ja macare, na caĩñur̄p̄ Jesu Corasín, Betsaida macanare.

¹⁵Capernaum cawamecuti maca macana quenare oc̄o bairo na caĩñur̄p̄ Jesu:

—“Ūm̄recoor̄p̄ Dio t̄r̄p̄ jā aágarā,” ĩ t̄ḡooñaqueticōaña m̄jaa.

M̄jaare regum̄i Dio caroorāre na c̄ capopiyeyenucuri pār̄p̄, na caĩ buioyur̄p̄ Jesu Capernaum macanare.

¹⁶Na ĩ yaparo c̄ cabuerā, c̄ caroti jooricarāre oc̄o bairo na caĩñur̄p̄:

—M̄ja cabuorijere caapirā ȳr̄p̄re apirā áama. M̄ja cabuorijere caapigaquēna maca ȳrena apigaquēna áama. Ȳre caapigaquēna Dio ȳre cajooric̄ quenare apigaquēna áama, na caĩñur̄p̄ Jesu yua.

Regreso de los setenta

¹⁷Cabero setenta c̄nac̄m̄ majuu Jesu mena macana c̄ cabuio teña rotiricarā buio teña, tunu ejarā wariñuurique mena catunu ejayuparā. Tunu eja, Jesure c̄ caĩ buioyuparā:

—Jā Ūpā, cayeri w̄tia camajap̄ cajaanarāre, “Jesucristo caapipajeerā jā c̄noi butiya,” nare jā cabuti rotiro nemoona butiwā. Jāre neto majiquēema.

¹⁸To bairo na caĩro oc̄o bairo na caĩñur̄p̄ Jesu:

—Satanāre carocawī Dio ūm̄recoor̄p̄ c̄nibatac̄re ȳ cat̄j̄m̄rona. B̄po c̄ cayaberijere bairona caña rui aámi Dio c̄ carocaror̄p̄. To bairi m̄jaare neto majiquēema w̄tia, Dio c̄ carericarā aniri. ¹⁹Tutuariquere m̄jaare ȳ cajoow̄. To bairi aña, cotapa na m̄ja cacutabao joroquena m̄ja rooye tuuquetigarāma. Sataná c̄ catutuarije netoro c̄niere áti rotiriquere m̄ñ̄ja cajoow̄. To bairi w̄tia m̄ja áti rooye tuu neto majiquēema.

²⁰W̄tia m̄ja carotiro apiri na cabutiro m̄ja wariñuurā. To bairo m̄ja cabairije to nibao joroquena ape wame maca seeto c̄ni wariñuuri wame majuu ā. Ūm̄recoor̄p̄ Dio yarā na wamere c̄ cauca turi p̄iuror̄p̄ c̄ cauca turicarā aniri maca seeto wariñuuña, na caĩñur̄p̄ Jesu.

Jesús se alegra

(Mt. 11.25-27; 13.16-17)

²¹To bairo c̄ cabuerāre ĩ yaparor̄p̄ oc̄o bairo c̄ Pac̄ Diore c̄ caĩñur̄p̄ Jesu, Esp̄ritu Santo wariñuu netoriquere c̄ c̄ cajooro:

—Caac̄, m̄na m̄ ā ūm̄recoo, ati yepa quenare carotii. “Mere camajirā jā ā,” caĩ t̄ḡooñarāre ȳ cabuorijere api majiriquere na m̄ jooquēe. Aperā, “Caroaro jā majiquēe Dio yere, cawimarāre bairona camajiquēna jā ā,” caĩ t̄ḡooñarā macare ȳ cabuorijere caroaro api majiriquere na m̄ joo. Caroaro na majiatio ĩi api majiriquere na m̄ joo. To bairo m̄ cátiere t̄ḡooñari, “Caroaro m̄ áa,” m̄ ȳ ĩ wariñuu, Caac̄. To bairo m̄ caboorore bairona na m̄ ájupa, caĩñur̄p̄ Jesu c̄ Pac̄ Diore.

²²To bairo c̄ Pac̄re c̄ ĩ, c̄ cabuerāre oc̄o bairo na caĩñur̄p̄:

—Ȳ Pac̄ nipetiro áti majiriquere ȳ cajoow̄i. Ȳ c̄niere majiquēema camaja. J̄cāna āmi ȳ Pac̄ Dio ȳ c̄niere camajii. Ȳ Pac̄ c̄ c̄nie

quenare majiquêema camaja. Jîcaña yu ã cu cãniere camajii. Noa cu cãniere na yu camajioro na quena majigarãma yu Pacu cu cãniere, caññuru cu cabuerãre.

²³⁻²⁴To bairo na ï, cu cabuerãre na tujju, aperã na caariquêtoru ocõo bairo na caññuru:

—Ato caraupure mña catujñucuri wame, mña caarinucuri wamere catujgabajuparã capãarã tirumuru macana Dio ye quetire cabuiorã, maca urparã quena. To bairi mña maca tiere caarinucurã, catujurã aniri wariñuña, na caññuru Jesu cu cabuerãre.

Ejemplo del buen samaritano

²⁵Moisé ãnacu cu caucariquere caroaro cabuei jîcañ caejayuru Jesu turu. Eja, ¿dope bairo yu cu ï yugabaupari ïi? cu cañ jeniñañuru Jesure:

—Camajare camajioru, ¿dope bairo yu ácuati Dio turu anicõa aninucugu?

²⁶To bairo cu cañ jeniñaro:

—¿Moisé cu caucarica pñuriru dope bairo ï ucarique to ãti? Mña tiere mñ cabueata, ¿dope bairo mñ tugoõñati? cu caññuru Jesu.

²⁷To bairo cu cañro:

—Ocõo bairo ï ucarique ã: “Mñ Urpu Diore nipetiro seeto mñ yeri mena cu maiña. Mñ caocabutirije mena, mñ catugoõñarije mena Diore cu maiña. Aperã quenare na maiña mñ majuuuna mñ rupaure mñ camairore bairona,” ï ucarique ã, Jesure cu cañ yuyuru Moisé ãnacu cu caucariquere caroaro cabuei.

²⁸Tiere cu cañro apii Jesu cu caññuru:

—Cariapena mñ ï. To bairo ácu Dio turu mñ anicõa aninucugu, cu caññuru.

²⁹To bairi, “Caroaro aperãre camaii ãñupi,” yu cu ïato ïi, ocõo bairo cu cañ jeniñanemoñuru Jesure:

—¿Noa una na ãti, “Aperãre camaipe ã,” cañrã?

³⁰To bairo cu cañro atie queti buio majiorica wame cu cañ buioyuru Jesu:

—Jîcañ Jerusalêi caro aãti wãru Jericõru aácu caro aájuru. Toru cu cáaãto ma recomacaru jee rutiri maja tutuaro mena cu boca ñe átiri, cu pa camiye, cu jutii, cu apeye unie, nipetiro cu caema peocõañuparã. Cu bai yajibo joroque cu áti, cñ roca, cáaãcoajuparã yua. ³¹To bairo cu na cáti cñ roca aãto bero jîcañ sacerdote majocu ti wãru cáaájuru. Ti wãru aácu to bairo na cáti cñ rocaricure cu tujuba, cu caowa netocoajuru.

³²Cu caneto aãto bero moquena apeí Levita poa macacu cáajuru. Cu quena to bairona cu tujju cu caowa netocoa aájuru. ³³Na caneto aãto bero ti wãna cáajuru apeí Samaria macacu, judío maja na cateerã yu. Cu maca na caquê rocaricure cu tujju cu sabopaca tujyuru. ³⁴Cu bopaca tujuri cu tujju aá, cu na caquêrique camiire cu caucoyuru. Uje wêri rica oco mena cu cacoje ucoyeyuru, uje majuu mena quena. Áti yaparo juti ajeri mena cu camiire cu cadureyuru. Cabero cu yu burro caumañ bui cu ne peo, cu canecoajuru. Cu ne aá, aãteñari maja na cacaniã ejanucuri wiiru cu cane ejayuru. Ne eja átiri, toru cu cacote ãñuru. ³⁵Ape rumu yua, Samaria macacu toru ani, neto aágu aãteñari maja na cacaniã ejari wii uraure niyeru cu cajooyuru. Puga rumu paarique wapayerique cõo cu sawapayeyuru. “Caroaro anire cu coteya,” ïi cájuru. “Noo caboorije cu mñ cátinemoro cabero acú mñ yu wapayenemogu,” cu caññuru Samaria macacu ti wii uraure yua.

³⁶To bairi ti wamere buio majio yaparo ocõo bairo caĩ jeniñañurũ Jesu Moisé añacu cũ caucarique caroaro cabueire:

—Tiere apii ðdope bairo mũ tũgoõñati? Camaja itiarã jee rutiri maja na caquẽ rocaricure cũ catũjuyuparã. Naa itiarã catũjũricarã, ðni maca cũre cũ camaiñupari? cũ caĩ jeniñañurũ Jesu.

³⁷To bairo cũ caĩro:

—Cũre cabopaca tũjũricũ maca cañurũ cũre camaii, cũ cañurũ Jesure. To bairo cũ caĩro:

—Mũ quena to bairona ája. Cũre cabopaca tũjũricũ cũ cáatatore bairona ája, cañurũ Jesu Moisé cũ caucariquere caroaro cabueire yua.

Jesús en la casa de Marta y María

³⁸Jesu cũ cabuerã mena aáteñau aácsu, caejayurũ ape macaacãru. Ti macaru cũ caejaro Marta cawamecũco cũ cáatĩ rotiyupo co ya wiiru.

³⁹Jesu cũ cajã ejar Marta baio María cawamecũco Jesu tũ caruiyupo, cũ cabuiorijere apigo. ⁴⁰Marta maca ugarique quenoorique capee capaarique paibũjayupo. To bairi Jesu tũ co baio co caruiro tũjũri Jesure cũ cañurũ Marta:

—Yũ ðpau, yua jĩcaona capee paarique yũ átĩcõabapa. Atio yũ baio yũ átĩnemoquẽemo, cũ cañurũ. —¿To bairo co cabairijere co mũ tũgoõñaquẽeti? “Mũ jũgocore co átĩnemoña,” co ñña, cũ cañurũ Marta.

⁴¹Jesu maca ocõo bairo co caĩ yũyurũ:

—Marta, mũa capee majuu paabaco seeto mũ tũgoõñarique cuti neto.

⁴²Mũ baio co caapirije maca jetore catũgoõñape nibapa. María maca, “Jesu cũ cabuiorijere yũ apigo,” ño caroa macare átĩgamo. Yũ cabuiorijere co caapiri wamere co majiritio joroque áti majiquetigarãma aperã, co cañurũ Jesu Martare yua.

Jesús y la oración

(Mt. 6.9-15; 7.7-11)

11 ¹Jĩca rau Jesu cũ Pacũ Diore jeni nũcũbugõn cájurũ. Cũ cajeni nũcũbugõ yaparoro cũ cabuei jĩcaũ cũ cañurũ:

—Jã ðpau, Juan bautisari majocũ cũ cabuerãre Diore jeni nũcũbugõriquere na camajiwĩ. To bairi mũ quena jãre majioña, cũ cañurũ.

²To bairo cũ caĩro ocõo bairo cũ cañurũ Jesu:

—Diore jeni nũcũbugõrã, ocõo bairo cũ ñña mũjaa:

Jã Pacũ, mũmrecõo macacu, jĩcaũna mũ ã caroaũ majuu, cáti nũcũbugõraũ. Ati yeraru Caũraũ majuu ãña. ðmurecõo macana caroaro mũ caboorije átĩnucuma. To bairo na cátoe bairona ati yepa macana quena mũ caboorijere na áparo.

³Ugarique ati rũmũ jã caũgaparo cõo jã jooya.

⁴Caroorije jã cátajere majiritioya. Jã quena aperã caroorije jã na cátajere na jã majiritiogarã. Sataná caroorijere jãre cũ cáti rotiro cũre jã matabojaya.

⁵⁻⁶Apeye na caĩ buionemoñurũ Jesu moquena:

—Jĩcaũ mũja yũ cááteñau aátacu ñami recomacaru cũ catunu ejaro apei mũja bapare cũ tũpũ aátĩ ocõo bairo cũ mũja ñborã:

“Yũ yau, ugarique yũ wajoya itia joroa pãre. Apei yũ yau aperorũ cááteñau aátacu tunu ejami. Cũ yũ canupe maa. To bairi mũ yũ jeniĩ apú,”

cu muja ĩborā. ⁷To bairo cu muja caĩro wii pupearuĩ muja yú bujjoboumi: “Yũ patawācooquēja. Mere jope yũ bipēcōawũ. Yũ punaa canirā áama. To bairi dope bairo áti mu yũ joo majiquē,” ĩboumi. ⁸Mũjaare camaii nibaorpũcuna jooquetiboumi, seeto cānigabacu. Seeto cu muja cajeni netocōarore apii jooboumi. Yũ cu patawācoo janaato ĩi, jopere pā, muja jooboumi, ũgariquere cu muja cajenirije cōo, na caĩũpu Jesu cu cabuerāre. ⁹—To bairi muja quena to bairona Diore cu jeniya. Muja cajeniro muja joogũmi cũre muja cajenirijere. Jenicōa āna muja buagarā. Muja yaũ joperũ cu capi jenirore bairona muja átiagarā Diore cu jenirā. To bairo muja cajenicōa ānoi jope pāri camajocu cu yaure cu cajoore bairona muja joogũmi Dio cũre muja cajenirijere. ¹⁰Noa nipetirā Diore cajenirāre na joogũmi na cajenirijere. Cajeni macarā na cajenirijere buagarāma. Joo ecoogarāma joperũ cajeni ānacure bairona.

¹¹Mũjaa capunaacuna mujaare naorore na cajeniata ũ taare muja jooquēna. Waire na cajeniata añare muja jooquēna. ¹²Āboco riare na cajeniata cotapare na muja jooquēna. ¹³To bairona caroare muja punaare na muja joo maji, caroarō cáti majiquēna anibaorpũnana. To bairi caroa na muja cajoorije netoro muja joogũmi muja Pacũ umurecoo macacu cu Espĩritu Santore cũre muja cajeniro.

Acusan a Jesús de tener el poder del demonio

(Mt. 12.22-30; Mr. 3.20-27)

¹⁴Ape rũmu Jesu wāti camajocũpũre cajaanre cu cabuu rocaypũ. Wāti cũpũre cu cajaanro cawada majiquējũ. To bairi Jesu wātire cu carocarō bero cawada majiquetibatacu cawada majicōañũpũ yua. Tiere tũjũrā catũjũ acũacoajuparā camaja. ¹⁵Jĩcaarā ocōo bairo caĩũparā:

—Wātia na upũ Satanā, Beelsebũ cawamecũcu cu catutuarije mena na buu reimi, caame ĩũparā.

¹⁶Aperā maca, “Dio cu cajooricu yũ ā,” jāre ĩi, “Tũju acuarica wamere jā áti ĩnooña,” cu caĩbajuparā. ¹⁷Jesu maca to bairije na catũgooñarije tũju majiri, ocōo bairo na caĩũpũ:

—Jĩca maca macana nibaorpũnana na caame quēata na majuuna ame jĩa peocōaborāma. To bairo quena jĩca wii macana anibaorpũnana na caame tutiata jĩca wiina ani majiquetiborāma. ¹⁸To bairona Satanā Beelsebũ cawamecũcu quena cu yarā mena cu caame quēata cu yarā aniquetiborāma. To bairi cu carotirā cũgoquetiboumi. To bairi ĩnope ĩrā to bairo, “Beelsebũ cu catutuarije mena wātiare na buu reimi,” yũ muja ĩti? ¹⁹To bairi jocarā majuuna, “Satanā cu catutuarije mena wātiare na buu reimi,” yũ muja ĩ. Muja yarā jĩcaarā na quena wātiare na buu rema. “Dio cu catutuarije mena na buu rema,” na muja ĩnucu. To bairi na quena, “Jocarā ĩma,” muja ĩgarāma, “Satanā cu catutuarije mena wātiare na buu reimi Jesu,” yũre muja caĩata. ²⁰To bairi Dio cu catutuarije mena wātiare na yũ buu re. “To bairi Dio yere carotii ācũmi,” yũre muja caĩpe nibajupa. To bairi muja popiyeyegũmi Dio, na caĩũpũ Jesu.

²¹Camajocu catutuaũ nipetiro beju wamooricũ caroarō cu ya wiire cu cacotero aperā cu yere jee ruti majiquēnama. ²²Apei maca cu netoro beju wamoocōaricũ cācu cu caejaata cu quē netoboumi. To bairo cu quē netori cu cacũgobatajere, cu cajarerijere, cu āpoa bejurori ema peocōaboumi, cu caquē netoricũ aniri. To bairo áti, cu yarāre na ricawoboumi cũre cu

caemariquere, na caĩ buioyupũ Jesu. Sataná netoro catutuaũ yũ ã ïi, na caĩ buio majioñupũ.

²³ “Dio cũ cajooricũ ãmi,” yũre caĩquẽna yũ yarã me ãma. Yũ cabuioirijere caapirajeeqaquẽna aniri aperãre yũre caapirajeeboparãre na matarã áama, na caĩñupũ Jesu.

El espíritu malo que vuelve

(Mt. 12.43-45)

²⁴ Ape wame quena ocõo bairo caĩ buioyupũ Jesu:

—Wãti camajocũre cabuti weoricũ oco camanopũ aateñaumi cũ cãniparore macaũ aácũ. Bũgaquẽcũ ocõo bairo ï tũgooñaumi: “Yũ cabutieraupũrena yũ tunu jãagũ moquena,” ïimi. ²⁵ Cũrũre tunu jãagũ caroaro owa quenoorica wiire bairo cãcũre tũjuumi. ²⁶ To baii cũ cãno tũjuri wãtia aperã siete cãnacãũre cũ netoro caroorã majuure na pijo, na menapũ cũrũre jãumi. To bairi caroorã majuu wãtia capãarã cũ mena na cãno cajũgoye cũ cãnato netoro majuu rooro ácumi, na caĩ buioyupũ Jesu.

²⁷ To bairije Jesu cũ caĩ ani paũ cãromio jĩcao camaja watoapũ cãco caĩ awajayupo:

—iCaroaro majuu wariñuomo mũ camacũ cutaco, mũre caĩpuorico! caĩñupo Jesure.

²⁸ Dio maca to bairo co caĩ awajaro apii:

—Dio Wadariquere caapirã tiere caroaro cána na maca wariñuu netogarãma, co caĩñupũ.

La gente mala pide una señal milagrosa

(Mt. 12.38-42; Mr. 8.12)

²⁹⁻³⁰ Camaja aperã capãarã Jesu tũrũ na caejanemoro tũjũn ocõo bairo na caĩ buioyupũ:

—Ati yũtea macana ñuuqueti majuucõama. Caroorã aniri, “Caacũori wame jã áti iñoña, ‘Dio cũ cajooricũ ãmi,’ mũre jã caĩ majiparore bairo ïi,” yũ ïma. To bairo na catũjugarije to nibao joroquena ati wame jetore na yũ ï buioũ. Tirũmũrũre Jonás cawamescũre Nínive na caĩri macapũ cũ cajooyupũ Dio, yũ ye quetire na buioũja ïi. Jonãre caacũori wame cũ cabairo catũjuuparã Nínive macana. Caacũori wame tũjurã, “Dio cũ cajooricũ ácumi Jonás,” caĩ tũjuuparã Nínive macana. To bairo cũ cabairicarore bairona bairo caacũori wame yũre baigaro. Ti wame yũ cabairi wame jetore tũjugarãma ati yũtea macana, na caĩñupũ Jesu.

³¹ —Caroorãre Dio na cũ caporipyeyeri paũ cãnopũ Seba cawamecuti yera upao tirũmũrũ macaco ati yũtea macanare, “Rooro majuu mũja caapirajeequẽjura mũjaa,” ï buiogomo. Cayoaronũ cãnaco cáajupó Salomón marí ñicũ jãa upaũ tirũmũrũ macacũ tũrũ, cũ cabuio majirijere apigo. Yũ maca Salomón ãnacu netoro camajii yũ cãnibao joroquena yũre mũja apigatee. ³² To bairi Jonás tirũmũrũ macacũ Dio ye quetire Nínive macana cãniñaricarã nare cũ cabuiooro caroorije na cátiere jutiriticõari cajanañuparã. Yũ maca Jonás netoro cãcũ yũ cãnibao joroquena yũ cabuioirijere mũja apigatee. Caroorije mũja cátiere mũja tũgooñaquẽe, mũja janagaquẽe. To bairi caroorãre Dio nare cũ caporipyeyeri paũ cãnopũ Nínive macana tirũmũrũ macana, “Rooro mũja caapirajeequẽjura,” mũja ïgarãma ati yũtea macanare, na caĩñupũ Jesu.

La lámpara del cuerpo

(Mt. 5.15; 6.22-23)

³³Ocõo bairo na caĩ buionemoñupũ Jesu:

—Jĩa bujuriquere jĩa bujurã cabauquẽtopũ mari cũquẽe. Apeye jotu ãoro unopũ mari cũquẽe. Cabui maca jeto mari jĩa buju peó, camaja cajãa ejarã caroaro na tũjuato írã. ³⁴Caroaro catujũ majirã mũa cãmata caroaro mũa áti ani maji. To bairona mũa yeri quena Dio mena caroaro cayericuna mũa cãmata caroaro mũa áti maji. Mũa cape carooye tuaricarã mũa cãmata apeye uniere caroaro mũa áti majiquetiborã. To bairona mũa yeri Dio mena mũa cañuuquẽpata caroaro cũ mena mũa ani majiquẽe. ³⁵Dio yere mũa camajirije jĩa bujuriquere bairo ã. To bairi Dio yere mũa camajibatiere mũa cabai botioata canaitĩarije maca to anio joroque áti rooye tuuboro. To bairi caroaro Diore áti nũcũbugocõaña. ³⁶Caroaro Dio mena cayericuna mũa cãmata mũa cáti anie caroa jeto anigaro. To bairi caroaro jĩa bujuriquere mena cáti ãnare bairo caroaro mũa áti ani majigarã, na caĩñupũ Jesu yua.

Jesús acusa a los fariseos y a los maestros de la ley

(Mt. 23.1-36; Mr. 12.38-40; Lc. 20.45-47)

³⁷Jesu to bairo cũ caĩ buio yaparoro jĩcau fariseo majocu, “Yũ ya wiipũ ugau ajã,” cũ caĩñupũ. To bairi Jesu cũ mena aá, cũ ya wiipũ jãa, ugarica cajawa tu caejanumuñupũ. ³⁸To bairo cũ cabairo fariseo majocu maca ocõo bairo cũ caĩ tũjũyupũ: “¿Nope ñi jã cátinucurore bairo cũ wamõrõre cojequẽcuna cũ ejanumu ugati?” caĩ acua tũjũyupũ. ³⁹Mari Upau Jesu maca cũ catũgoõñarijere tũju majii ocõo bairo cũ caĩñupũ:

—Mũjaa fariseo maja baujarije jeto caroa mũa átaje cutibapa. Jotu bapari cabui jeto cojericarore bairo mũa ã, pupea macare cacojeya manore bairo. To bairi cabui macare caroarã anibaopũnana mũa yeri macare caroorije pairã mũa ã. Aperã yere caemarã mũa ã, fariseo majare na caĩñupũ Jesu. ⁴⁰—Camajiquẽna mũa ã. Jotu bapare caweo caroaro quenoomo cabuere, capupea quenare. To bairona Dio mari rupauere cájupi, mari yeri quenare cájupi. ⁴¹To bairi cabopacarãre mũa yeri mena na mai tũjuri na jooya mũa cacũgorijere. To bairo mũa cáto tũjuũ, “Caroarã ãma na yeripũ quenare,” mũa ñi tũjugumi Dio mũaare, na caĩñupũ Jesu.

⁴²Rooro anigaro mũaare, fariseo majare. Mũa caoteriquere to cãnacã wameacã pũga wamo cãnacã caricacuto jĩa mũa joonucu Diore. Menta na cairijecã, ruda na cairijecã, apeye mũa caoterijecã nipetiro cawapa maniere, caroaro cõõñari mũa joonucu Diore jĩa jeto. Tière cajoorã nibaopũnana aperãre cariape na mũa átiquẽe. Diore cũ mũa nũcũbugoquẽe. To bairi Diore nũcũbugori caroaro aperãre na cátiparã mũa anibapa, Diore apeye uniere cũ joo janaquetiri, na caĩñupũ Jesu.

⁴³Rooro anigaro mũaare fariseo majare, na caĩñupũ Jesu moquena. —Camaja nipetiro na catũjũjoro neñapo buerica wiiripũre ejarã uparã na caruirije unie jetore mũa ruiga, camaja jãre na tũju nũcũbugoato írã. Macari recomacapũre aána camaja nipetiro caroaro mũa na caĩnuu roti nũcũbugorijere mũa apiga, na caĩñupũ Jesu.

⁴⁴Rooro anigaro m̄jaare fariseo majare, judío majare cabuerãre. M̄jaa maja yaarica ope cabuquẽtore bairona m̄ja ã. Camaja yaarica ope buire aãbaor̄nana, “Camaja yaarica ope ãno,” í majiquẽnama. Ti ope pupear̄u caboarije quenare t̄ju majiquẽnama. To bairo tiere na cat̄ju majiquẽtore bairona aperã m̄ja yerip̄u caroorije cãniere t̄ju majiquẽema, na caĩñup̄u Jesu.

⁴⁵To bairo c̄u caĩro apii j̄cau caroaró Moisé ãnacu c̄u caucariquere cabue majii ocõo bairo c̄u caĩñup̄u Jesure:

—Jãre camajioũ, fariseo majare na í buioũ jã quenare to bairo jã í tuticõau m̄u í, c̄u caĩñup̄u.

⁴⁶To bairo c̄u caĩro:

—Rooro anigaro m̄ja quenare, Moisé c̄u caucariquere cabuerãre. Capee popiye majuu na t̄gooñao joroque m̄ja áti roti aperãre, m̄ja majuuna átiquetibaor̄nana.

⁴⁷Rooro anigaro m̄jaare. Dio ye quetire cabuoricarã ãnana na maja operi buina caroa wiiriacã m̄ja n̄co. To bairo ána, na cãnafe ocõo bairo caĩñupa írã m̄ja áa. M̄ja ñicu jãar̄u na cajã jugo ájupa. ⁴⁸M̄jaa Dio ye quetire buiori maja na cabuoriquere m̄ja átiquẽe. Yu quenare m̄ja api n̄cubũgoquẽe. To bairo baibana m̄ja ñicu jãa na cátajere m̄ja cabai buicuti aninemorijere m̄ja bai iñoõ aperãre. Dio ye quetire buiori majare cajã recõañupa. M̄ja maca na maja operi buirire caroa wiiriacãre m̄ja n̄co.

⁴⁹To bairo Dio cajugoyep̄na c̄u camajirije mena ocõo bairo caĩñupi: “Nare yu buio roti joogu yu ye quetire cabuioparãre. J̄caarãre na j̄jagarãma. Aperãre to cãnacã wame rooro na átigarãma,” caĩñupi Dio, caĩ buioyup̄u Jesu. ⁵⁰—Dio ye queti buiori maja nipetirore na cajã reriye wapa na popiyeyeḡumi Dio ati yũtea macanap̄ure. ⁵¹Ati yepa cãni jugori rap̄na Abel cawamesc̄ure na cajã jugorique mena, p̄nuũ, Sacaría cawamesc̄ure, Dio wii recomacap̄u na cajãriye mena yapacu. Cariape m̄ñuja í buioyũ: Na cajã jugo atãje wapa ati yũtea macanare tam̄orique anigaro, na caĩñup̄u Jesu.

⁵²Rooro anigaro m̄jaare, Moisé c̄u caucariquere cabuerãre. Tiere buebaor̄nana aperãre cariape cãnie macare na m̄ja buioquẽe. Cariape macaje macare m̄ja n̄cubũgoquẽe. To bairo ána aperã quenare tiere na api n̄cubũgoquetio joroque na m̄ja í matanucu, na caĩñup̄u Jesu.

⁵³To bairo c̄u caĩ yaparo buti aáto bero judío majare cabuerã, fariseo maja quena seeto c̄u capunijini t̄gooñañuparã. To bairo capee c̄u cajeniña patawãcoogayuparã. ⁵⁴To bairo seeto c̄u cat̄ju pojerooyuparã. “Ricati c̄u cabuioata uparãre c̄u mari wadajãgarã,” írã cabaiyuparã.

Jesús enseña contra la hipocresía

12 ¹Camaja capãarã Jesure apigarã c̄u t̄p̄u caneñapo ejayuparã. Capãarã majuu aniri na majuuna caame cutayuparã. Mai, c̄u cabuerã jetorena na neopori na cabuio jugoyup̄u Jesu:

—Fariseo maja na ya wame pan to wauato írã levadura na caĩrije tiep̄u na caajurijere caroaró t̄ju majiri tiere átiquẽja, na caĩñup̄u Jesu. To bairo íi, fariseo maja na cabuiori wame caitorijere apipajeequeticõaña íi, na caĩñup̄u. ²⁻³—Na majimi Dio caroorije na cátiere. Rooro na caĩrije quenare majimi Dio. Nipetiro na cáti rutirije to nibao joroquena camaja nipetiro na caapjoro buioyũ Dio, na caĩ buioyup̄u Jesu c̄u cabuerãre.

A quién se debe tener miedo

(Mt. 10.28-31)

⁴Yú mena macanare ocõo bairo muñña i buio: Mujaare cajāgarāre na uwiqeticõaña. Muja rupaurire jīari bero dope bairo áti majiquēema muja catiriquere. ⁵To bairi Dio jetore caroaro cū nucubugoya. Jīcañna āmi muja catiriquere caroorā ya paupū peropū care majii. To bairi caroaro cū nucubugoya.

⁶Minia wapa maama. To bairo cawapa mana na nibao joroquena jīcañ macare majiqueticõa átiquēemi Dio minia quenare. ⁷Muja macare minia netoro muja mai tujū pojeroomi Dio. To bairi camaja rooro mujaare na cátiqarijere tūgoonārique pai uwiqēja. Muja poa wēriacā quenare tujū cõõña majimi Dio. To bairo muja cabairijere caroaro catujū cõõña majii aniri caroaro muja tujū pojeroo majimi Dio, na caññupū Jesu.

Los que reconocen a Jesucristo delante de la gente

(Mt. 10.19-20, 32-33; 12.32)

⁸Yure muja canucubugorijere aperāre na i buioya. “Jesu yū Upañ āmi. Caroañ āmi. To bairi cū caboorijere yū átiqū,” na i uwiqēja. To bairo caññ muja cānoi, “Yú mena macana āma,” yū iḡu Dio tū macana ángel majare. Cariapena muñña i. ⁹Aperā maca bobobana, “Jesure caapi nucubugorā jā ā,” iquēema. To bairo caññare yū quena, “Yú yarā me āma,” na yū iḡu Dio tū macanare, cañ buioyupū Jesu cū cabuerāre.

¹⁰Camaja caroorije yure cañ wada pairā na nibao joroquena na majiritio majimi Dio. Dio Espiritu Santo macare caroorije cūre na cañ wadaro majiritioquetigūmi Dio Espiritu Santore na cawada pairijere, na caññupū Jesu.

¹¹Aperā muja ñe aágarāma neñapo buerica wiiripū, maca uparā tūripū quenare, na popiyeyeya iṛā. To bairo mujaare na cáto uparā mujaare na cajeniñapere, na muja cayupere seeto tūgoonārique paiqueticõaña. “¿Dope bairo na mari iṛaati?” i tūgoonāquēja. ¹²Na muja cañ yūpere mujaare majiogūmi Dio Espiritu Santo maca mujaare na cajeniña tutiri pañna.

El peligro de las riquezas

¹³Jesu camajare to bairo cū cañ buiori pañ jīcañ camaja watoarū cācu Jesure cū caññupū:

—Jāre cabuei, jā pacū ānacū ye cānajere yū jugocū cū cacugorijere ricawo nuni rotiya yūre.

¹⁴Jesu maca ocõo bairo cū cañ yūyupū:

—“Dio cū cūricūmi apeye uniere carotipaure o jā caame wada netorijere cabuio matabojapaure,” yure i tūgoonāqueticõaña, cū caññupū Jesu.

¹⁵To bairo cū i, topū cāna nipetrāre na cañ buionemoñupū Jesu moquena:

—Caroaro api majiña. Apeye unie paio tujū boo netoqueticõaña. Apeye unie paio anibaoputona muja ani wariñuo joroque átiqūeto.

¹⁶To bairo na i, ati wame mena na cañ buio majioñupū Jesu moquena:

—Jīcañ apeye unie capee cacūgoñ caroa yepa oterica yepa cacūgoyupū. Ti yepa cū caoterica yepa paio majuu carica cūjupe cū caoterique. ¹⁷Capee caricacuto tujūñ, ocõo bairo cañ tūgoonāñupū: “¿Dope bairo yū ácuati atie capee carica cutiere? Noorū yū cacūparo maa,” cañ tūgoonāñupū.

¹⁸ To bairo ī tūgooña, ocōo bairona caī tūgooña buga quenooñupū: “Yū ūgarique cūrica wiirire yū recōagu, ape wiiri capaca wiiri macare átigu. Ti wiiri áti yaparon topū yū caoterique ricare noo, yū apeye unie yū cacugorije nipetiro yū cūgu. ¹⁹To bairo yū cáto yoaro petiquetigaro to bairo yū cáti quenoo cūrique. To bairi yū yerijāgu. Yerijā, caroa ūga, eti, wariñuu yū áticōa anigu,” caī tūgooñañupū. ²⁰ To bairo cū caī tūgooñaro tūjuri Dio maca ocōo bairo cū caññupū: “Mū tūgooña majiqueti majuucōa mña. Ati ñamina mū bai yajicoagu. Bai yajiri bero mū cacugobatajere mū cūgo wariñuu majiquetigu. Apera maca tiere cūgo ūjagarāma,” cū caī buioyupū Dio, caññupū Jesu.

²¹ Ti wamere queti buio majio yaparo ocōo bairo na caī buioyupū Jesu: —To bairona āmi jicañ Diore catūgooñaquēcū apeye unie jetore camai jee cū cūgo. Cabopacaure bairo cū tūgooña tūjumi Dio maca cū ūcure, na caññupū Jesu.

Dio cuida a sus hijos

(Mt. 6.25-34)

²² To bairo na ī yaparo cū cabuerāre ocōo bairo na caññupū Jesu moquena:

—Ape wame muñña iḡu: Ati yepa macajere seeto tūgooñaqueticōaña. Dope bairo mūja cabaipere, mūja cacugopere, mūja caugapere, mūja cajaanapere nipetiro tūgooñarique paiqueticōaña. ²³ Dio marire carupeoricū aniri mari caugapere, mari cajaanapere mari joo majimi tie quenare.

²⁴ Miniare na tūgooñaña. Caoterā me āma naa. “Mari caoterije caricacuto tiere mari ūgagarā,” cairā me āma. Na caugape quenoo cūrica wiiri cānipe quenare cacugorā me āma. To bairo cabairā na nibao joroquena na numi Dio. To bairi mūja quenare mūja coteḡumi Dio, miniacā netoro cū cāmáirā mūja cāno maca. ²⁵ Ūmñabujaro mūja bucuanemo aā majiquēna, seeto tūgooñabaorñana. ²⁶ To bairi wame cáti majiquēna aniri apeye unie quenare catūgooñarique paiquetipará mūja ā.

²⁷ Oóre tūgooñañajate. Paaquētona bucua, owa, caroa baucōa. Jutii to cajaanapere paaquēe. To bairi paaquetibaorñtona caroaro bau, mari ñicu jāa ānana ūpañ Salomón ānacū caroa jutii cū cajaanarique netoro. ²⁸ To bairona bai tie ta. Yoaro mee catí, canaiori pañ cānana jini, ape rñmū peropū joe re ecoocōaro. To bairo yoaro mee cajinipe to nibao joroquena caroa cabaupere joomi Dio tie tare. To bairi, “Mari roquere mari cacugopere mari joogumi Dio,” cū ī tūgooña nucubugoya. ²⁹ To bairi seeto tūgooñarique paiqueticōaña mūja caugapere, mūja caetipere. ³⁰ Ati yepa macana Diore canucubugoguēna seeto tūgooñama tiere. Mūja macare mūja cacugopere majitugami mūja Pacu ūmurecoo macacu. ³¹ To bairi Dio ye macare tūgooña nucubugo netoña, ati yepa macaje apeye unie macare boo neto tūgooñaquēnana. To bairo mūja cabairo mūja joonemogumi Dio ati yepa macaje mūja caboo ūjarijere, caī buioyupū Jesu.

Riqueza en el cielo

(Mt. 6.19-21)

³² Ocōo bairo caī buionemoñupū Jesu:

—Petoacā cāna yū yarā muñña ī. Tūgooñarique pai ūwiqueticōaña. Mūja Pacu Dio mūjaare tūju wariñuumi. To bairi cū mena caroare cacugopará mūja cāno boomi. ³³ Mūja ye apeye uniere mūja cacugorijere

joo, wapa jeeya. Wapa jeeri, cabopacarãre na jooya. Ati yepa macaje caboapere tugooñaquêja. Dio ye, caboquetipe macare tugooñaña. Dio tũpũ muja cacũgope capetiquêtie anicõa anigaro. Topũ jee rutiri maja manigarãma. Topũ muja cacũgorijere caroora unaacã caũga rooye tuu reparã manigarãma mũmurecoopũre. ³⁴ Muja camai netorije cãnopũre caroaro tugooñari tie jetore muja tugooñacõa aninucugarã. To bairi Dio ye maca jetore átĩ tugooñacõaña, caĩ buioyupũ Jesu.

Hay que estar preparados

Ocõo bairo caĩ buionemoñupũ Jesu:

³⁵—Yũ catunu atĩpere tugooñari muja yeri macajere caroaro quenooõcaricarã ani yuuya. Jĩa bujurique pẽo bujuricarore bairo átana anicõaña. ³⁶ Cũ paari maja na Ƴpaũ wamo jiarica boje rũmũ cãno cũ cãaãto bero cũ catunu ejaparore cũ yuurãma. To bairi tunu ejaũ joperũ na cũ cajeniũaro apirã nemoo cũ boca pã joorãma. ³⁷ Caniquẽnana caroaro cũre cayuricarã aniri na Ƴpaũ cũ catunu ejaro seeto wariũuurãma. Cariapena mũñũja ĩ buio. To bairo na cabairo na ejaũ na Ƴpaũ nemoo Ƴgarica cajawapũ na rui rotĩ, Ƴgarique na ricawo nuũmi. Cũ majuuna na Ƴpaũ nĩbaopũcũna na Ƴgarique ricawo nuũmi. ³⁸ To bairi ñami recomaca o cabuju atĩ paũ cacaniquẽnare cũ cabũga ejarã aniri wariũuurãma. To bairi nare bairona cãtiparã muja ã, yũ catunu atĩparo jũgoye muja yeri quenoo yuurãa. ³⁹ Ape wame quenare tugooñaña. Wĩi Ƴpaũ, “Ati ñami to capaũ majuu ejagũmi jee rutiri majocu,” ĩ majiquẽcũmi. Cũ camajiata caroaro bipe, caniquẽcũna coteboũmi, jee rutiri majocu jãaremi ĩi. ⁴⁰ To bairona yũ quenare, “To capaũ majuu tunu ejagũmi jã Ƴpaũ,” muja ĩ majiquetigarã. To bairi caroaro yũ catunu atĩpere tugooñarã caroaro yũ caboorije jetore átĩcõa aninucuña, na caĩñupũ Jesu.

El siervo fiel y el siervo infiel

(Mt. 24.45-51)

⁴¹ To bairi Pedro maca Jesure cũ cajeniñañupũ:

—Ƴpaũ, ¿tatie camaja nipetirore na buioũ mu ĩti? O ¿jã jetore que buioũ mu ĩti?

⁴² To bairo cũ caĩro Jesu caĩnemoñupũ moquena:

—Ƴpaũ jĩcaũ aperopũ aãgu jũgoye cũ paabojari majocu jĩcaure ocõo bairo cũ ĩimi: “Yũ paabojari majare na capaapere na rotiya. Na caũgapere to cãnacã rũmũ na jooya.” ⁴³ To bairo cũ ĩri aperopũ aãteñaũmi. Cãaãteñaũ aãtacũ tunu ejaũ cũ yere carotibojau cũ caĩ rotiricarore bairona caroaro cũ cãto tũju, seeto cũ wariũuu tũjuũmi. ⁴⁴ Cũ wariũuu tũjuri, “Nipetiro yũ yere yũ ãoro macacu carotii mũ anigu,” cũ ĩ, Ƴpaũ jõũmi. ⁴⁵ Cũre carotibojau rooro cũ cãpata, “Yoaro bauquetigũmi yũ Ƴpaũ,” ĩ tugooñari, cũ Ƴpaũ paari majare na quẽ, jĩbiorique caeti pairã mena eti cumu, Ƴga paca, cũ cabaiata rooro popiyeye ecoobõũmi. ⁴⁶ “Yũ Ƴpaũ di rũmũ, poo capaũ cãno majuu tunu atĩgũmi,” cũ caĩ majiquetĩ paũna cũ tunu ejabõũmi cũ Ƴpaũ yua. Tunu eja, caroaro cũ cacotequetajere tũju, aperã caroora, cũre caapĩpajeequẽna menapũ cũ rocacõabõũmi caroora na cãnopũre. ⁴⁷ To bairi paa coteri majocu cũ Ƴpaũ cũ caboorijere majĩbaopũcũna cũ carotirijere átiquẽcũna cabai botioũ ĩcũre seeto cũ popiyeyegũmi cũ Ƴpaũ. ⁴⁸ Apei cũ paa coteri majocu macare cũ caboorijere cariape cãti majiquẽcũ cũ cãnoi jĩabũjana cũ popiyeyegũmi cũ macare. To bairi na Ƴpaũ caroaro

cu caboorijere cáti majiräre, “Caroaro ája,” na ïgumi. Aperã na netoro camajirã macare, “Seeto majuu na netoro caroaro ája,” na ïgumi na upau. “Jiabujana camajirã netoro camajirã muja ä. To bairi caroaro ája mujaa,” na ïgumi. To bairi muja cáti majiri wame cõo muja cátipere boomi Dio, cañupũ Jesu.

Jesús es causa de división

(Mt. 10.34-36)

⁴⁹⁻⁵⁰Ati yeparũ yũ caejawũ, Dio Espiritu Santore camaja na yeripure jou acá. Na yũ cajooparo jugoye yũ capopiye tamuope anigaro. To bairi yũ capopiye tamuope uwaro to cayaparoro yũ boobapa. ⁵¹“Ati yeparũ ejami Jesu, caroa añajere joogu,” yũ ï tugooñaquẽja. Yũ caejarije jugori camaja ricati yũ cãniere tugooñabana ame tuti, ame quẽgarãma. ⁵²Camaja jĩcau punaa nibaorpũnana, “Jĩcarona caroaro mari anigarã,” ï majiquietigarãma. ⁵³Jĩcau yũ boogumi. Apei maca yũ booquetigumi. To bairi capacu cũ macu mena ame tutigarãma. Capaco co maco mena ame tutigarãma. To bairona ame bai punijinigarãma jĩcau yũre cabou, apei maca yũre cabooquẽcu, to bairo anibana, cañupũ Jesu.

Las señales de los tiempos

(Mt. 16.1-4; Mr. 8.11-13)

⁵⁴Camajare ocõo bairo na cañ buionemoñupũ Jesu moquena:

—Muirũ cu caroca jãa atí nũgoa macare oco burũri muja catũjuata, “Oco ocagaro bai,” muja ï tũju majirã. To bairo muja caĩrore bairona ocaro.

⁵⁵Wino cajõcu nũgoa macai to capapuro tũjarã, “Ajigaro bai,” muja ï. To bairo muja caĩrore bairona ajiro. ⁵⁶Mujaa umũrecoo macajere dope bairo cabaurije tũjarina ati yepa macajere to bairona baigaro bai, muja ï tũju maji. To bairo catũju majirã nibaorpũnana, ¿Nope irã ato cõo muñuja cáti ñoobatie macare to bairo ïgaro áa, muja ï majigaquẽeti? To bairi, “Camajirã jã ä,” caĩtorã muja ä.

Procura ponerte en paz con tu enemigo

(Mt. 5.25-26)

⁵⁷¿Nope irã muja majuuna, “Atie cariape macaje cátiye ä,” muja ï tugooña beje majiquẽeti? ¿Nope irã muja majuuna caroare muja tũju beje majiquẽeti? ⁵⁸Apei, “Rooro yũ mu ájupa, to bairi yũ mu wapamo,” mũaaare ï tutiri, uparãpũre cu cawadajãgaro nemoo cu mena oca quenoocõaña. Cu mena mũa caoca quenooquepata upau jues tũpũ mũa jooboumi. Cu mena mũa caoca quenoata jues tũpũ mũa jooquetigumi. To bairo mũa cañ oca quenooquepata jues tũpũ mũa cu cajooro cu maca polisía mũa upaure cu pijo átiri, presopũ mũaare cu cũ rotiboumi. ⁵⁹To bairi presopũ mũa na cajooro nipetiro mũa cawapamorijere mũa cawapaye peoquepata mũa buuquetiborãma, na cañupũ Jesu.

Importancia de un cambio de actitud

13 ¹Jesu camajare cu cabuio ani paũ aperã cu tũpũ caejayuparã. Eja, Pilato, ti maca upau jĩcaarã Galilea macanare na cu cajã rotiriquere Jesure cu cabuiouparã. Pilato ocõo bairo na cáti jĩa rotiyupũ. Na maca waibucurãre jĩa joe buje mugori Diore áti nucubugorã cátibajuparã. To bairo na cáti ani paũna Pilato cu cajã rotiricarã ejari, na cajã recõañuparã.

²To bairo na caĩ buiorijere apii ocõo bairo na caĩñupũ Jesu:
 —¿Dope bairo mũa ĩ tũgoõñati mũa? Na yarã aperã netoro caroorije cána aniri ĩa ecooricarãma, ¿mũa ĩ tũgoõñati? ³To bairo cabaiquẽjupa. Cariare mũñũja ĩ buiogũ. Mũa quena caroorije mũa cátajere tũgoõñarique pairi mũa cawajoaquẽpata to bairona mũa tamũo yajigarã mũa quena, na caĩñupũ Jesu. ⁴—Ape wame quenare mũñũja ĩ buio. Siloérũ na cawe nũcorica tutu capua ña aáto dieciocho cãnacãũ camaja caĩja ecooyuparã ti tuture. Aperã Jerusalén macana netoro caroorije cána aniri ĩja ecooricarãma, ¿mũa ĩ tũgoõñati? ⁵To bairo cabaiquẽjupa. Mũa quena caroorije mũa cátajere tũgoõñarique pairi mũa cawajoaquẽpata to bairona mũa tamũo yajigarã mũa quena, na caĩñupũ Jesu.

El ejemplo de la higuera sin fruto

⁶To bairo na ĩri bero queti buio majiorica wame ocõo bairo na caĩ buioyupũ Jesu:
 —Jĩcaũ camajocũ cu ya wejẽpũre higuera cawamecutii yucũre caoteyupũ. Cabero, “Mere rica cuticoato,” ĩi catũju aábajupũ. Carica maĩupe. ⁷Carica mano tũjũri cu ya wejere capaabojaũre ocõo bairo cu caĩñupũ: “Itia cũma aápá. Atii ricare jeegu nairoacã yũ tũju atĩnucubapa. Jĩca unoacã yũ bũgaquẽ. To bairi tiire queti rocacõaĩa. Caĩũuquẽtii majũuna apeye caroa macare yũ caoteborore mata tũjũnucu.” ⁸⁻⁹To bairo cu caĩro: “Uraũ, mari rocaquẽna mai. Tii putore yũ yejea aju õwa tuuñagu, ¿ape cũma to rica cutiquetibocuti? ĩi. To carica cutiqueticõaata to cõona mari queti rocacõagarã,” cu caĩñupũ cu capaabojaũ, caĩ buioyupũ Jesu. Tiere to bairo ĩi camaja na cawajoapere na yũ yuugu mai, nemoona na yũ popiyeyequetigu ĩi, to bairo caĩñupũ.

Jesús sana en día de descanso a una mujer jorobada

¹⁰Jĩca rũmũ yerijãrica rũmũ cãno neñapo buerica wiipũ camajare na ĩ buio acũ cájupũ Jesu. ¹¹Ti wiipũ cãñupo cãromio cáaa wamũnũca po aá majiquẽco. Yeri wãti to bairo co baio joroque co cájupũ. Dieciocho cãmari to bairo cabai ãco cãñupo. ¹²Jesu cõre co tũju, co carijoyupũ:

—Mũ cariaye cutiere mũ yũ netoocõa, co caĩñupũ.

¹³To bairo co ĩna, cu wamori mena co caĩũ peoyupũ. Co cu caĩũ peorona mere cariape cawamũ poyupo. Wamũ pona, Diore, “Seeto ñũubũja,” caĩ wariñũũũpo. ¹⁴Neñapo buerica wii uraũ Jesure cu capunijini tũjũyupũ, yerijãrica rũmũrena co cariape cutiere co cu canetooro tũjũri. Punijini tũjũri, camajare ocõo bairo na caĩñupũ:

—Seis rũmũrina ã paarica rũmũri. To bairi ti rũmũri paarica rũmũri jetore netoo rotira ajá mũa cariape cutiere. Yerijãrica rũmũ capaaya mani rũmũre mũa cariape cutiere netoo rotira atĩqueticõaĩa, na caĩñupũ ti wii uraũ to cãnare.

¹⁵To bairo cu caĩrijere apii mari Uraũ Jesu ocõo bairo cu caĩñupũ:

—Seeto caito pairã majuu mũa anicõa. Yerijãrica rũmũ to nibao joroquena mũa yarãre wecũare, o burrore ĩa tu nũcoricarãre na popiori na tũga aá átiri ocore na mũa tiaborã na etirica paupũre. ¹⁶To bairona atio Abraham ãnacũ pãrameo quenare yerijãrica rũmũ to nibao joroquena co cátipe ã. Cõre canetoope ã Satanã yoaro ĩaricarore bairo co cu cátibatajere. Yerijãrica rũmũ to nibao joroquena to bairo co cátipe ã, caĩñupũ.

¹⁷To bairo cu caĩro apirã cu capunijini tũjũricarã maca nipetiro dope bairo cu caĩ wada canamu majiquẽjuparã. Aperã maca camaja pato cawariñũũũparã Jesu caroaro cu cáti ĩnoorijere tũjũrã.

El ejemplo de la semilla de mostaza

(Mt. 13.31-32; Mr. 4.30-32)

¹⁸⁻¹⁹ Ocõo bairo na caĩ buio majioñupũ Jesu moquena:

—Ƴpaũ Dio cũ cãnie queti ocõo bairo ã: Jĩcaũ cũ ya wejepũ jĩca ape mostasa cawamecutii rica apeacãre oteimi. Tii putiro pairicu majuu bucũaro. To bairi tiĩpure minia eja, na ria bati cãnipere peorãma tii rupũripũre. Tii apeacãre bairona ani juũgo Ƴpaũ Dio cũ cãnie queti. Cabero pairicu cabutirore bairona nipetiropũ cũ ye queti jeja aãto. Minia to na capeja ani wariĩnuore bairona camaja Jesure apipajeeri yerijã wariĩnuuriquere buũagarãma ii, to bairo caĩ buioyupũ Jesu.

El ejemplo de la levadura

(Mt. 13.33)

²⁰⁻²¹ Ocõo bairo caĩñupũ Jesu moquena:

—Ƴpaũ Dio cũ cãnie queti ati wamere bairo ã: Cãromio pan átigo trigo pocare itia bapa jee átiri oco mena puũgo ajuomo. Cabero moquena tiepure petoacã levadura na caĩrijere ajuomo, to wauato iõ. Tieacã mena co caajurona pan cãnipa burua paio wauacoato yua. Tieacã cawaurije ti burua nipetiro cawauarore bairona Ƴpaũ Dio cũ cãnie queti quena ati yepa nipetiropũ jeja batecoato.

La puerta angosta

(Mt. 7.13-14, 21-23)

²² Cabero Jesu Jerusalẽpũ aãcũ cũ caneto aãto cãnacã macapũrena camajare na cabuio neto aãjupũ. ²³ To bairo cũ caĩ buio aãtopũ jĩcaũ Jesure cũ caĩ jeniñañupũ:

—Jã Ƴpaũ, ¿petoacã na nicũti Dio cũ cacatiorã mũ tũpũ caneto ejaparã?

To bairo cũ caĩro:

²⁴—Capãarã Dio tũpũ ejagabaopũnana eja majiquetigarãma, Diore canũcũbugoquẽna aniri. Mũja maca Diore caapi nũcũbugorã caejaqueti jopeacãpũ cajãa aãnaacãre bairona mũja ã, jĩcaarãacã aniri. To bairi ti jopeacãpũ cajãagarãre bairo maca anicõãña Dio cũ catũjoorije átiri.

²⁵ Apeye na caĩ buio majioñupũ Jesu moquena:

—Wii Ƴpaũ cũ cabia jãato bero cũ jopẽpũ caũoje tũjũnucurãre bairona mũja anigarã Dio tũpũre jãagarã. To bairi mũjaa, “Ƴpaũ, jã pã jõo jom ajã,” cũ mũja ibagarã. To bairo mũja caĩrijere mũja yũquetigumi. “Mũjaare yu majiquẽe. Noo macana mũja ãnaa ta, mũñũja majiquẽe,” mũja iõcõagumi. ²⁶ To bairo cũ caĩro ocõo bairo mũja iõcõa ani bugañagarã: “Jãana mũ mena jã cabapacuti eti uganucuwũ. Jã ya macapũre Dio ye quetire mũ cabuio teñawũ,” cũ mũja iõgarã. ²⁷ To bairo cũ mũja caĩro, “Mũñũja majiquẽe, mere mũñũja iũũ. Aperopũ aãnaja. Caroorã mũja ã nipetiro,” mũja iõgumi. ²⁸ Topũ Ƴpaũ Dio cũ cãnopũ Abraham, Isaã, Jacobo, Dio ye quetire cabuioricarã tirũmũpũ macanare Dio tũpũ cãnare na mũja tũjũgarã. Na tũjũrã, “Marire recõãñupi,” mũja i tũgoõñarique paigarã. “iAgu!” mũja i otigarã, seeto tũgoõñarique pairique mena. ²⁹ To bairi camaja nipetiropũ macana Dio tũpũ ejagarãma. Topũ cũ mena uga ruigarãma, na caĩñupũ Jesu. ³⁰ To bairo cabairi paũre ocõo bairo baigaro: Ati yũteapũ cãna jĩcaarã cawatoa cãna na caĩ tũgoõñabatana maca Ƴparãre bairo anigarãma

Dio tɔpɔ. Apeɾã ati yuteapɔ cãna jĩcaarã cauparã cãna una maca topɔre cawatoa cãna anicõagarãma, caĩñupɔ Jesu.

Jesús llora sobre Jerusalén

(Mt. 23.37-39)

³¹ Jesu to bairo camajare cɔ cabuiori pauna fariseo maja jĩcaarã cɔ tɔpɔ caejayuparã. Cɔ tɔpɔ eja, ocõo bairo cɔ caĩñuparã:

—Uɾau Herode mu jĩagami. To bairi uwaro aperopɔ aácɔja.

³² To bairo cɔ na caĩro:

—Herodere caĩtorique paiire ocõo bairo cɔ ĩ buioya: “Yucɔ, bujuye camaja na yeripɔ cajaanã wãtiare na yɔ buu rebojagu mai. Cariayecuna quenare na yɔ catiogɔ. Bujuye ape rumɔ maca to cõona yɔ áti yaparogɔ, ĩmi Jesu,” cɔ ĩña Herodere. ³³ Bujuye ape rumɔpɔ yɔ eja aágɔ Jerusalẽpɔre. To bairi yucɔ, bujuye, to bairona átícõa ãcɔ yɔ áa mai Jerusalẽpɔ yɔ caeja aáparo jugoye. Topɔ ejan to cõona yɔ áti janacõagɔ tiere. Jĩcau maca Dio ye quetire buiori majocɔ aperopɔ Jerusalén caniquetopɔ jĩa ecoorique maa, na caĩñupɔ Jesu.

To bairi Jerusalẽpɔ na cajĩrapɔ yɔ ã ĩi, to bairo na caĩ buioyupɔ Jesu fariseo majare. To bairo na ĩ, ocõo bairo caĩñupɔ Jesu Jerusalén macanare:

³⁴ —Mũjaa Jerusalén macana Dio ye quetire cabuiorãre cajĩa rerã mũja ã. Mũja tɔpɔ Dio cɔ cabuio roti joobanare ã ta rupaa mena care jĩarã mũja ã. Mũjaare maii capee yɔ tɔpɔ mũñũja pi neonucugabapa. Áboco co punaacãre maio nare co cajee neo cũrore bairona mũñũja átiganucubapa. Yũre mũja booquẽe. ³⁵ To bairi mũja cãni paure rocagumi Dio. Cariapena mũñũja ĩ. Mere to cõona yɔ mũja tũju tũja. Yũre mũja tũjunemoquetigarã ati yerapɔ yɔ catunu atĩparo jugoye. Ti paɔ cãno yũre tũjurã ocõo bairo yũre mũja ĩgarã: “Cajugoyepɔ Dio, ‘Cɔ yɔ joogɔ,’ cɔ caĩricuna ãmi Jesu. Caĩnuu majucõau ãmi,” yũre mũja ĩgarã, caĩñupɔ Jesu.

Jesús sana a un hombre con enfermedad de hinchazón

14 ¹ Jĩca rumɔ na yerijãrica rumɔ cãno Jesu caugau aájupɔ fariseo majocɔ upau jĩcau cɔ ya wiipɔ. Topɔ cɔ cãno fariseo maja seeto Jesure cɔ catũju coteyuparã. ² Topɔ Jesu riape majuure caĩñupɔ jĩcau rupauna cabipii. ³ To bairi judío majare cabuerãre, fariseo maja quenare na cajeniñupɔ Jesu:

—Yerijãrica rumɔ cãno ¿Moisé cɔ caucarique cariaye cunare to catio rotiquetibaupari?

⁴ To bairo na cɔ caĩ jeniñaro dope bairo cɔ caboca ĩ yũquẽjuparã. To bairi cariaure cɔ pañari cɔ cacatioyupɔ Jesu. Cɔ catio yaparo cɔ catunu aá rotiyupɔ. ⁵ Cɔ tunu aá rotiri bero cãre catũju coterãre ocõo bairo na caĩñupɔ:

—Mũja yau burro, o wecu oco jeerica operɔ cɔ caroca jãa aápata nemoona cɔ mũja ne buuborã yerijãrica rumɔ to nibao joroquena, na caĩñupɔ Jesu.

⁶ Na maca dope bairo cɔ caĩ yɔ majiquẽjuparã yua.

Los invitados al casamiento

⁷ Fariseo majocɔ, yɔ tɔpɔ na ugaato ĩi, cɔ capijoricarã caroa pañri uparã na caruirijepɔre na cabeje ruiro tũjurĩ ocõo bairo na caĩ buioyupɔ Jesu:

⁸ —Wamo jiarica boje rumɔ mũjaare na cauga rotiatã uparã na caruirijere ruigaqueticõaña. Uparã yerpɔre mũja caruiata jĩcau mũja

beropu saupau maca ejaboumi. ⁹ Cu caejaro, “Ani upau cu caruiparore wamunusaña. Jō maca ruija,” mija i boumi mijaare capijoricu. To bairo mija cu cairo aperā na catujujoro boboro mija baiborā. ¹⁰ To bairi mija na sauga rotiaa caujaro maca ruiya mija. To bairo mija cabairo tujuu mijaare sauga rotiricu mija igumi, “Yu yau, atobujaacā uparā mena ruiya,” i boumi. To bairo mija cu cairo apirā mija tu caruirā boboro tujuetigarāma. “Ati maja cañuurā añupa,” mija igarāma. ¹¹ Nii, “Cāni majuu yu ā, cu majuuna caī tugoonañ cawatoa macacu cu anio joroque cu cūgumi Dio.” “Cawatoa cācu yu ā yua,” caī maca aperā netoro cācu anigumi, na caī buioyupu Jesu.

¹² Na i yaparo, “Yu mena ugaya,” cu caīricre, ocōo bairo cu caī buioyupu Jesu:

—Mua aperāre mu mena na uga rotii mu mena macanare, mu bairāre, mu yarāre, paio cacugorāre na pijoqueticoaña. Nare mu capijoata na quena mre uga rotirā mu pijo ameborāma. Nare mu capijo jugorique wapare bairona mu irā mu iborāma. ¹³ Mu tupa aperāre mu sauga rotigaata cabopacarā macare na pijoya. Cāāā majiquēnare, jica rupo carooye tuaricarāre, cacape manare, to bairo cabairā macare na pijoya. ¹⁴ To bairo mu cāto wariñuuriquere mu joogumi Dio. Na maca mu uga roti ame majiquēema. Mu maca to bairo ācu Dio yarā caroarā na catunu catiri paupare caroa majuure mu bugagu.

El ejemplo de la gran cena

(Mt. 22.1-10)

¹⁵ To bairo Jesu cu cairo apii jicañ cu mena saugau ocōo bairo cu cañupu Jesure:

—Upau Dio cu cānopu cu mena saugaparā wariñuugarāma, cu cañupu.

¹⁶ Jesu maca ocōo bairo cu caī buio majioñupu:

—Jicañ caroarō boje gumu āti ugagu caquenoñupu. Queno yaparori capāarā majuure na cāatí roti joobajupu. ¹⁷ Saugapa pañ majuu cāno cu paa cotebojari majocure, “Yu mena saugaparā yu cabuioicarāre, ‘Mere na ugara aparo. Yu queno yaparo mija i joomi,’ na i buioja,” cañupu. To bairi cu paabojari majocu maca na cabuioñ aabajupu yua. ¹⁸ To bairo na cu caī buioñ ejarijere apirā nipetiro cu capibatana, “Jā aā majiquēe,” cu caboca iñuparā. Jicañ ocōo bairo cu cañupu: “Jica yepa oterica yepa yu wapaye yaparo. To bairi yucnacā ti yepare tujū aācu yu āa. To bairi, ‘Atí majiquēemi,’ cu iña mu upaure,” cu cañupu. ¹⁹ Apei, “Puga wamo cōo cānacāñ wescare na yu wapaye yaparo. To bairi yucnacā na tujū aācu yu āa mai. To bairi, ‘Atí majiquēemi,’ cu iña mu upaure,” cu cañupu. ²⁰ Apei quena, “Yu numo cuticoapu yucnacāna. To bairi yu aā majiquēe,” cu cañupu. ²¹ To bairo na cairo catunucōajupu paabojari majocu cu upau tupa. Tupa aā, cu upaure na caīrica wame cōo cu cabuio peocōañupu. To bairo na caīrique apiri, capunijiniñupu saupau. Punijini, cu paabojari majocure ocōo bairo cu cañupu yua: “Uwaro macapu aācuja. Nipetiro maca watoaripu noo cāni pañiacāpu cāna cabopacarā macare na piya. To bairi cāāā majiquēnare, cacape tujūquēnare, carupori rooye tuaricarāre, to cānacā pañ macana to bairo cabairā jetore na piya.” ²² To bairi cu paabojari majocu cu upau cabopacarāre cu capi rotiricarore bairona na capii aajupu. Na pi yaparo ocōo bairo cu cañupu cu upaure: “Upau, yu mu carotiricarore bairona yu pi yaparowu. To baibao joroquena wii maca

jiraquēe mai,” cū caĩñupũ. ²³To bairo cū caĩro apii ocõo bairo cū caĩñupũ cū ұрау моқуена: “Аацїа мака тїјарорипũ macanare ma mũ cãaati paу cãna quenare na piija. To bairo mũ cãto yũ wii jiragaro yua,” cū caĩñupũ paaboјari majocũre cū ұрау. ²⁴“Yucura yua yũ cauga roti јїгобатана мака ұгаqueti majuucõagarãma, јocũ mee yũ i,” cū caĩñupũ cū ұрау, na caĩñupũ Jesu yua.

Lo que cuesta seguir a Cristo

²⁵Camaja capãarã Jesure cū caўja aájuparã. To bairo na cabairo Jesu na amejore nũca тїјuri, ocõo bairo na caĩñupũ:

²⁶—Aperã mўja camairo netoro yũre maiña. Yũre mўja camairo netoro aperã macare mўja camaiata yũ mena macana mўja ani majiquetigarã. To bairi mўja pacuare, mўja numoare, mўja punaare, mўja bairãre, mўja cãniecũtie quenare mўja camairo netoro yũre maiña. ²⁷Yua yũ popiye tamũogũ. Apei yũ cabuei anigabaopũcũna, “Cũ cabairicarore bairo yũ popiye tamũogatee yua,” caĩi ũcu maca yũ mena macacu aniquetigũmi, na caĩñupũ Jesu. ²⁸—Jĩcaũ caumũari wiire átigu cū niyerure cõõña јїгоũmi, ti wiire paarique wapa цуу cawapayeye to eјagabapari? ii. ²⁹Cũ cacõõña јїгоquẽpata ti wii recomaca cãnona cū niyeru cū cawapayerique peticoaboro. To bairi cū cãtibata wiire áti yaparo majiquetiboumi. To bairo cabairijere тїјurã aperã cū i epeborãma ti wiire capaatabacũre. ³⁰“Ani capairi wiire átigabajupi. Yaparo majiquẽјupi,” cū i epeborãma. ³¹To bairo quena јїcaũ ұрау apei ұрау mena cū caame quẽparo јїгоye ocõo bairo тїгоoñaũmi: “¿Yua peeto bujaacãna yũ umua mena cū maca yũ netobũјaro caumũacũcũre cū yũ ame quẽ ocabũtibocũti?” i тїгоoñaũmi. ³²To bairi apei ұрау мака јõрũna cū yarã јїari maja pato mena cū cãno, “Mari ame quẽqueticõato,” ii, cū queti јoumi. ³³To bairi yũ cabuerã anigarã caroaro тїгоoña јїгоya mўja cãtipere. Na cacõõña јїгорicarore bairona ája. To bairi nii cū yere maii tiere cacũ aãweogaquẽcu yũ mena macacu ani majiquetigũmi, na caĩñupũ Jesu.

³⁴Moa caocaarije ñũubũja. Caocaaquẽtie macare dope bairo apeye unie ұgariquerũre jaña maniboro. ³⁵Owa turique quena ñũuquetiboro caocaaquẽtie aniri. Carepe aniboro. Noa yũre caapirã yũ caĩ buiorijere caroaro apijaya, caĩñupũ Jesu.

El ejemplo de la oveja perdida

(Mt. 18.10-14)

15 ¹Camaja yere gobiernore niyeru jeeboјari maja, aperã caroorã quena Jesu тũрũ caejanucũñuparã, cū cabuiorijere apigarã.

²To bairi fariseo maja, aperã јudío majare cabuerã roorije Jesure cū caĩ wada paĩ coteyuparã:

—Ani caroorãre na bapacũti ұganucumi, caame iñuparã.

³To bairo na caĩro apii ocõo bairo na caĩ buio majioñupũ Jesu:

⁴—Jĩcaũ cien oveјare cacũgoũ јїcaũ cū cabauquẽpata nare noventa y nueve majuu carũјarãre caroa ta cãni paрũ na cũcõari cayajiricũre cū macaũ aãboumi. ⁵Cũ maca buјacõaripũ cū ne apa, wariñũboumi.

⁶Wariñũuri cū ya wiipũ tunu eja, aperã cū yarãre, cū mena macanare neñapo rotiboumi. “Cũ yũ buјawũ yũ oveja cayajiricũre. Mўja quena yũ wariñũunemorã ája,” na iбoumi. ⁷To bairi ocõo bairo mũñja igũ: Oveja cayajiricũre cū cabũga wariñũurore bairona, јїcaũ ũcu caroorije

cũ cátajere cũ cajütiriti wajoa reata umurecoopure Dio cũ tü macana mena wariñuu netogumi. Aperã, “Cañuurã já ã. Caroorije maa jára. To bairi já jutiritiquêe,” cañ tũgoonãrã macare na jũgo tũju wariñuuquetigumi Dio cũ tü macana mena, na cañ buioyupũ Jesu.

El ejemplo de la moneda perdida

⁸Ape wame na cañ queti buio majioñupũ Jesu moquena:

—Cãromio paio cawapacuti tiiri puğa wamo cõo cãnacã tii cacũgo jica tii cayajiro tũjuo jĩa bujuricarore jĩa buju átiri to cãnacã paupure owa macabomo, ti tiire bugago. ⁹Ti tiire bugacõaripũ wariñuo aperãre co yarãre, co mena macanare na pi neobomo, yũ wariñuunemoña mũja quena na io. “Yũ niyeru tii cayajirica tiire yũ bugacõawũ,” na ïbomo. ¹⁰Cariapena mũñuja ï: Co cawariñuurore bairona wariñuu netogumi Dio cũ tü macana mena camajocu carooũ caroorije cũ cátajere jutiriticõari cũ cawajoaro, na cañũpũ Jesu.

¹¹Ape wame queti buio majiorica wame cabuioyupũ Jesu moquena:

—Jĩcaũ camajocu cũ punaa caũmũa puğarã cañũparã. ¹²Cabai maca cũ pacure ocõo bairo cũ cañũpũ: “Caacu, mũ cacũgorijere mũ cabai yajiro bero carecomaca yũ cũgo ujuğu. To bairi nemoona yũ ricawoya yũ cacũgo ujujapere,” cũ cañũpũ. To bairo cũ caĩro na puğarãpũrena na caricawoyupũ cũ yere yua. ¹³Noo cãnacã rũmũ bero meena cabai maca cũ ye apeye uniere nipetiro jee, aperopũ cayoaropũ cãããteñau aãcoajupũ. Topũ cũ cãããteñari paupũ cũ ye niyeru cũ pacũ cũ caricawobatajere caroorije cũ caboorijerena cawapaye re peticõañupũ. ¹⁴Cũ niyeru cũ cawapaye re petiro bero ti yeparũ quena caũgarique peticoajupe. To bairo to cabairo seeto cañigo tamũo jũgoyupũ. ¹⁵Ñigo riabacu ti yepa macacũre capaarique jenii aájupũ. To bairi ti yepa macacu maca cũ yejeare cũ canu cote rotiyupũ. ¹⁶To bairi na coteipũ caroorije yejea na caũgarijerena caugaganucũpũ, seeto ñigo riabacu. Camaja noa aperã cũ caũgarique nuquẽjuparã. ¹⁷To bairi rooro baibacu cũ yeripũ ocõo bairo cañ tũgoonãñupũ: “Capãarã yũ pacũ mũmũ na ugarique petiqueto. Yũ maca ñopre ïi atopũ yũ ñigo riacuti yua?” cañ tũgoonãñupũ. ¹⁸“Yũ pacũ tũpũ catunu aãpaũ yũ ãcu. Tunu ejaũ ocõo bairo cũ yũ ïgu: ‘Caacu, rooro mũ yũ caoca apipajeequẽrũ. Dio quenare to bairona rooro cũ yũ caoca apipajeequẽrũ. ¹⁹Mũ macure bairo yũ cũgoqueticõaña yucũra yua. Jĩcaũ mũ mũmũ mure capaabajari majocure bairo yũ cũgoya,’ yũ pacure cũ yũ ïgu,” cañ tũgoonãñupũ.

²⁰“To bairo ï tũgoonãri cũ pacũ tũpũ catunucõajupũ yua. Topũ cũ catunu aãto jõpũna cũ catũja atõ cũ pacũ maca cũ catũjujõyupũ. Topũna cũ tũjujori, cũ atu boca, cũ wamo ñe, cũ capabarioyupũ. ²¹To bairo cũ caboca tũjuo, “Caacu, rooro mũ yũ caoca apipajeequẽrũ. Dio quenare rooro cũ yũ caoca apipajeequẽrũ. To bairi, ‘Yũ macũ ãmi,’ yũ ïqueticõaña yucũra yua,” cũ cañũpũ cũ pacure. ²²To bairo cũ caĩrije to nibao joroquena cũ pacũ na cañũpũ cũ mũmũare: “Uwaro jutii caroare jeerãja cũ cãjãnapere. Wamo jãrica beto cũ cãjãpa beto, rupo jutii cũ cacũtape jeerãja,” na cañũpũ. ²³“Wecure cũ jĩarã aãja, caroaro caricũcũ mari canunucũcũre. Yũ macũ cũ catunu ejarijere boje rũmũ mari áato, yũ macũ cũ catunu ejarijere wariñuurã. ²⁴Ani yũ macure, ‘Bai yajiricũmi,’ yũ ï tũgoonãnucubarũ. Bai yajiquẽjupi. Catiyupi. Cããã yajiricure yũ macure cũ yũ tũju buga,” na cañ wariñuũñupũ cũ pacũ cũ mũmũare. To bairi boje rũmũ cáti wariñuũñuparã.

²⁵To bairo na cáti ani paɛ cɛ ʒugocɛ wejerɛ capaaricɛ tunu acú na cabajarijere caapi tunu ajupɛ. ²⁶Tiere apiri cɛ pacɛ umɛ jĩcaure cɛ capijoyupɛ. Cɛ piʒo, cɛ cajeniñañupɛ. “¿Dope bairo to baiti wiipure?” cɛ caĩ jeniñañupɛ. ²⁷To bairo cɛ caĩ jeniñaro, “Mɛ bai tirumupɛ cááateñau aátacɛ tunu ejami. To bairi, ‘Bai yajiquējupi yɛ macɛ ĩri boje rɛmɛ mari áato,’ ĩmi mɛ pacɛ, mɛ bai cɛ catunu ejaro tɛjuri. To bairi wecɛ caroaɛ caricɛcɛre mari canunucuecure jĩa rotimi, boje rɛmɛ átigu,” cɛ caĩñupɛ cɛ pacɛ umɛ. ²⁸To bairo cɛ caĩ buiorijere apii punijini, cajāagaquējupɛ. To bairo cɛ cabairo tɛjɛɛ cɛ pacɛ maca cɛ capii buti ajupɛ. ²⁹To bairi, “Caacɛ, yoaro majuu caroaro mure yɛ capaanemonucuwɛ. Yɛ mɛ carotirijere mɛ yɛ ĩ botioquetinucu. To bairo mɛ yɛ cabairije to nibao joroquena jĩcaɛ nuricɛ ũcɛacāre yɛ mɛ jooquetinucu, yɛ mena macana mena boje rɛmɛ yɛ cáti ugabopare. ³⁰Ani mɛ macɛ macare aperopɛ mɛ ye niyerure cáti bate rei aátacɛ cɛ catunu ejaro tɛjɛɛ wecɛ caroaɛ caricɛcɛre na mɛ jĩa roti, cɛre boje rɛmɛ yɛ áti wariñuugɛ ĩi. To bairi caroaro cɛ mɛ átiboa mɛ niyeru cɛ mɛ cajoobatajere caroarā romiri mena cáti recóaricɛ cɛ nibao joroquena,” cɛ caĩñupɛ. ³¹To bairo cɛ caĩro, “Macɛ, yɛ mena ato mɛ aninucu mɛa. Atie yɛ cacɛgorije mɛ ye jeto āno bai. ³²Ani mɛ bai cááateñau aátacɛ, ‘Bai yajicoatacumi,’ yɛ caĩ tɛgooñanucubarɛ. Catiyupi. Tunu ejami. Cááa yajiricure mɛ baire cɛ mari tɛjɛ bɛga moquena. To bairi cɛre wariñuurā boje rɛmɛ cátipe ā,” cɛ caĩñupɛ cɛ pacɛ, na caĩ buioyupɛ Jesu camajare.

El ejemplo del mayordomo que abusó de confianza

16 ¹Ape wame queti buio majiorica wame na caĩ buioyupɛ Jesu cɛ cabuerāre:

—Jĩcaɛ caapeye unie paii cɛ yere carotibojari majocɛ cacɛgooyupɛ. Aperā maca, “Mɛ yere ati rei áami mure carotibojari majocɛ,” cɛ caĩ wadajañupará cɛ ɛpare. ²To bairo na caĩro apii cɛ yere rotibojari majocure cɛ pijori ocóo bairo cɛ caĩñupɛ: “Aperā mɛ cáti rerijere yɛ buioma. To bairi mɛ cátajere cōoñari yɛ uca tu jooya. To cōona yɛ yere mɛ rotibojquetigu yua.” ³To bairo cɛ caĩro cɛ rotibojari majocɛ caĩ tɛgooñañupɛ: “Abɛ. ¿Dope bairo yɛ baiati? Yɛ ɛpaɛ yɛ buumi. Ape wame paarique caotepa yeparire teyearique uno yɛ áti ocabutiquécɛ. Boboro aperāre niyeru yɛ jeni rui teñagaqueticɛpɛ. ⁴Baiyupa ocóo bairo yɛ átigu yɛ ɛpaɛ yɛre cɛ cabuuro bero, aperā na tɛpɛ yɛre na ani rotiato ĩi, yɛre na átinemoato ĩi.” ⁵To bairi cɛ ɛpare cawapamorāre na cāno cōo na capi peticōañupɛ. Na pi, ocóo bairo cɛ caĩñupɛ cāni ʒugoncɛ: “¿Noo cōo majuu yɛ ɛpare mɛ wapamoti mɛa?” cɛ caĩ jeniñañupɛ. ⁶To bairo cɛ caĩ jeniñaro: “Capee ɛgarique ajurique ɛje raperi cien majuu yɛ wapamo,” cɛ caĩñupɛ. To bairo cɛ caĩro: “Ruiya uwaro. Atie mɛ cawapamorije catujari pũuropɛ cincuenta raperi jeto uca tuya,” cɛ caĩñupɛ rotibojari majocɛ. ⁷To bairo cɛ ĩ, apei macare moquena, “¿Noo cōo majuu mɛ wapamoti, mɛ quena?” cɛ caĩ jeniñañupɛ. “Capee, cien pori majuu capan quenoopere trigore pan cátipere yɛ wapamo yua,” cɛ caĩñupɛ. To bairo cɛ caĩro: “Atie mɛ cawapamorije cāni pũuropare rugaro maca, ochenta pori jeto uca tuya,” cɛ caĩñupɛ. ⁸Cɛre cɛ yere carotibojaricure cɛ caĩtorijere cɛ camajicōañupɛ cɛ ɛpaɛ. Majiri, “Cáti majii majuu añupi,” caĩñupɛ cɛ ɛpaɛ. Ti wamere buio yaparo ocóo bairo na caĩnemoñupɛ Jesu:

—Ati yepa macana Diore caapipajeequēna seeto áti majima na cátiere. Diore caapipajeerā na cáti na cáti majiro netoro áti majima. ⁹To

bairi m̄ja maca apeye uniere c̄gorā tie mena aperāre na átinemoña. Cabopacarāre m̄ja yere na jooya, m̄ja mena na cawariñuuparore bairo írā. To bairo ána ñm̄recoop̄re caroa ānajere m̄ja bugagarā.

¹⁰Jīcañ ðcoacārena caroaro cacote majii paio majuu quenare caroaro cote majiḡumi. Ócoacārena cacote majiquēc̄u maca paio quenare cote majiquetiboūmi. ¹¹To bairi ati yepa macaje apeye unieacā mena caroaro m̄ja cátiq̄epata m̄ja jooquetiḡumi Dio c̄u tu macajere caroa paio cawapa cutiere. ¹²Aperā na yere caroaro na m̄ja cacotebojaquēpata m̄ja ye m̄ja cacogope macare m̄ja jooquetiborāma.

¹³Jīcañ paabojari majoc̄u p̄garā ũparā cuti majiquēc̄umi. To bairo c̄u cāmata jīcañre maiquetiboūmi, apei macare maii. Jīcañ c̄u carotirijere átiboūmi, apei c̄u carotirije macare átiquēc̄una. To bairona Diore áti ñuc̄ub̄gorā apeye unie macare maiquēja. Apeye uniere m̄ja camaiata Diore m̄ja áti ñuc̄ub̄go majiquetiborā, na cañ̄up̄u Jesu.

¹⁴Fariseo maja to bairo c̄u cañ̄ijere apirā c̄u cañ̄ epeyuparā Jesure, apeye uniere, niyerure camairā aniri. ¹⁵To bairo na cañ̄o oc̄o bairo na cañ̄up̄u Jesu fariseo majare:

—Camaja, “Cañ̄uurā āma,” jāre na ī t̄juato írā cátiro pairā m̄ja ā. Dio maca caroorije m̄ja cátiere m̄ja yerip̄ure caroaro t̄ju majimi. Camaja, “Caroarā majuu āma,” m̄ja na cañ̄ t̄jurije to nibao joroquena m̄ja t̄jooqueti majuc̄oami Dio, m̄ja yerip̄ure caroaro cat̄ju majii aniri.

La ley y el reino de Dios

¹⁶Ñemoop̄re Dio yere Moisé c̄u carotiriquere, aperā Dio ye quetire buiori maja na cabuiorijere camaja na cáti ñuc̄ub̄gorije cañ̄upa. Tie jetore na cáti ñuc̄ub̄gobataje Juan bautisari majoc̄u c̄u cabuiari pauna cāni ejooyupa yua. Ti pauna cawama queti maca cāni j̄gooyupa. Tie queti jetore api ñuc̄ub̄gori ũpañ̄ Dio c̄u cānop̄u eja majima camaja. To bairi tie quetire ȳu cabuioro camaja seeto apigama.

¹⁷Áti ñm̄recoo, ati yepa yoaro anigaro. To bairona Dio c̄u carotirique maca jīca wame uno petiquetigaro, na cañ̄ buioyup̄u Jesu.

Jesús enseña sobre el divorcio

(Mt. 19.1-12; Mr. 10.1-12)

¹⁸Jīcañ c̄u ñm̄ore rocari, apeo macare ñm̄oc̄uc̄u rooro ácu áami. Apei quena apeí c̄u carocaricore c̄u can̄mo c̄upata rooro ácu áami c̄u quena.

El hombre rico y Lázaro

¹⁹Oc̄o bairo na cañ̄ buioyup̄u Jesu moquena:

—Cañ̄up̄u jīcañ caapeye unie paii. Caroa jutii cawapa pacarije jetore c̄ajañ̄anuc̄uñ̄up̄u. To cānacā r̄m̄u paio ũgarique caroa jetore cauga wariñ̄uunuc̄uñ̄up̄u. ²⁰C̄u ya wii jope t̄re jīcañ cabopacañ̄ yepap̄re cacuñ̄a cotenuc̄uñ̄up̄u, Lásaro cawamesc̄u. Rupaña cacamic̄uc̄u cañ̄up̄u. ²¹Jope tuacāp̄u cote cuñ̄añ̄, caapeye unie paii c̄u cauga rerijere seeto caugaganuc̄uñ̄up̄u. To bairo c̄u cabairo yaia c̄u camiire c̄u caweronuc̄uñ̄uparā. ²²Cabero cabai yajiyup̄u yua. C̄u cabai yajiro bero c̄u yerire Dio tu macana j̄o buip̄u Abraham ānac̄u c̄u cānop̄u c̄u cane aájuparā. Cabero caapeye unie paii quena cabai yajiyup̄u. C̄u

cabai yaji aáto bero camaja cū cayaa rocaɣuparā yua. ²³To bairi cabai yajiricarā ya paɣpɣ seeto capopiye tamuoñupɣ cū maca. Popiye tamuo, tujɣ mɣgobacu Abrahāre cū catujuyupɣ jōpɣ cācɣre. Lásaro quenare cū catujuyupɣ Abraham mena cū cāno. ²⁴Na tujɣm ocōo bairo caī awajayupɣ: “Ñicu Abraham, yɣ bopaca tujɣya. Seeto popiye tamuoñ yɣ átícupɣ ati peropɣ. Lásarore yɣ tɣpɣ cū aá rotiya. Oco petocā cū waa aparo yɣ caetipere.” ²⁵To bairo cū caïro ocōo bairo cū caboca ĩ yuyupɣ Abraham maca: “Tɣgooñaña mɣa. Mɣ cāna yerapɣre ācɣ caroare mɣ cacɣgonucuwɣ wariñuurique mena. Lásaro maca topɣre ācɣ seeto catamowī. Yucɣra caroa wariñuurique mena ācɣ baimi. Mɣ maca popiye tamuoñ mɣ bai yua,” cū caññupɣ Abraham. ²⁶“To bairo quenare pairi ope ā mari recomacɣre. To bairi jā tɣpɣ cāna mɣ tɣpɣre aá majiquēema. To bairona topɣ mɣ tɣpɣ cāna quena jā tɣpɣre eja atí majiquēema,” cū caññupɣ Abraham. ²⁷⁻²⁸To bairo cū caïro: “Ñicu, yɣ bairā jīca wamo cānacāu cāma. Lásarore cū buio roti jooya yɣ pacɣ ya wiipɣ. Na quena yɣre bairona ati paɣ tamuorica paɣpɣre ejaema,” cū caññupɣ caapeye unie paii cānibatacɣ Abrahāre. ²⁹To bairo cū caïro: “Moisé ānacɣ cū caucariquere, Dio ye quetire cabuoricarā ānana na caucarique quenare mere tiere cɣgoma. Mɣ yarā tiere na bue nɣcɣbɣgoato,” cū caññupɣ Abraham. ³⁰To bairo Abraham cūre cū caïro: “Baiquēe, ñicu Abraham. Jīcaɣ cabai yajiricupɣ tunu catiri na cū cabuoro na catɣooñarije wajoari caroorije na cātajere janaborāma,” cū caññupɣ tamuorica paɣpɣ cācɣ. ³¹To bairo cū caïro: “Moisé, aperā Dio ye quetire buiori maja ānana na caucariquere caapipajeequēna aniri to bairo na cabaiata quena apipajeequetiborāma. To bairona cabai yajiricɣ tunu catícōari na cū cabuioñ eja aápata quenare apipajeequetiborāma,” cū caññupɣ Abraham, caññ buioyupɣ Jesu yua.

El peligro de caer en pecado

(Mt. 18.6-7, 21-22; Mr. 9.42)

17 ¹Ocōo bairo caññupɣ Jesu cū cabuerāre: —Camajare caroorijere cāti rotirā anigarāma. To bairi caroorijere aperāre cāti rotii ũcɣ paio majuu popiye tamuogumi, to bairo caroorijere cū cāti rotirije bui. ²To bairi aperāre caroorije nare cū átí rotiqueticōato ĩrā ũta capairica mena cū wamuapɣre jia yo, capairi yapɣ cūre roca ñua rocacōaata ñuuboro. To bairo átatoi yɣre caapi nɣcɣbugorāre caroorijere na ĩ ocajāquetiboumɣ. ³Atiere caroaro tɣgooñaña. Mɣja yau caroorije mɣjaare cū cápata, “Átiquēja, caroorije ā tie,” cū ñña. To bairo cū mɣja caïro apiri caroorije mɣjaare cū cātiere cū cajutiritiata cū majiritioya. ⁴Jīca rumɣre siete cānacā ni caroorijere mɣjaare cū cápata to cānacā nina moquena jutiritirique mena, “Yɣ majiritioya,” mɣja cū caññupɣ Jesu.

El poder de la fe

⁵Jesu cū cabuerā ocōo bairo cū caññuparā:

—Upaɣ, Diore jā catuogoña majicōa anipere jā joonemoña, cū caññuparā.

⁶To bairo cū na caïro:

—Jīacāna Diore mɣja catuogoña ocabutirije to nibao joroquena atiiere sicómoro cawame cūtiere mɣja cáaa rotiata, to majuuna wɣgue, jō maca ria recomacɣpɣ tujɣnucuro aáboro.

El deber del que sirve

⁷Paabojari majocu mɔja cacɔgoata cu mɔja carotirijere tɔgooñaña. Caotepa yepare mɔja yejeaboja, ovejare mɔja coteboja, cu paariquere peo, cu catunu ejaropu nemoona mɔja jugoye cu mɔja uga rotiquena. ⁸Ocõo bairo maca cu mɔja rotirã: “Jã caugapere jã átibojaya. Jã cauga yaparoro bero mu ugagu mua,” cu mɔja irã. ⁹Cu mɔja carotirijere cu cáto tujuu, “Caroa majuu mu ájupa,” cu mɔja iquena. “Cu ye riapena paɔ ácumí,” cu mɔja i tɔgooñacõarã. ¹⁰Mɔja quena, “Dio, ‘Caroaro yu mu átibojayu,’ yure cu iato,” i tɔgooñaqueticõaña. Dio cu cáti rotirijere áti yaparorã ocõo bairo cu ñña mɔjaa: “Mu paabojari maja jã ã, cawatoa cãna jã ã. Jã ye riapere, ‘Ocõo bairo cátiye ã,’ mu caí rotirique jetore jã ápá. To bairi aperãre átinemorique me ámu,” caipe ã, cañupu Jesu.

Jesús sana a diez leprosos

¹¹Cabero Jesu Jerusalẽpu aácu Galilea yeparu cãnacu, neto aácuna, Samaria yeparu caejayupu. ¹²Topu aácu jica macapu caejayupu. Ti macapu cu caejaro puga wamo cãnacãu caajeri boarã cu cabocayuparã. Tie capenirije cãno maca cu tuacãpu ejaquẽnana yoaropuna cu caí piyuparã:

¹³—iJesu, camajare cabuei! iJã bopaca tujuya! cu caí piyuparã.

¹⁴Jesu na tujuu ocõo bairo na cañupu:

—Aánaja sacerdote maja tɔpu. Na iñoorãja mɔja cabairijere, na cañupu. To bairo na cu caíro apirã cáaájuparã. Ma na cáatorpna na caboabataje cayaticoajupe. ¹⁵Jicau na caboarije cayatiro tujuu jicãna caamejorecõa tunu aájupu Jesu tɔpu.

—iSeeto ñuu majucõa! Diore caí wariñuuñupu baujarije.

¹⁶Jesu tɔpu eja, ɔropatuapu tuatu mubia cumuri cu cañupu Jesure:

—Caroaro majuu yure mu átibojayupa.

To bairo caí Samaria yepa macacu cañupu cãa. ¹⁷Jesu maca cu jetore cu tujuri ocõo bairo cañupu:

—Puga wamo cãnacãre na yu catiowu. ¿Aperã maca noo na aáti? ¹⁸Ani jicãna judío majocu aniquetibaopncuna Diore, “Ñuu majucõa,” cu ñi acú tunu ajupi, cañupu Jesu.

¹⁹To bairo ñi Samaria macacu caajeri boabatacure cu cañupu:

—Wamunsaña. Mu ya rapu tunu aácija. Yu mu apirajee nucubugowu, cu cañupu Jesu.

Cómo llegará el reino de Dios

(Mt. 24.23-28, 36-41)

²⁰Fariseo maja Jesure ocõo bairo cu caí jeniñañuparã:

—¿Noo cõopu Dio ati yeparure camaja tɔpurre cãni majure cu jouti Upaure?

To bairo cu na caíro:

—Baujarije tujuriquena aniquetigaro. ²¹To bairi ape wame saacɔori wamere tujurã, “Atopu roti jugoumi,” o “Jõpu maca roti jugoumi Upau Dio cu cajou,” i majiquetigarãma camaja. Upau Dio cu cajou mɔja tɔpu anitugami, na caí buioyupu Jesu fariseo majare. Mere unna yu ã ñi to bairo na caibajupu Jesu.

²²Cabero Jesu cu cabuerãre ocõo bairo na cañupu:

—Cabero ape rumu cāno, “Cu catunu atípere jā boobapa,” yure muja ígarā. To bairo muja cañrije to nibao joroquena yu bauquetigu. Yure muja tujquetigarā. ²³Aperā, “Mere ejatugami. Atoru āmi,” muja ígarāma. Aperā, “Jōru āmi,” muja ígarāma. To bairo na cañro na tujū ũja aáqueticōaña. ²⁴Buro cu cayaberije muiru cu cawamu ató maca yabe roca jooro muiru cu caroca jāari joperu cayabe roca turore bairona yu catunu ató baugaro. ²⁵To bairo yu cabaiparo jugoye seeto yu popiye tamuogu. Ati yutea macana, “Dio cu cajooricu me āmi,” yu íbana yu popiye tamuo joroque yure átigarāma. ²⁶Noé cu cāna yuteapure na cáti ānatore bairona áticōa anigarāma yu catunu ejari paupu quenare. ²⁷Ocōo bairo cáticōañupa Noé cumua capairicaru cu cajāaparo jugoye, oco paio caocaparo jugoye: Ti yutea macana ũga, eti cumu, numocuti, cāromia manapucuti, to bairona cáticōa aninucunuparā na carua petiparo jugoye. Ti yutea macana na cáttore bairona camaja áticōa anigarāma, yu catunu ejari paupu quenare. ²⁸⁻³⁰Lote cawamecucu ānacu cu cāni yutea quenare Sodoma cawamecucu maca cu caruti butiro bero nemoo pero cañrije oco caocatore bairo care peayupe umurecoo macaje. To bairo baibato na cáti jīa re peticōañupe Sodoma macanare. To bairije na to cáti jīa reparo jugoye ocōo bairo cabai añuparā ti maca macana quena: ũga, eti cumu, apeyere wapaye cugo, nuni wapatanucu, ote, wiiriye, cáticōa aninucunuparā. To bairona átigarāma camaja Lote cu cāni yutea macana na cáttore bairona, yu catunu ejari paupu quenare. To bairo na cáticōanona yu atícu.

³¹Yu caejari paupu cānore jīcaarā na ya wiiri tubuja capaa āna na ya wiiripure na tunu jāaqueticōato. Na yere na jeeyora aáqueticōato. Aperā quena wejeripu capaa āna na ya wiiripure na tunu aáqueticōato. ³²Lote numo co cabairiquere tūgoaña. Co ya maca, Sodoma cañro co apeyere maibaco seeto catūgoñarique paipupo. To bairi Dio co carocayupu Lote numore, apeye uniere seeto co catūgoña mai pairije bui. To bairi cōre bairo baiqueticōaña. Apeye uniere tūgoaña mai tunuqueticōaña. ³³Noa na majuuna na caboorijere cáticōa āna maca yajigarāma. Aperā maca na majuuna na caboorijere átiquēnana Dio cu caboorije macare cāna caroa na cānicōa anipere bugagarāma, cañ buioyupu yua.

³⁴Na cañ buionemoñupu Jesu moquena:

—Yu catunu atí paupu nāmi cāno caumua pugarā jīca aruarena canigarāma. To bairo na cabairi paupa ejañ, jīcaure cu yu ne aágu. Apei maca tuagumi, yure caapipajeequēcu aniri. ³⁵Umureco cāno yu caejaata cāromia pugarā ũgarique cawāia tujnucurā anigarāma. Jīcaore co yu ne aágu. Apeo tuagomo, yure caapipajeequēco aniri. ³⁶Caumua pugarā wejeru paa anigarāma. Jīcaure cu yu ne aágu. Apei tuagumi, yure caapipajeequēcu aniri.

³⁷To bairo cu cañro:

—¿Atie nooru to bairije to bairoati? cu cañ jeniñañuparā cu cabuerā.

To bairo cu na cañ jeniñaro:

—Yuca na cawu amejorero tujurā, “Caboau ācumi,” muja í maji. To bairona yu catunu atópu caroaro muja majigarā. “Mere caroorā, Jesure caapipajeequēnare na cu capopiyeyeri paupu ejatuga,” muja í majigarā, na cañ buioyupu Jesu.

El ejemplo de la viuda y el juez

18 ¹Ocōo bairo cañupu Jesu cu cabuerāre:

—Diore cu jeninucuña, “Apiquēcumi,” í tūgoñaquēnana. To bairo na í, ocōo bairo queti buio majiorica wame na cañ buioyupu:

²—Jica macare ɸpaɸ jues cañupɸ, caroorije cànare capopiyeye rotii. Diore canɸcubɸgoquécɸ cañupɸ. Camaja dope bairo na caboori wamere nare cátnemogaquécɸ cañupɸ. ³Cɸ ya macapɸre jicaɸ sawapɸarico nairoacá ocɸo bairo cɸ cañ jeniɸ ejanucucuñupɸ: “Yɸ átnemoña. Yɸre catɸju tutii ñuuquétɸ yɸre átnucumi,” cɸ cañnucubajupɸ. ⁴Nemoona co cátnemogaquéjupɸ. Nairoacá to cànacá nina cɸre co cañ jeniɸro ocɸo bairo cañ tɸgooñañupɸ: “Diore cáti nɸcubɸgoquécɸ yɸ ã yɸa. Camaja quenare na caboori wamere yɸ tɸgooñaquée. ⁵To bairo canɸcubɸgoquécɸ yɸ anibao joroquena atio sawapɸarico nairoacá yɸ jeni patawácoomo. To bairi co yɸ átnemogu. Cɸre yɸ cátnemoguépata yɸ quepeboɸ nairoacá co cajeniɸ ejanucuro,” cañ tɸgooñañupɸ.

⁶Ti wamere na ï buio yaparo ocɸo bairo na cañ buioyupɸ Jesu cɸ cabueräre:

—To bairona cájupɸ jues cañuuquécɸ. Co caapɸquéjupɸ nairoacá co cajenirije to nibao joroquena. ⁷Dio maca cɸ yarã cɸ cabejerã nairoacá cɸ na cajeniɸro na átibojagumi. Yoaro mee na átibojagumi Dio maca. ⁸Cɸ na cajeniɸro nemoo na átibojagumi. To bairi yɸa ati yɸapɸ tunu acéɸɸ ɸcaroaro yɸre caapɸajee nɸcubɸgo jeniräre na yɸ bugauati? na cañupɸ Jesu.

El ejemplo del fariseo y el cobrador de impuestos

⁹Jicaarã to macana ocɸo bairo cañ tɸgooñañuparã: “Cañuurã majuu jã ã. Aperã maca caroorã ãma.” To bairo cañ tɸgooñaräre atiere queti buio majiorica wamere na cañ buioyupɸ Jesu:

¹⁰—Caumua pɸgarã Dio wiipɸ jenira aána cáajuparã. Jicaɸ fariseo majocu cañupɸ. Apei gobiernore camaja yere niyeru jeebojari majocu cañupɸ. ¹¹Fariseo majocu maca Dio wiipɸre jãa, ejanuca, ocɸo bairo cañupɸ, Diore jenigabacu: “Dio, aperäre bairo yɸ aniquée. Cajee ruti pairã, cátitɸ pairã, cáti epericarã cunare bairo yɸ aniquée. Jï gobiernore camaja yere niyeru jeebojari majocu, cɸre bairo yɸ aniquée. To bairi mɸre yɸ ï wariñuu. ¹²To cànacá semana pɸgani ɸgaquécɸna mɸre yɸ jeni nɸcubɸgonucu. Yɸ capaarije wapa puga wamo cɸo cànacá tiiri niyeru tiirire wapataɸ, jica tiire mu yɸ joonucu,” Diore cañbajupɸ. ¹³Apei gobiernore camaja yere niyeru jeebojari majocu maca jɸrɸna macapɸ tuacɸari catɸju mɸgogaquéjupɸ, caroorije cɸ cátajere bobobacu. “Seeto caroorije paii yɸ ã,” ï jutiriti netocɸari ocɸo bairo Diore cɸ cañ jeniñupɸ: “Dio, carooɸ majuu yɸ ã. Yɸre bopaca tɸjɸya,” cañ jeniñupɸ Diore, na cañupɸ Jesu. ¹⁴—Cariape mññja ï buio: Cɸ cañuuquetacu maca mere caroorije cɸ cátajere majiritioricɸɸ cɸ ya wiipɸ catunucoajupɸ. Apei fariseo majocu maca caroorije cɸ cátajere camajiritioya mácuna catunucoajupɸ. To bairi jicaɸ, “Aperã netoro cañuu yɸ ã,” cañ tɸgooñau ùcɸ sawatoa cáccɸ cɸ anio joroque cɸ cɸgumi Dio. Apei maca, “Cawatoa cáccɸ yɸ ã,” cañ ùcɸ macare aperã netoro cáccɸre cɸ cɸgumi Dio, na cañupɸ Jesu.

Jesús bendice a los niños

(Mt. 19.13-15; Mr. 10.13-16)

¹⁵Aperã na punaare cajee ajuparã Jesu tɸpɸ, Jesu nare cɸ ñiga peoato já punaare írã. To bairo nare na cáto tɸjɸrã Jesu cɸ cabuerã maca nare matagabana:

—Cawimarāre na jee atíqueticōaña, Jesure cū patawācoorema, na caññuparā.

¹⁶To bairo na cañ matarijere apii Jesu maca cawimarāre na pijori ocōo bairo na caññupū cū cabuerāre:

—Cawimarā yū tūpū na aparo. Na mataqueticōaña. Ūpau Dio cū cānopū cāáaparā āma ati maja cawimarāre bairona caroaro yūre catūgoonārā.

¹⁷Cariape muñña i. Ati maja cawimarā yūre na caboorore bairo cabaiquēna maca Ūpau Dio cū cānopū aáquetigarāma, na caññupū Jesu yua.

Un joven rico habla con Jesús

(Mt. 19.16-30; Mr. 10.17-31)

¹⁸Jīcau judío majare carotii Jesure cū cajeniñañupū:

—Jesu, caroaro camajare cabuei mu ā. Caññu mu ā. To bairi yūre buioya. ¿Nee uniere yū ácuati cacaticōa anipere bugagu?

¹⁹To bairo cū caïro:

—¿Nope ñi caññu yū mu ñti? Dio jīcañna caññu āmi. ²⁰Dio cū caroti cūriquere mu majii: “Áti eperico cutiqueticōaña. Camajare jīaquēja. Aperā na yere emaqueticōaña. Itoqueticōaña. Mu pacu, mu pacore na nācūbugoya,” cū caññupū Jesu.

²¹To bairo cū caïro:

—Tie Dio cū carotiriquere mere cawimañacā ācūpū tie nipetiro yū cáti bñtiwū, Jesure cū caññupū.

²²To bairo cū caïro:

—Jīca wame mu rñja. Mu cacūgorijere nuni wapa jee peticōaña. Tie mu cawapa jeerijere cabopacarāre na ricawo nuni peocōaña. To bairo ácu umūrecoopure paio caññu netorijere mu cūgogu. To bairo áti yaparo to cōona yū mena ajá, cū caññupū Jesu.

²³To bairo Jesu cū caññijere apii seeto catūgoonarique paiyupū, caapeye unie paii aniri. ²⁴To bairo cū cabairo tññu ocōo bairo caññupū Jesu:

—Caapeye unie pairāre majiriobuja Dio tūpū eja aágabapata. ²⁵Cameyo na cañi waibucū capaii apopota yita wē pñorica opeacāre cū caame butigaata majiriobuja. To bairona majiriobuja, caapeye unie pairā Dio tūpū na cāáagabatie.

²⁶To bairo cū caïro:

—Baiyupa to bairo cariape mu cañata noa majuu Dio tūpū eja majiquēnama, cū caññuparā cūre caapirā maca.

²⁷To bairo na caïro:

—Camaja na cáti majiquētiere cáti majii āmi Dio. Cū jeto na netoo majimi.

²⁸Ocōo bairo cū caññupū Pedro:

—Ūpau, jā cacūgorijere jā wiirire nipetiro jā cāáaweocōawū, mu mena macana anigarā.

²⁹⁻³⁰To bairo cū caïro:

—Cariape mujaare yū i. Jīcau ūcu cū ya wii, cū pacua, cū bairā, cū nūmo, cū punaa nare cū cāáaweocoapata Dio cū caboorije macare átiñu, capee caroa cū cacūgo jūgorique netoro buganemogūmi ati yepapure. Bai yajiri bero cū cacaticōa anipe quenare bugagūmi, na caññupū Jesu yua.

Nuevamente Jesús anuncia su muerte

(Mt. 20.17-19; Mr. 10.32-34)

³¹ Jesu cū cabuerã mena jeto doce cānacãure aperobujaacã na pi aá, ocõo bairo na caĩ buioyupũ:

—Caroaro apiya. Yucucã Jerusalēpũ mari aágarã. Topũ yũ caejaro rooro yũre átigarãma. Tirumupũ macana Dio ye quetire buiori maja nipetiro yũre na caĩ ucariquere bairona yũre baigaro. ³²⁻³³ Topũ yũ caejaro apero macana mena yũre ĩ epe, yũ roo epe, yũre ucoo eo re tuti, yũre átigarãma. To bairo áticõari judío maja cāniquēnare yũ joogarãma, cū bapeya, cū jĩaña na ĩrã. Yũ na cajĩaro bero itia rũmũ bero yũ tunu catĩcõagũ, na caĩñupũ Jesu cū cabuerãre.

³⁴ Cū cabuerã to bairo cū caĩrijere caapi majiquējuparã. “To bairo ĩi ĩmi,” caĩ majiquējuparã. Jesu to bairo cū caĩ buiorije caapi majiña manie cãñupa.

Jesús sana a un ciego de Jericó

(Mt. 20.29-34; Mr. 10.46-52)

³⁵ Jesu Jericó na caĩri macapũ cū cãaáto ma ture caruiyupũ catũjuquēcũ. Caniyeru jeni ruincuñupũ. ³⁶ Camaja capãarã na canetorijere apii:

—¿Dope bairo to baiti? caĩ jeniñañupũ.

³⁷ To bairo cū caĩ jeniñaro:

—Jesu Nasaré macacũ neto aácũ áami, cū caĩñuparã.

³⁸ To bairo na caĩro apii caawajajoyupũ:

—¡Jesu! ¡Ûpau ãnacũ David pãrami, Dio cū cajooricũ mũ ã. To bairi yũre bopaca tũjuya! caĩ pi awajayupũ.

³⁹ To bairo cū caĩ awajarijere apirã:

—¡Awajaqueticõaña! ¡Janaacuja! cū caĩ tutiyuparã Jesu jũgoye cãaána maca.

To bairo na caĩ tutirije to nibao joroquena seeto caĩ awajanemoñupũ moquena:

—¡Ûpau David ãnacũ pãrami, yũre bopaca tũjuya!

⁴⁰ To bairo cū caĩ awajarijere apii Jesu catua nucañupũ. Tuanuca átiri cũre capi awajaure aperãre cū tũpũ na catũga atĩ rotiyupũ Jesu. Cū tũpũ cū na cane ejaro:

⁴¹ —¿Ñe uniere mũ yũ cátibojapere mũ booti? cū caĩ jeniñañupũ Jesu.

To bairo cū caĩ jeniñaro:

—Ûpau, yũ cape catũju buga majipere yũ boo, Jesure cū caĩñupũ.

⁴² To bairo cū caĩro:

—“Yũre tũju majio joroque áti majiimi,” yũre mũ ĩ tũgooña nucũbugoyupa. To bairi catũju bugau mũ anicõagũ, cū caĩñupũ Jesu.

⁴³ To bairo Jesu cū caĩri pauna catũju buga majicõañupũ yua. To cõona Diore, “Ñuu majuuçõa,” ĩri, Jesure cū caũjacoajupũ catũjuquetibatacũ. To bairo cū cáto catũjurã maca nipetiro seeto:

—Caroaro majuu áami Dio, cū caĩ wariĩuu nucũbugoyuparã Diore yua.

Jesús y Zaqueo

19 ¹ Jesu Jericó na caĩri macapũ eja, neto aácũ cájupũ. ² Ti macapũre cãñupũ Saqueo cawamescũ. Cũ a gobiernore camaja yere niyeru jeebojari maja upau cãñupũ. To bairi caapeye unie paii cãñupũ. ³ Jesu cū cáatĩere apii seeto cū catũjugabajupũ. Camaja capãarã na cãni mataro

dope bairo cū cáti tujū majiquējurū, ɯmɯaquetibacu. ⁴To bairi Jesu cū caneto aápa wápu cū jugoye atu aá, yucurū cawamū pea aájurū, Jesure cū tujūgū. ⁵Topū cū capejaro caejayurū Jesu cū capejari paɯ ēoro majuu. Eja, Saqueore cū catujū mugoñurū. Cū tujū mugo:

—Saqueo, uwaro rui ajá. Yucū mū ya wiipū yū anigū, cū caññurū Jesu.

⁶To bairo cū caïro apii Saqueo uwaro wariñuurique mena Jesure cū cabocau rui ajurū. Rui atí, Saqueo cū ya wiipū cū cajugo aájurū Jesure. ⁷To bairi Saqueo tūpū Jesu cū cáaáto tujuri ocōo bairo caame iñuparā camaja aperā:

—¿Nope ñi caroorije cáti paii tūpūre cū anigati? cū cañ wada paiyuparā Jesure.

⁸Saqueo maca wamɯnɯcari ocōo bairo mari Ƴpaɯ Jesure cū caññurū:

—Ƴpaɯ, yū cacugorije apeye uniere cabopacarāre na yū ricawo nunigu carecomacai. Aperā yere na ñtori yū majuuna yū cajeewū. To bairi ñtori na yū caemaricarō netobujaro na yū tunuogū. Jīca tii niyeru tiire na ñtori yū caemaricarō bero to cāmata bapari cānacā tii maca na yū tunuogū, Jesure cū caññurū Saqueo.

⁹To bairo cū caïro:

—Yucū ati wii macanare mūjaare netoo catiomí Dio caroorije mūja cátibatajere. Mū quena Abraham pāramerā mena macacɯna mū ā. ¹⁰To bairi cayajiricarāre bairo cāna Diore catugooñaquēnare na macaɯ acú yū cáarú ati yeparūre. Na maca buga, na yū netoo catiogū, caññurū Jesu.

El ejemplo de las diez monedas

¹¹“Camajare na netoo catioɯ acú yū cáarú,” Saqueore Jesu cū caññijere caapiyuparā to macana. To bairo na caapiro buio majiorica wame mena na cañ buionemoñurū Jesu. Jerusalén tuacāna ācū to bairo na caññurū. Na maca, “Nemoo ati yepare carotii jāagumi Jesu,” cañ tūgooñabajuparā. ¹²To bairi ati wame na cañ buio majioñurū Jesu:

—Jīcaɯ apeyere carotii aperorū cáaájurū, ɯpaɯ ānajere yūre na jōoato ñi. “Cabero na caɯpaɯ jōocōaricurū yū tunu atígu,” caññurū. ¹³Cū cáaáparo jugoye cū paabojari majare pūga wamo cōo cānacāure na capiyurū. Na piri, to cānacāɯpūrena niyeru tiiri paio cawapacutiēre jīca tiiri jeto na cajooyurū. Na joo, ocōo bairo na caññurū: “Yū camano atie niyeru wajoa wapaɯeya, paio niyeru to buato ñrā,” na caññurū. ¹⁴Cū ya maca macana majuu maca caɯpaɯ cū cānipere cabooquējuparā. To bairi cū cáaáto bero aperāre ocōo bairo na cañ jooyuparā: “Cūre jā ɯpaɯ cū cānipere jā booquēe.” ¹⁵To bairo cū na cañ joorije to nibao joroquena cū maca na caɯpaɯ jōocōaricurū catunu ejayurū cū ya macarūre. Tunu eja, cū yarā cū caniyeru jooricarāre na capijoyurū, niyeru miññija cajoorique mena ñnoo cōo mūja cawapata buori? na ñ majigu. ¹⁶Caeja jugoɯ ocōo bairo cū caññurū: “Ƴpaɯ, yū mū cajoera tii mena yū wapatanemowū pūga wamo cōo cānacā tiirire,” cū caññurū. ¹⁷To bairo cū caïro: “Caroaro mū ájupa. Caroaro paa cotebojari majocu mū āñupa. Ócoacā mū yū cajoorique menana caroaro mū ájupa. To bairi pūga wamo cōo cānacā macarire yūre carotibojapūre mū yū jōogū,” cū caññurū cū ɯpaɯ. ¹⁸Cū bero apei caejayurū moquena. “Yū ɯpaɯ, yū mū cajoera tii mena jīca wamo cōo cānacā tiirire yū wapatanemowū,” cū caññurū cū ɯpaɯre. ¹⁹To bairo cū caïro: “Jīca wamo cōo cānacā macarire yūre carotibojapūre mū yū jōogū mūre,” cū caññurū cū ɯpaɯ. ²⁰⁻²¹Cū bero apei caejayurū moquena. Eja, cū ɯpaɯre ocōo bairo jocɯna cū caññurū: “Ƴpaɯ, tutuaro carotii mū ā. Aperā na capaa wapatarijere cajei mū ā.

To bairi, ‘Yu capaa wapatarije to nibao joroquena yu wapa jooquetiboumi,’ yu caí tugoña uwiwu. To bairo mu cátinucurijere tugoñari mu niyeru tiire jutiuro ajero mena umari caroaro mu yu caquenoocú cotebojavu. Ë ju, mu niyeru tiire neña,” cu upau ce cañupú. ²²To bairo cu cañijere apii cu upau ocõo bairo cu cañupú: “Yu mu cañije jugori rooro mu cátajere yu majituga. Mu ñuuquējura mu. To bairi mu yu popiyeyegú. Jocuna, ‘Aperã yere na cawapatarijere cajei ãmi yu upau,’ yu mu í. ‘Yu cawapatabao joroquena yu wapa jooquetiboumi,’ mu í tugoñabacu. ²³To bairi yu niyeru tiire niyeru cūrica wiipú to macanare na mu caquenoocú rotope anibajupa, to ani bunemoato íi. To bairi topu mu cacūata cabero tunu ejaú paio cāniere cabunemorique menare niyeru tiire yu neboricu,” cu cañupú cu upau. ²⁴To bairo cu í, topu catujunucurãre ocõo bairo na cañupú: “Anire cu yu cajoobata tiire cu emaña. Cu emari, puğa wamo cõo cānacã tiiri cawapatanemoricu macare cu jooya,” na cañupú.

²⁵“To bairo na cu cairo: “Upau, mere paio puğa wamo cõo cānacã tii cūgomi,” cu cañuparã. ²⁶To bairo cu na cairo: “Caripe muñja í. Noa maca na cacugorije mena caroaro cānare netobujaro na yu joonemogu. Aperã maca na cacugorije mena caroaro cátiqũna aniri na cacugobatiere cáti renucurã maca cūgoquetigarãma. To bairi ani cu cacugorijeacã quenare cu emari cu jooya paio cawapataricu macare. ²⁷To bairi ati maja yure catuju teericarã upau yu cajãaro cabooquetanare na jee ajá. Na jee átiri na jīacõaña yu catujurona,” na cañupú caupau, na caí buioyupú Jesu.

Jesús entra en Jerusalén

(Mt. 21.1-11; Mr. 11.1-11; Jn. 12.12-19)

²⁸To bairi atie queti buio majiorica wame í buio yaparo Jesu cáaácoajupu, Jerusalēpu aácu. ²⁹Aá, puğa macari Betfagé, Betania cawamecuti macariacã tupu caejayupu. Ti macariacã Olivo ñ tau na cañicu putore cāñupe. Topu ejaú cu cabuerã puğarãre ocõo bairo na caí jooyupu:

³⁰—Aánaja jī macapu. Ti macapu ejarã cu muja buğagarã burro cawamaú, na cajia nucoricu, na capejañaquẽcure. Cu tupu buğa, cu popiori, yu tupu cūre muja neapá. ³¹Aperã, “¿Nope írã cu muja popiote?” muja na cañata, “Jã Upau cu boomi,” na ñña, na caí jooyupu Jesu.

³²To bairi cu cabuerã puğarã ti macapure cáaájuparã. Ti macapure eja, burrore cabuğa ejayuparã Jesu na cu caí jooricarore bairona. ³³Cu buğa eja, cu capopioyuparã. Cu na capopioro tujurã cu uparã na cañuparã:

—¿Nope írã cu muja popiote mujaa?

³⁴To bairo na na cairo:

—Jã Upau cu boomi, na cañuparã Jesu cu cabuerã maca.

³⁵Cu cane aájuparã Jesu tupu yua. Cu ne eja, na jutií cabui macajere cu bui peo átiri Jesure cu capeja rotiyuparã. ³⁶To bairi Jesu burro bui cu capeja aápa wãre na ye jutií cabui macaje mena cu cacú jugoye cñjuparã, seeto cu wariñuurã. ³⁷Olivo cawamecutii ñ tau tu cu catuja ro aátí pauna capãarã cūre caujarã cu nucubugorã wariñuurique mena caí awajayuparã. Nipetiro Jesu cu cáti iñooriquere na catujurique tugoñari Diore caí wariñuu awajayuparã. ³⁸Ocõo bairo caí awaja wariñuuñuparã:

—iCaroaro to baiato mari Upaure, Dio cu cajooricure! iWariñuurique to ani neto majuucõato umirecoopure! iCamaja nipetiro Diore na nucubugoato! cañuparã.

³⁹Na caawajarijere apirã jīcaarã fariseo maja topu cãna ocõo bairo Jesure cu cañuparã:

—Camajiou, mure caujarãre, “Í awajaqueticõaña,” na ñña.

⁴⁰To bairo na caïro:

—Ati maja na cajanaata atie ù taa rupaarena yure to caawaja wariñuupere rotiboumi Dio, na caññupũ Jesu fariseo majare.

⁴¹To bairi Jesu Jerusalén maca tu tũja acú tũjũjori, ti macare caoti tũjũyupũ. Ti macare oti tũjũ, ocõo bairo caññupũ:

⁴²—Yucũna Jerusalén macana caroa ani wariñuuriquere nare Dio cũ cajoogarije na camajiata ñuuboricaro. Na majuuna apipajeequẽjupa. To bairi ani wariñuu majiqueti majuucõagarãma naa. ⁴³To bairi ñuuquẽtie tamuoriquere na anigaro. Nare catũjũ tutirã na ejagarãma. Na eja átiri na jotoo amejoregarãma, na quẽgarã. ⁴⁴Na jotoo amejore, na caruti butibopere mata, caroaro na jãa baurio peo recõagarãma ati maca macanare. Dio cũ cajooricu na tũpũ yu cãno na cabooquẽtie wapa to bairona na baigaro tie, ati majare Jerusalén macanare, caññupũ Jesu.

Jesús purifica el templo

(Mt. 21.12-17; Mr. 11.15-19; Jn. 2.13-22)

⁴⁵To bairo í yaparo ti macapũ ejau Dio wiipũ cajãajupũ Jesu. Jãa, camaja topũ caame wapaye ãnare na catũjũyupũ. Nare to bairo na cáti aniere booquẽcũ na cabuuyupũ. ⁴⁶Na buũ ocõo bairo na caññupũ:

—Dio Wadarique ocõo bairo í: “Ati wii yu ya wii Diore jeni nũcũbugorica wii jeto ã.” Muja maca to bairo ána cajee ruti pairã ya paure bairona to anio joroque muja áa, na caññupũ Jesu.

⁴⁷Ti paũ Jerusalén ãcũpũ to cãnacã rumũ Dio wiipũ Dio ye quetire cabuionucũñupũ Jesu. To bairo cũ cabuiorijere apirã sacerdote maja uparã, judío majare cabuerã, aperã camajare cajũgo ãna maca cũ carocagabajuparã Jesure. ⁴⁸Camaja maca caroaro cũ cabuiorijere caapiganucũñuparã. To bairo dope bairo cũ cáti majiquẽjuparã, camaja mani punijiniborãma irã.

La autoridad de Jesús

(Mt. 21.23-27; Mr. 11.27-33)

20¹Jica rumũ Jesu Dio wiipũre camajare na buioũ camajare cũ canetoo catiorije quetire na cabuio ãñupũ. To bairo cũ cabuio ani paũna cũ tũpũ caejayuparã sacerdote maja uparã, judío majare cabuerã, aperã cabũcurã camajare cajũgo ána. Cũ tũpũ ejari, ocõo bairo cũ caññiñũñuparã:

²—¿Ñamũ atie mu cátiere, camajare mu cabuiorije mure cũ rotiti?

³To bairo cũ na caïro:

—Yu quena muñũja jeniñapa. ⁴¿Ñamũ Juãre cũ cũ cabautisa rotiyupari? ¿Diona cũ carotiyupari? O ¿camaja maca cũ na carotiyupari que? ¿Ñamũ maca cũ ãti cũ carotiricu? na caññiñũñupũ Jesu.

⁵To bairo na cũ caññiñaro na majuu ocõo bairo caame í wadapeniñuparã:

—¿Dope bairo cũ mari ícuti? “Diona cũ rotiricumí,” cũ mari cañata, “¿Nope irã Dio cũ carotiricu cũ nibao joroquena Juãre muja caapipajee nũcũbugoqueti?” mari íboumi Jesu. ⁶“Dio ye quetire cabuioũ cámi Juan,” cañã ãma camaja. To bairo na cañirena jocarãna, “Camajana cũ rotiricarãma Juãre,” cũ mari cañata quena camaja maca marire re

jīaborāma ũ ta rupaa mena, marire punijjinirā. ⁷To bairo ame ī wadapeni, ocōo bairo Jesure cū caboca ī yuyuparā:

—Ōoba. Namu cū rotiricūmi jā ī majiquēe, Jesure cū cañuparā. ⁸To bairo Jesure na cañro:

—Baiyupa yu quena, “Atiere cū cū carotiroi yu áa,” muñuja ī buioquēe, na cañrupu Jesu yua.

El ejemplo de los trabajadores malvados

(Mt. 21.33-44; Mr. 12.1-11)

⁹Cabero atie queti buio majiorica wame camajare na cañ buioyupu Jesu:

—Cañupu ũje miji wēri wejere caotericu. Ti wejere ote yaparou ti wejere cacoteparāre na cacūñupu, aperopu aáteñau aágu. Na cūu ocōo bairo na cañ cūñupu: “Yu ũje wejere yu cotebojaya. Yure muja cacotebojaro muñuja ricawogu carecomaca caricare.” To bairo na ī yaparo aperopu cáááteñau aácoajupu yoaro. ¹⁰Cabero ũje caricacuti yutea caejaro apeī cū paabojari majocure cū cajooyupu ũje wejere cū cacote rotiricarā tūpu. “Yu yere na ricawo joato,” cū cañupu. To bairo cū cañi cááácoajupu cū upau ya wejeyu. Topu cū caejaro ti wejere cacoterā maca seeto cū caboca quēcōañuparā, ũjere cū joogaquēna. ¹¹To bairo cū na cátoi cū upau maca apeire cū cááá rotiyupu moquena. Cū quenare to bairona cū quē, rooro cū caboca áti acno tunuocoa jooyuparā, cū quenare cū joogaquēna. ¹²To bairo cū na cáto apeire cū cááá rotiyupu moquena. Cū quenare to bairona rooro cū quē camiye, cū caboca áti acno tunuocoa jooyuparā.

¹³To bairo jeto na na cáto tujuu ũje miji wēri weje upau ocōo bairo cañ tūgooñanupu: “¿Dope bairo yu ácuati? Baiyupa yu macure yu camaiire cū yu aá rotigu. Yu macure cū tujurā cū tujū nucubugogaráma,” cañ tūgooñanupu. To bairo ī tūgooñari cū macure cū cááá rotiyupu yua. ¹⁴To bairi ti wejere cacoterā maca cū macu cū cajooricure cū tujurā ocōo bairo caame iñuparā: “Ani ati weje upau macu āmi. Cū pacu cū cabai yajiro bero atie wejere cacugo wajoapau āmi. To bairi cū mari jīa rocacōato. To bairo ána ti wejere mari majuuna mari cūgogará.” ¹⁵To bairo ame ī, cūre ñe aáti, ti weje tujaropu cū cajīa rocacōañuparā, na cañ buioyupu Jesu.

—To bairi cū ya wejere cū cacote rotiricarā cū macurena na cajīa rocacōaro tujuu, ¿Dope bairo na átacumi muja ī tūgooñati? ¹⁶To bairi cū majuuna atí, na cajīa re peocōañupu ti wejere cū cacote rotibatanare. To bairo na áti re peocōa, cabero aperā macare na cajooyupu.

To bairo na cū cañro apirā:

—Weje upau na cū cátatore bairo requetiboumi Dio, cū cañuparā.

¹⁷To bairo na cañro Jesu na tujū, ocōo bairo na cañupu moquena:

—¿Dope bairo ĩgaro ī, muja ī tūgooñati Dio Wadarique ocōo bairo cañri wamere?

Ũ ta wiire wegarā jīca ũ taare cabeje rocacōañuparā, tia ũ ta ñuuquēe ĩrā. Tia na carocabatacarena cane cūñuparā aperā maca, atia cañuu majuucōarica ā ĩrā. To bairi tiarena wii pucua cāñiparore cawe peo jūgoyuparā, tia mena mari cacōoñata cariape eja majigarō ĩrā.

To bairona ī ucarique ā.

¹⁸To bairi camaja nipetiro tiarure caruga ta re cumurā na ōwa peoanucugarāma. Tia maca na buipure to caroca peaata caroaro na roca aboo recōagaro, cañupu Jesu. To bairona baigarāma yure caapipajeequēna ĩi, na cañupu Jesu.

El asunto de los impuestos

(Mt. 21.45-46; 22.15-22; Mr. 12.12-17)

¹⁹Ti wame queti buio majiorica wamere Jesu na cū cabuioero apirā judío majare cabuerā, sacerdote maja ũparā, “Marirena buioũ ácumí,” cū caí tujnyuparā. To bairo írā ti paũna nemoo cū cañegabajuparā. Camajare na uwibana dope bairo cū cáti ñe majiquējuparā. ²⁰To bairi aperāre na caññuparā, “Cūre canucubugorāre bairona bairori caroaro cū jeniña pojerooya. To bairi rooriye cū caboca í yuata nemoona gobierno macanare cū mari wadajāgarā, cū na ñeato írā,” na caññuparā. ²¹To bairo na caí jeniña rotiricarā maca Jesu tũpũ ejari ocōo bairo cū caí jeniñañuparā:

—Jāre camajioũ, cariape jeto mũ buionucu Dio yere. To bairi camaja nipetiro jīcarore bairona cāna na mũ tujñucú. ²²To bairi jā í buioya: ¿Roma macana ũparā jāre carotirā niyeru jāre na cajeninucurijere nare jā cajooro Dio cū rotibocati? Jesure cū caí jeniñañuparā.

²³Jesu maca caroorije cūre na caí tũgoñarijere tujũ majiri ocōo bairo na caññupũ:

²⁴—Niyeru tiire yũ iñoña.

To bairo cū caíro niyeru tiire ne, cū caññoñuparā. Cū na caññooro tujñũ: —¿Ñamũ wame to tujati? ¿Ñamũ riyare bairo cabaurije uca turique to tujati? na caí jeniñañupũ Jesu.

To bairo cū caíro:

—Romano maja ũpaũ majuu wame ã. Cū ye macaje ã, cū caññuparā.

²⁵—Baiyupa Romano maja ũpaure cū jooya cū ye cānipere. To bairona Dio cū caboorije mũjaare cū cajenirije quenare Diore cū jooya, na caí yũyupũ Jesu.

²⁶To bairo cū caíro apirā ocōo bairo caame iñuparā:

—iAgo name! Caroaro mari yũ majimi. Ricati caroori wamere í buioquēemi camaja na caapiro, caññuparā.

To bairi ũparāre cū na cawadajāpere dope bairo cū caí jeniña buga majiquējuparā. To bairi cū cajeniña janacoajuparā yua.

La pregunta sobre la resurrección

(Mt. 22.23-33; Mr. 12.18-27)

²⁷Cabero moquena saduceo maja mena macana maca Jesure cū cajeniñarā ejayuparā. Camaja cabai yajiricarā tunu catíquēnama caírā cañuparā saduceo maja. ²⁸To bairi naa Jesu tũpũ eja, ocōo bairo cū caí jeniñañuparā:

—Jāre camajioũ, Moisé ati wame rotiriquere caí ucayupi jā cabuenucuri wamere: “Jīcaũ ñmocuti punaa mácuna cū cabai yajiata cabai maca cū ñmo cũparo cū jũgocũ ñmo cānibatacore. To bairo cū cáto cū macũ cabuia jũgocũ cabai yajiricũ macũ anibojagũmi,” caí ucayupi Moisé, caññuparā. ²⁹To bairi siete cānacũ jīcaũ punaa caññuparā. Cāni jũgocũ canũmo cutibajupũ. Punaa mácuna cabai yajiyupũ. ³⁰Cabero macacũ quena cū jũgocũ cū cabai yajiro bero cōrena cawapearicore canũmo cutibajupũ. Cū quena to bairona cabai yajicoajupũ punaa mácuna. ³¹Na bero macacũ quena nare bairona cōrena ñmo cutiba, punaa mácuna cabai yajicoajupũ. To bairo jetona jīcaũ punaa siete cānacũ cānibatana co jetorena ñmo cutibana punaa manana cayaji peticoajuparā. ³²Na bero na ñmo cānibataco cabai yajiyuro co quena. ³³Na nipetiro siete cānacũna

cõre canũmo cutibajuparã. To bairi na cabai yajiricarõ bero tunu catirãpu ñni maca co cũ numocuti majibocuti? Jesure cũ caĩ jeniñañuparã.

³⁴To bairo na caĩ jeniñaro apii Jesu na caĩ yũyupũ:

—Caũmũa ati yepa macana numocũma. Cãromia quena manapũcũma.

³⁵Cabero Dio cũ cabejerã na cũ catunu catoro bero numo cutiquẽema.

Cãromia quena manapũ cutiquẽema. ³⁶Dio tũ macana ángel majare bairo cãna anigarãma. Dio mena cacaticõa ãna anigarãma. Bai yaji bapooquetigarãma. ³⁷Moisé cũ caucariquere tũjurã, “Cabai yajiricarã tunu catigarãma,” mari ñ maji. Moisé yucu puti caũ tũjnucurijere cũ catũju ejanũcaro ocõo bairo cũ caĩñupũ Dio yucu puti caũ rijepũ: “Yua Diona yũ ã. Mũ ñicu jãa na cáti nũcubũgou yũ ã. Abraham, Isaá, Jacobo jãa na cáti nũcubũgou yũ ã,” cũ caĩñupũ Dio Moisére. “Mũ ñicu jãa tirũmũpũ macana na cáti nũcubũgoricu yũ ã,” caĩquẽjupũ. ³⁸To bairi, yucu quena yũ áti nũcubũgoma ñi, caĩñupũ Dio. To bairi yucu quenare na yeri cacaticõa ãna aniri cũre cáti nũcubũgorã ãma. Cũre caapipajeerã na tunu catiogũmi Dio. To bairi yucu quenare cacaticõa ãnare bairona na tũjũmi Dio.

³⁹To bairo cũ caĩrijere apirã jĩcaarã judío majare cabuerã:

—Jãre camajioũ, cariape majuu mũ buio, cũ caĩñuparã.

⁴⁰Cabero cũ cajeniña nemogaquẽjuparã, “Mari buio netoremi,” ñrã.

¿De quién es hijo el Cristo?

(Mt. 22.41-46; Mr. 12.35-37)

⁴¹Cabero na caĩ jeniñañupũ Jesu moquena:

—Aperã, “Cristo Dio cũ cabejericũ David pãramipũ anigũmi,” ñnucuma.

¿Nope ñrã to bairo na ñnucuti? na caĩ jeniñañupũ. ⁴²—David cũ majuuña Salmo cawamecuti pũuropũ ocõo bairo caĩ ucayupi:

Ato yũ mena ruiya yũ tũ maca,

yũ mena carotii anigũ.

⁴³Yũ mena ruiiri mũ carotiro mũre catũju

tutirãre na yũ regũ, caĩñupũ Dio yũ Ɔpaũre,

caĩ ucayupi David, caĩñupũ Jesu.

⁴⁴—¿Dope bairo, “Yũ Ɔpaũpũ ãmi,” David cũ caĩ nibaopũcũna cũ pãramipũ cũ áti Dio cũ cabejericũ? na caĩ jeniñañupũ Jesu.

To bairo na cũ caĩ jeniñaro dope bairo cũ caĩ yũ majiquẽjuparã yua.

Jesús acusa a los maestros de la ley

(Mt. 23.1-36; Mr. 12.38-40; Lc. 11.37-54)

⁴⁵Camaja nipetiro na caapijoro ocõo bairo caĩ buioyupũ Jesu cũ cabuerãre:

⁴⁶—Judío majare cabuerãre na tũju majiña. Nare bairo átiqueticõaña.

Jutii cayoarije mena jaña aáteñaganucuma, aperã caroaro marire na tũju nũcubũgoato ñrã. To bairi macapũ wapayerica paũripũ na cáaáteñari paũri camaja nare na caĩuu roti nũcubũgopere booma. Neñapo buerica wiiripũ ejarã to bairi wamena nare na cáti nũcubũgopere booma. To bairi cauparã na caruinucurijepũ jetore ruiganucuma. Na caboje rũmuri áti ugari paũri quenare to bairo jeto baiganucuma. ⁴⁷Cawapearicã romiri yere na casũgorije cajee pairã nibaopũnana Dio wiipure jãa aána yoaro Diore jeni nũcubũgotoma. Baitoriquere bairã camaja na catũjuro bainucuma. Narena aperã netoro cabai buicũna na cãnoi aperã netoro na popiyeyegũmi Dio, na caĩñupũ Jesu cũ cabuerãre.

La ofrenda de la viuda pobre

(Mr. 12.41-44)

21 ¹ Jesu Dio wiipũ ãcũ niyeru Dio wii na caquenoopẽ wapa na cajãri patarũ camaja niyeru na cajãro catujũyupũ. Pairõ cacũgorã ti patarũre pairõ cajãñuparã. ² Na berore cawapearico cabopacao pũga tiiriacã cawapa maniacãre cajãñupo. ³ Tiere co cajãro tũjũũ Jesu ocõo bairo caĩñupũ:

—Cariape mũñũja ï. Atio cawapearico cabopacao maca Dio cũ catujuro aperã nipetiro na netoro joo netocoamo. ⁴ Na maca pairõ cacũgorã aniri nare carũjarijere jooma. Co maca, “Cabopacao yũ ã,” ï tũgoõñaquẽcona nipetiro co cacũgobatajeacãre joomo. Co caũga catĩboriqueacãrena joo peocõamo, caĩñupũ Jesu.

Jesús dice que el templo será destruido

(Mt. 24.1-2; Mr. 13.1-2)

⁵ Aperã Dio wii cãniere wadapenirã Jesure cũ caĩñuparã:

—Tũjũya ati wiire Dio wii. Caroa wii majuu anicõa. Û ta rupaa caroa rupaa mena jeto áta wii ã. Diore na cajoorique mena caroa jeto cabauri wiire cãjupa.

⁶ To bairo na caĩro:

—Ape rumupũ atie mũja catujurije nipetiro re peocõagarãma aperã. Û ta rupaa na capeobataje jĩca rujaricaro mano re peticõagarãma aperã.

Señales antes del fin

(Mt. 24.3-28; Mr. 13.3-23)

⁷ Cabero Jesure cũ cajeniñañuparã:

—Jãre camajioũ, ñnoo cõopũ to bairoati mũ caĩri wame? ¿Dope bairo jã majirãati to bairo cabaiparo jũgoye?

⁸ To bairo cũ na caĩ jeniñaro ocõo bairo na caĩ buioyupũ Jesu:

—Aperã mũjaare na caĩtorijere mari apipajeere ïrã caroaro tũgoõña majiña. “Dio cũ cajooricuna yũ ã. Cristo Dio cũ cajõũ cũ caejari paũ anitũga,” ïtoagarãma. To bairo na caĩtorijere api nũcũbugoqueticõãña.

⁹ Camaja ame quẽri ame jĩagarãma. Camaja ati yepa macana na uparãre ï punijiniri na regarãma. To bairo cabairijere queti apirã uwiueticõãña. To bairo jeto baigaro mai. To baibao joroquena ati umũrecoo capetiparo rujagaro mai, na caĩ buioyupũ Jesu.

¹⁰ To bairo na ï, ocõo bairo na caĩnemoñupũ Jesu:

—Jĩca maja ape maja mena ame quẽgarãma. Jĩca yepa macana ape yepa macana mena ame quẽgarãma na uparã na caame quẽ rotiroi. Ati yepa nipetiroopũ to bairo jeto ame átiagarãma. ¹¹ Ati yepa seeto nanaagaro. Ape paũri ugarique camano ñigo boagarãma camaja. Ape paũri riaye tamũo yaji petigarãma. Umũrecoopũre cauwiorije ape wame mũja catujũñaquẽtie baugaro.

¹² To bairo cabaiparo jũgoye yũ ye quetire caapigateerã rooro mũja átiagarãma. Na neñapo buerica wiiripũ mũja ñe aánucu, mũja jeniñacõari presopũ mũja joogarãma, yũre mũja cáti nũcũbugorije wapa. Maca uparã tũripũ mũja joogarãma, “Na popiyeyeya,” ïrã. ¹³ To bairo mũja na cátiabao joroquena caroaro na mũja boca buiocõagarã yũre mũja cáti nũcũbugorijere. ¹⁴ Mũjaare na caĩ jeniñaiparo jũgoye, “Ocõo bairije na

mari ĩ yu majigarã rooro marire na cátiquetiparore bairo ĩrã,” ĩ tũgooña yuuqueticõaña. ¹⁵Yu maca muñuĵa majiogu nare muĵa caĩ yũpere. To bairi muĵaare catuĵu tutirã muĵa wada neto majiuetigarãma. ¹⁶Muĵa pacua, muĵa bairã, muĵa yarã majuu, muĵa mena macana anibaopũnana muĵa wadajãgarãma muĵaare catuĵu tutirãre. To bairo muĵaare na cawadajãro ĵicaarãre muĵaare ĵia regarãma. ¹⁷Yũre caapipajeerã muĵa cãno maca camaja to cãnacã maca macana muĵa teegarãma. ¹⁸To bairo muĵa átibaopũnana, ĵiacã ĵica wame uno muĵa áti rooye tuuquetigarãma muĵa catiriquere. ¹⁹To bairi yũre api nucũbũgocõa aninucũña. To bairo bairã catirique majuu muĵa bũgagarã.

²⁰Polisía capãarã Jerusalén macare na cajotoo ame jorero na tũjurã, “Mere ati macare rocagarã áama,” muĵa ĩ tũĵu majigarã. ²¹To bairi Judea yepapu cãna ũ ta yucũpu na ruti aãparo. Camaja Jerusalén macapũre cãna aperopũ na ruti aãparo. Maca tũjaro cãna macapũ na tunu piya atĩquẽparo. ²²Ti paũna Jerusalén macanare Dio nare cũ capopiyeyeri rũmuri anigaro. Dio ye queti ucarĩca pũuri caĩrore bairona na baigaro. ²³Ti paũre rooro na anigaro ũta pacoa romirire, aperã cawimarãacãre caũpuorã romiri quenare. Atu ruti aã majiuetigarãma. Ti paũ judío majare seeto popiye tamũorique na anigaro Dio nare cũ capopiyeyeri ĵugori. ²⁴Camaja capãarã bai yajigarãma ame ĵiarique ĵugori. Aperãre na jee aã bate cũgogarãma aperoripu. To bairo na áteri Jerusalén macare ĵia baurio rocacõagarãma. Judío maja cãniquẽna to bairi ĵe átigarãma ati macapũre. “To cõona áĵa,” Dio nare cũ caĩri paũ cãnopũ janagarãma yua.

Cómo vendrá el Hijo del Hombre

(Mt. 24.29-35, 42-44; Mr. 13.24-37)

²⁵To bairi ũmũrecoopũre ricati cabauriye anigaro. Muĩpu caajii, ñami macacũ muĩpu quena, ñocoa quena ricati cabaurã anigarãma. Rĩa capaca yari mar seeto paca jabe ocacutigarõ. Pairo cajabe ocacutõ apirã camaja ati yepa macana seeto acua uwigarãma. ²⁶Ñocoa quena yuguigarãma. To bairi, “¿Dope bairo to bairoati ati yepapu? ¿Ñeere ĩro to baiti?” ĩ tũgooñagarãma camaja, uwi netobana. ²⁷To bairo cabairi paũna yũ catutuarĩe mena yũ atĩgu ũmũrecoopũ. To bairo baii bujeri bũruapu seeto yũ caaji bateriye mena yũ cáatõ tũĵugarãma camaja. ²⁸To bairi atie cauwiorĩe cabai ĵugoro tũjurã tũĵu wariĩuu ocabuticõaña. Ati yepapu cabairiye nemoo marire netoo catiogu atĩgumi Jesu ĩrã wariĩuu ocabutiya, na caĩ buioyupu Jesu.

²⁹To bairo na ĩ, ocõo bairo na caĩ buioyupu Jesu moquena:

—Higuera cawamecutii, ape wame yucũ cabairiye quenare tũgooñaña.

³⁰Apeye capũ cawajoarijere tũjurã, “Yucnacãna cũma anigaro bai,” ĩ majirique ã. ³¹To bairo muñuĵa cabuori wamerire bairo cabairo tũjurã, “Yucnacã Jesu tunu atĩgumi ati yepapu, Upau anigu,” muĵa ĩ tũĵu majigarã.

³²Cariapena muñuĵa ĩ. Atie nipetiro muñuĵa caĩri wamere bairona baigaro ati yepa macaje capetiparo ĵugoye. ³³ũmũrecoo, ati yepa quena to cõona wajoagaro. “To bairo yũ átigu,” yũ caĩriye maca wajoaquetigarõ. Yũ caĩ buiorore bairona baigaro.

³⁴To bairi caroaro tũgooña maja catiya, muĵa cátiere ána. Ati yepa macajere tũgooñarique paiqueticõaña. Eti cumuqueticõaña. Carooriye jeto mari áticõa anire ĩrã carooriĵere átigaqueticõaña. To bairo carooriye cátiuetinucurã muĵa cãmata yũre muĵa tũĵu acuaquetigarã yũ catunu ejari paũ cãno. ³⁵Camaja nipetiro na yũ capopiyeyepere yũ ruti majiuetigarãma.

³⁶To bairi caroaro quenoo yuuricarãre bairo yu caboorijere átícõa aninucuña. Tie popiye tamuorique muja canetoooparore bairo írã Diore jenicõa aninucuña. To bairo ána boboricaro mano yure muja boca tujugarã, na caĩñupũ Jesu yua.

³⁷Ti rumurire to cãnacã rumu Dio wiipu cu ye quetire camajare cabuio añupũ Jesu. Nami cãno ti macare buti aá, Olivo cawamecutii ũ taurũ cacani ñamicuti bujucoajupũ. ³⁸To bairi cabujuri paũ cãno camaja nipetiro Dio wiipu cáaájuparã, Jesu cu cabuorijere apigarã.

Conspiración para prender a Jesús

(Mt. 26.1-5, 14-16; Mr. 14.1-2, 10-11; Jn. 11.45-53)

22 ¹Pan levadura na caĩrije cawauorije caajuya manie na caugapa rumu pascua rumu jũgoyeacã cañupe yua. ²To bairi sacerdote maja uparã, judío majare cabuerã Jesure cu cajagayuparã. “¿Dope bairo cu áti ñeri cu mari jĩarãati?” caame iñuparã. To bairo ībaopũnana camajare na cauwiyuparã, capãarã cũre canucubũgorã na cãno maca.

³To bairo na caĩri paure Judas Iscariote cawamecutũre cajãañupũ Sataná. Jesu cu cabuerã doce cãnacãu mena macacu cãnibajupũ Judas.

⁴To bairi cũre Sataná cu cajãaro cáaácoajupũ Judas sacerdote maja uparã, aperã Dio wii coteri maja tũpũre. Na tũpũ eja, Jesure dope bairo cũre na cáti ñepere na mena cawadapeniñupũ. ⁵To bairo cu caĩ wadajãrijere apirã, seeto cawariñuuñuparã:

—To bairo jã mu caĩ buiuroi niyeru mure jã wapayegarã, Judare cu caĩñuparã.

⁶—Jau, na caĩñupũ Judas. “Jau,” na i, “¿Dope bairo áti Jesure cu yu wadajãuati uparãpũre, aperã yure na camajiquẽtopu?” caĩ tũgooñañupũ Judas.

La Cena del Señor

(Mt. 26.17-29; Mr. 14.12-25; Jn. 13.21-30; 1 Co. 11.23-26)

⁷Cabero pan cawauorije mena caajuya manie na caugari rumu majuu cañupe. Ti rumuna cañupe Diore tũgooñari nuricu waibucu oveja na caĩ cawamaure na cajãanucurica rumu. Pascua rumu cãno to cãnacã cuma to bairo jeto cátinucuiñuparã ti rumu onore. ⁸To bairi ti rumu cãno Pedrore, Juãre ocõo bairo na caĩñupũ Jesu:

—Pascua boje rumu macaje mari caugapere quenoo yuurãja.

⁹To bairo na cu caĩro:

—¿Noopũ jã quenoo yuurãati? cu caĩ jeniñañuparã.

¹⁰To bairo cu na caĩ jeniñaro:

—Jerusalén macapũre aánaja. Maca ejarã jĩcau cu muja tujugarã caoco jotu tu peo aãcũre. Cu tujurã di wii cu cajãa aáti wiire cu muja uja jãa aágarã. ¹¹Cu mena jãa aá, ocõo bairo ti wii upaure cu muja iãgarã: “Jãre camajion ocõo bairo jã i joomi, ‘¿Noopũ to áti pascua boje rumu cãno yu cabuerã mena yu caugapa arua? cu i jeniñarãja ti wii upaure,’ jã i joomi,” cu muja iãgarã. ¹²To bairo cu muja caĩro, cabui macá arua, capairi arua, quenoo yaparorica aruare muja iñoogumi. Ti aruapũ mari caugapere quenoo yuurãja, na caĩñupũ Jesu Pedrore, Juãre.

¹³To bairi macapũ cáaácoajuparã na pũgarã. Aá, cabuã ejayuparã Jesu cu caĩricarore bairona. To bairi ti aruapũre pascua cãno na caugapere caquenoo yuyuparã.

¹⁴Nipetiro na caquenoo yaparoricaro bero Jesu cu cabuerã mena ugagarã caneñapoyuparã ti aruapũre. ¹⁵Ugarica cajawa tu na carui petiro tujũũ ocõo bairo na caĩñupũ Jesu:

—Atie pascua macaje ugarique mɔja mena seeto yu ugaga yu capopiye tamɔparɔ jɔgoye. Atie pascua macaje mɔja mena yu sauga tɔjarije anigaro bai. ¹⁶ Cariape mɔñɔja ī: Atie pascua macajere mɔja mena yu uganemoquetigu. Cabero moquena ʔpaɯ Dio yure cɯ cajɔori paɯ cānorɯ, tiere mɔja mena yu uganemogɯ, na cañɩpuɯ Jesu.

¹⁷To bairo na ī, etirica jotɔre ne, Diore, “Ñuubɔja,” cɯ ī, ocɔo bairo na cañɩpuɯ:

—Atie etiriquere neri etiya mɔja cāno cānacāɯna. ¹⁸ Cariapena mɔñɔja ī: Atie ɔje wē rica ocore ʔpaɯ Dio yure cɯ cajɔparɔ jɔgoye yu etinemoquetigu.

¹⁹To bairo na ī, ugarique pāre caneñɩpuɯ Jesu. Tiere ne, Diore, “Ñuubɔja,” cɯ cañɩpuɯ moquena. To bairo Diore cɯ ī, ugarique pāre pe bate, na caricawoyɩpuɯ. Na ricawo, ocɔo bairo na cañɩ buioyɩpuɯ:

—Atie yu rupɩɯ ā. Mɔjaare yu cabai yajibojapere tɔgooñari ugaya atiere, na cañɩpuɯ Jesu.

²⁰ Ugarique pāre ricawori bero moquena etirica jotɔre ne, ocɔo bairo na cañɩpuɯ:

—Dio, “Camaja caroorije na cátiere na yu majiritiogu,” cañɩ cūwī. Mɔjaare yu carií yajibojape jɔgori jeto majiritiomi Dio caroorije mɔja cátajere. Yu rií cayuyurijena mɔja ye wapa anigaro. To bairi atiere etirā ti wamere tɔgooñaña.

²¹⁻²² Yure baigaro Dio ye queti ucarica pūuripɩ tɩrɩmɩpuɯ macana na cañɩ ucaricarore bairona. To bairi jicau ati cajawapɩ mari mena sauga ruui yure cajjaparāre yu wadajāgɩmi. To bairo cañɩre seeto ñuuquetigaro cūre, na cañɩpuɯ Jesu.

²³To bairo Jesu na cɯ cañɩro:

—¿Ni maca mari mena macacu to bairo cañɩpuɯ cɯ āti? caame ī jeniñañaɩparā.

Se discute quién sería el más importante

²⁴ Jesu to bairo na cɯ cañɩ buioro bero cɯ cabuerā ocɔo bairo caame ī wada netoñɩparā:

—¿Ni maca cɯ ācuati marire cajugo ani majɩpuɩ? caame ī wada netoñɩparā.

²⁵To bairo na caame ī wada netorijere apii ocɔo bairo na cañɩpuɯ Jesu:

—Ati yepa macanare na ɩparā tutuaro na rotima. “Jā ɩparā caroaro jā rotima, caroaro jā átinemoma,” jāre na iato irā tutuaro na rotima. ²⁶ Mɔja maca nare bairo baiqueticōaña mɔjaa. Nii aperāre cajugo anipɩɯ anigɩ cawatoa macacure bairona cɯ anicōato. Nii aperāre carotii anigɩ nare capaabojaure bairo maca cɯ anicōato. ²⁷ Ocɔo bairo īma camaja: “Caɩpaɯ cāni majɩɯ āmi. Cūre capaabojaɯ maca cawatoa macacu āmi,” īma camaja. Yu maca mɔja ʔpaɯ nibaorɩcɩna mɔjaare capaabojaure bairona yu ā.

²⁸ Apeřā rooro yu na cañɩ eperije to nibao joroquena yu menana mɔja anicōa. Yure mɔja aáweoquēe. ²⁹ To bairi yu Pacu yure ʔpaɯ cɯ cajɔoricarore bairona yu quena mɔjaare ɩparā mɔñɔja jōogu. ³⁰ To bairi ʔpaɯ yu cāni paɩpuɯ yu mena eti, uga, mɔja áti ruigarā. Israel macanare doce cānacā poari macanare mɔja rotigarā, na cañɩpuɯ Jesu.

Jesús anuncia que Pedro lo negará

(Mt. 26.31-35; Mr. 14.27-31; Jn. 13.36-38)

³¹ Jesu Simón Pedroro ocɔo bairo cɯ cañɩpuɯ:

—Simón, apiya. Sataná caroorije mɔja átigao joroque seeto mɔja ocajāgami. Trigo aperire ti ajerire jugá papu bate rericarore bairona mɔja átigami Sataná. ³² To bairi Diore mɩ yu jenibojawɩ, yure mɩ caapipajee nucubugo janaquetiparore bairo īi. To bairi yure

catutiräre uwibacu, yure mü caïtoro bero moquena yure catügoöña ocabutii äcupu apera yu cabueräre na mü tugoöña ocabutiogu, Pedroro cu caïñupu.

³³To bairo cu caïro:

—Ûrau, presopu müre na cajoata yu quena yu aágu. Müre na cajiaata quena yu quenare na jïato, cu caïñupu Simón Pedro.

³⁴To bairo cu caïro:

—Pedro, cariape mü yu ï. Ati ñamina äbocu cu capiparo jügoye itiani, “Jesure cu yu majiquêe,” na mü itogu, cu caïñupu Jesu.

Se acerca la hora de prueba

³⁵Cabero Jesu ocöo bairo na caï jeniñañupu cu cabueräre:

—Tirumu müñja cabuio teña rotiro müja wajopori müja niyeru, müja rupo jutii jee aáquënana müja cáaápu. To bairona müja cabuio teñaropu žnoo cöo müja caboori wame müja to carujari? na caï jeniñañupu.

—Jä carujaquêpu. Caroaro jä cabaiwu, cu caïñuparä.

³⁶To bairo na caïro:

—Yucuaçã cawajoporica na jee aánaja. Niyeru jãrica pori quenare jee aánaja. Nii cajarerica päi mácu cu ye jutii cabui macajere nuni wapa jee, jarerica päi macare cu wapayeato. ³⁷Ocöo bairo müñja ï buio: Dio ye queti ucarica püuripu ocöo bairo ï ucarique ä yu cabaipere: “Carooräre ätatore bairona cu ätigaräma, cu popiyerä,” ï ucarique ä. To bairona yu ätigaräma yucura, na caïñupu Jesu.

³⁸Cu cabuerä ocöo bairo cu caïñuparä:

—Û ju, Ûrau, atona puga päi jarerica päirire jä çugo.

To bairo cu na caïro:

—Ñuugaro, na caïñupu Jesu yua.

Jesús ora en Getsemaní

(Mt. 26.36-46; Mr. 14.32-42)

³⁹To bairo na ïri bero Jerusalén cãnacü cabuti aájupu Jesu. Buti aácu, cu cabainucuricarore bairo, Olivo cawamecutii ü taupu cáaájupu. Cu cabuerä quena cu cauja aájuparä. ⁴⁰Topu ejaü ocöo bairo na caïñupu Jesu:

—Diore cu jeniya, Sataná müjaare cu caocajäquetiparore bairo ïrä, na caïñupu.

⁴¹To bairo na ï, na jugoyebujaacã cáaájupu ü taa re ejooricaro cöo yoaroacã. Aá, yeparure rüropatuaru tuatu cumuri Diore cu cajeniñupu:

⁴²—Caacu, caïñupu. —Mü cabooata yu capopiye tamöope yure to baiquetio joroque äja. To bairo müre yu cajenirije to nibao joroquena mü maca mü caboori wame äja. Yu maca yu caboori wame ätiquêja, caïñupu Jesu Diore.

⁴³To bairo cu caïri pauna ümürecöo macacu jïacu ángel cu tuna cabuianuca ejayupu, tugoöña ocabütiriquere cu jou. ⁴⁴Jesu seeto yeri tugoöñarique päirique mena catamñoñupu. To bairo baibacu moquena Diore cajeninemoñupu. Seeto caajipuayupu. Cu caajipuarije riire bairo sawêñupe yeparure.

⁴⁵To bairo Diore cu ï yaparo wamünuca, cu cabuerä tüpu aá, cacaniräre na caejayupu. Yoaro jutiriti cote anibana wügo ejari cacanicoajuparä. ⁴⁶To bairo cacaniräre na tüjpu:

—¿Nope ïrä müja caniti? ¡Yopiya! Diore cu jeniya, Sataná marire cu caocajäro caroorije jä ätiqueticöato ïrä, na caïñupu Jesu moquena.

Llevan preso a Jesús

(Mt. 26.47-56; Mr. 14.43-50; Jn. 18.2-11)

⁴⁷To bairo na cu caí wada ani pauna, camaja capāarā caejayuparā. Judas cawamecucu, Jesu cu cabuerā mena cānibatacu na cajugo ajupu. Na jugo atí, Jesu tu eja, caroarona, “Manibapare,” íri cu cañe pabarioyupu. ⁴⁸To bairo cu cáto:

—Judas, ¿nope íi caroaro ñuu roti pabariotori yure cajiaparāre yu tupa na mu jugo ejati? cu cañupu Jesu.

⁴⁹Jesu mena cāna maca cu na cañegarō tujurā, ocōo bairo cu caí jeniñañuparā:

—Upa, ¿jarerica pāiri mena na mari quēraati? cu cañuparā.

⁵⁰To bairo na caíri pauna Jesu cu cabuei sacerdote maja upa cu paabojari majocu jīcaure cu caamooro pa ta rocacōañupu, cariape nūgoa macatore. ⁵¹To bairo cu cáto tujuu Jesu maca:

—Átiqueticōaña, cu cañupu.

To bairo cu cabueire cu í, cu capa taricure cu amoorore paña, cu catu quenoocōañupu. ⁵²Cabero cūre cañegarāre, sacerdote majare, Dio wii coteri majare, aperā cabucurā judío majare carotirāre ocōo bairo na cañupu Jesu:

—¿Nope írā jee rutiri majocure ánare bairo jarerica pāiri, yucu rucari jee atíri, yu mija áti ñegati? ⁵³To cānacā ruma Dio wiipu mija mena yu cāno to bairo yure mija cáti ñequēpu. Yucura mija caboorijere mija átigarā. Sataná caroorije upa cu caboorije mija cu cáti rotirijere mija átigarā, na cañupu Jesu.

Pedro niega conocer a Jesús

(Mt. 26.57-58, 69-75; Mr. 14.53-54, 66-72; Jn. 18.12-18, 25-27)

⁵⁴To bairo na cu caíro bero Jesure cu cañe aájuparā sacerdote maja upa yu wiipu. Topu cu na cañe aáto Pedro quena na beropu cauja aájupu.

⁵⁵Jesure cu na cane aáti wii jania amejorerica janiro pupeapu capero rioyuparā Dio wii paabojari maja. Pero rio átiri cajuma ruiyuparā. To bairo na cabairo tujuu Pedro quena na tu cajuma ejanumu ajupu. ⁵⁶Pero cañ bujuo cu cajuma ruico cu tujūo jīcao paabojari majoco caroaro cu tujū queno, ocōo bairo cañupō to cānare:

—Ani quena Jesu mena cāninucuerpa āmi, cañupō.

⁵⁷To bairo co cañrije apii:

—Cu yu majiquēe, cañupu Pedro.

⁵⁸Petoacā bero apei Pedrore cu tujuu ocōo bairo cu cañupu:

—Mua Jesu cabuerā mena macacuna mu ā mu quena, cu cañupu.

To bairo cu caíro:

—Yu baiquēe yua, cu cañupu Pedro.

⁵⁹Jica hora yoaroacā bero apei cañupu moquena:

—Ani Jesu mena macacuna āmi, jocu mee yu í. Cu quena Galilea macacu āmi, cañupu.

⁶⁰To bairo cu caíro:

—Íyu mu cañijere yu majiqueti majucōa, name! cu cañupu Pedro.

To bairo cu caí ani pauna ābocu capiyupu yua. ⁶¹Ābocu cu capiro Jesu cu caamejore nūca tujuyupu Pedrore. Cu caamejore nūca tujūo Pedro catūgoña bugayupu Jesu cūre cu cañiquere. “Ati ñami ābocu cu capiparo

jũgoye itiani, ‘Cũ yũ majiquẽe,’ mũ itogũ,” mari Ƴpaũ Jesu cũ caĩriquere catũgooña bũgayupũ. ⁶²Ti wamere tũgooña bũga, buti aá, caotiyupũ Pedro seeto, jũtiritibacũ.

Se burlan de Jesús

(Mt. 26.67-68; Mr. 14.65)

⁶³Jesure cañericarã cũ ĩ eperi cũ capayuparã. ⁶⁴Cũ capere juti ajero mena jia bipeçõari cũ capa epeyuparã. Cũ pa átiri:

—¿Ni maca mũ cũ pari? Dio ye quetire buiori majocũ mũ cãmata mũ majuuna tũgooña bũga majiri jã buioya, cũ caĩ epeyuparã.

⁶⁵Ape wame capee caroorije cũ caĩ wada epeyuparã Jesure.

Jesús delante de la Junta Suprema

(Mt. 26.59-66; Mr. 14.55-64; Jn. 18.19-24)

⁶⁶Cabujuri paũ yua, cabũcurã rotiri maja, sacerdote maja Ƴparã, aperã judío majare cabuerã caneñapoyuparã, Jesure cũ jeniñagarã. To bairi Jesure cũ cane aájuparã na cawadapeniri arũarũ. ⁶⁷Cũ ne aá, ocõo bairo cũ caĩ jeniñañuparã:

—Mũa Dio cũ cajooricũna Cristona mũ cãmata mũ cãniere jã ĩ buioya.

To bairo cũ na caĩ jeniñaro:

—To bairo mũñũja cabuoirije to nibao joroquena yũ mũja apĩ nucũbũgoquetiborã. ⁶⁸Ape wame mũjaare yũ cajeniñarije to nibao joroquena yũ mũja yũquetiborã. Yũ mũja buuquetiborã. ⁶⁹Yucũ bero mena to cõona Dio tũ ruiri cũ mena yũ rotigũ, na caĩñupũ Jesu.

⁷⁰To bairo cũ caĩro:

—¿Mũa Dio Macũna mũ ĩti? cũ caĩ jeniñañuparã.

To bairo na caĩro:

—Cũna yũ ã, mũja caĩrore bairona, na caĩñupũ Jesu.

⁷¹To bairo cũ caĩro:

—To cõona aperã caroorije cũ caĩ wadarijere caapiricarã na cabuoirijere mari apinemoqueticõato. Mari majuuna mere Jesu cũ caĩrijere mari apicõa, caame ĩñuparã.

Jesús ante Pilato

(Mt. 27.1-2, 11-14; Mr. 15.1-5; Jn. 18.28-38)

23 ¹Cabero na nipetiro na caneñapori arũarũ cãnana Pilato tũpũ Jesure cũ cane aájuparã. ²Topũ ejarã ocõo bairo cũ caĩñuparã:

—Ani jãre judío majare caĩto paii ãmi. Niyeru gobierno macacũ romano maja Ƴpaũ camajare cũ cawapa jee roti joorijere, “Jooqueticõaña,” camajare na ĩnucumi. To bairo quenare, “Yũa Dio tũpũ cãnacũ camaja tũpũ cũ cajooricũ majuu yũ ã,” ĩmi. To bairo ĩi, “Ƴpaũ yũ ã,” ĩi ĩnucumi, cũ caĩ buioyuparã Pilatore.

³To bairo na caĩro apii Pilato ocõo bairo cũ caĩ jeniñañupũ Jesure:

—Mũa, ¿judío maja Ƴpaũna mũ ĩti? cũ caĩ jeniñañupũ.

—To bairona yũ ã mũ caĩrore bairona, cũ caĩñupũ Jesu.

⁴To bairo cũ caĩro bero Dio wii Ƴparãre, camaja capãarã to cãnare ocõo bairo na caĩñupũ Pilato:

—Ani caroorije cátacũ ãmi, cabai buicũcũ ãmi, yũ ĩ majiquẽe, na caĩñupũ.

⁵To bairo na cũ caĩrije to nibao joroquena ocõo bairo cũ caĩnemoñuparã Pilatore:

—Camajare ĩ rooye tuu teñanucumi, Judea yepa nipetiroꝝ. Galilea yeparũre to bairo caĩ rooye tuu teña jũgoyupi. Atopũ quenare to bairona ĩ rooye tuu teñaũ ejami, cũ caĩnemoñuparã Pilatore.

Jesús ante Herodes

⁶Pilato to bairo na caĩrije apii ocõo bairo na caĩ jeniñañupũ:

—¿Ani Jesu Galilea macacũna cũ āti? —Û Ƴju, cũna āmi, caĩñuparã.

⁷“Cũna āmi,” na caĩro apii:

—Herode tũꝝ cũ ne aána, na caĩñupũ.

Herode Galilea yepa Ƴꝝ cãñupũ. To bairo cabairi rũmũri cãno cũ quena Jerusalẽꝝ cãñupũ. To bairo Pilato na cũ caĩrijere apii Jesure cũ cane aájuparã Herode tũꝝ. ⁸Cũ tũ cũ na cane ejaro tũjũũ seeto cawariñũũũũ Herode, Jesure cũ tũjũũ. Cajũgoyepũre seeto Jesure cũ catũjũganucubajupũ Herode. “Jesu añũũ,” na caĩrijere caqueti apinucũũũũ. Seeto cũ cáti iñoorijere catũjũganucubajupũ. ⁹To bairi Jesure cũ tũjũũ capee wameri cũ cajeniñabajupũ. Jesu maca cũ caũquẽjupũ. ¹⁰Sacerdote maja Ƴꝝ, aꝝerã judío majare cabuerã to catũjũnucurã tutuaro mena, “Carooũ majuu āmi Jesu,” cũ caĩñuparã Herodere. ¹¹To cõona Herode cũ polisía maja mena rooro cũ caĩ eꝝepuparã Jesure. To bairo cũ ĩ eꝝerã caũꝝũ jañarique jutii caroa mena cũ cajã eꝝepuparã. To bairona rooro Jesure cũ āti eꝝe, cũ catunuo jooyupũ Pilato tũꝝ moquena. ¹²Ti rũmũna Herode Pilato mena caame oca quenooñuparã, cajũgoye caame tũjũgaquetibatana.

Jesús es sentenciado a muerte

(Mt. 27.15-26; Mr. 15.6-15; Jn. 18.39-19.16)

¹³Cabero Pilato na cajũgo neñaꝝoyupũ sacerdote maja Ƴꝝarãre, camajare cajũgo ānare, camaja aꝝerã quenare yua. ¹⁴Na jũgo neñaꝝo, ocõo bairo na caĩñupũ:

—Anire yũ tũꝝ cũ muja neajupa, “Camajare carooꝝe tuũ āmi,” ĩrã. To bairi muja caapiro caroaro cũ yũ jeniñawũ. Caroorije cũ cátaje cũ muja caĩrijere yũ bugaquẽe. Cabai bui cutiquẽcũ añũũ. ¹⁵Herode quena jã tũꝝ cũ tunuo jooyupi, “Cabai bui cutiquẽcũ āmi,” ĩi. To bairi ñe unie cátiquẽcũrena cũ cajãaquetipe ā. ¹⁶Baiyupa cũre wecũ ajero wẽri mena na bape roti átiri to cõona cũ yũ buucõagu, na caĩñupũ Pilato.

¹⁷To cãnacã cũma pascua boje rũmũ cãno jĩcaũre na cabuunucũũũũ Pilato presopũ cãcũre. ¹⁸To bairi Pilato, “Jesure cũ yũ buugũ,” cũ caĩro apirã caawajayuparã:

—iAnire Jesure cũ na jĩa rocacõato! iBarrabá macare cũ buuya! caĩ awajayuparã.

¹⁹Barrabá cawamescũ cũ mena macanare na cajũgo quẽricũ cãñupũ Ƴꝝarãre. To bairo jũgo quẽi camajare na cajãañupũ. To bairo cũ cátaje wapa presopũ cãñupũ. ²⁰To bairi Pilato seeto Jesure cũ buugũ na caĩbajupũ moquena. ²¹To bairo na cũ caĩ buiorije to nibao joroquena seeto caĩ awajayuparã:

—iYucũ pãĩ tẽorica pãĩꝝ cũ na papucõato!

²²To bairo na caĩro ocõo bairo na caĩñupũ Pilato moquena:

—¿Ñee unie caroorije cũ cátaje to āti cũre? Ñee unie cátiquẽcũrena cũ cajãaquetipe ā. To bairi wecũ ajero wẽri mena na bape rotiri cũ yũ buugũ, na caĩñupũ Pilato.

²³ Na maca to bairo cū caĩriĵere apirā seeto janaricaro mano caawajanemoñuparā sacerđote maja űparā jāa:

—iYucu tēorica pāipũ cū na papuacōato! To bairi seeto na caĩ ĵeni awaja netorijere caapicōañupũ Pilato. ²⁴ To cōona na caboori wame cū na cajaniri wame na cáti rotiyupũ yua. ²⁵ Barrabá, cauparāre catei, camajare cajugo ĵiaricũ macare cabuuyupũ, presopũ cānibatacũre. Jesu macare mĵa caboorore bairo cū ája ĩi, na cajooyupũ yua.

La crucifixión

(Mt. 27.32-44; Mr. 15.21-32; Jn. 19.17-27)

²⁶ To bairi Jesure cū cane aájuparā, yucũ pāipũ cū papua ĵāgarā. Cũ na cane aáto na cabocayupũ Simón cawamecũcũ. Maca tũjaro aáteña tunu acũ cájupũ. Sirene cawamecuti maca macacũ cāñupũ Simón. To bairi Simón na cū cabocaro tũjurā Jesure cū na capapua tupa pāire cū ne peori Jesu bero cū capũja űja rotiyuparā.

²⁷ Jesure na cane aáto camaja capāarā cū cauja aájuparā. Cāromia capāarā ĵutiritiri caoti űjayuparā. ²⁸ To bairo na caotiro apii na amejore nũca tũju, ocōo bairo na caĩñupũ Jesu:

—Mũjaa, Jerusalén macana romiri yũre tũju ĵutiriti otiqueticōaña. Mũja majuuna, mĵa punaa macare na tũju ĵutiriti otiya. ²⁹ Caberopũ camaja ocōo bairo ĵgarāma: “Capunaa mana mari cāmata mari wariñuuboyupa.” ³⁰ Camaja uwi netobana, “Ū ta yucũ ña ató, marire to ĵia recōato,” ĩ tũgoonāgarāma. ³¹ Roořiĵe yũ ána áama yũre, carooriĵe mácũrena. To bairi naa carooriĵecũna aniri seeto popiye tamũogarāma na maca, na caĩñupũ Jesu caotirā romirire.

³² Aperā quenare pũgarā carooriĵe cátinucuricarāre na cajee aájuparā, Jesu mena na ĵāgarā. ³³ Na jee aá, Calavera na caĩri paupũ eja, topũ cū capapuayuparā Jesure, caroorā mena. Cariape nũgoa ĵicaũ, cajōcũ nũgoa tũ apei na capapuayuparā. ³⁴ Cũre na capapuari pauna ocōo bairo cū Pacu Diore cū caĩñupũ Jesu:

—Caacũ, yũre capapuarāre na cátiere na majiritioya. Na cátiere majiquēema, caĩñupũ Jesu.

Cũ ĵuti cānibatajere caame ricawo epeyuparā. ³⁵ To bairo cabairi paũ camaja catũju, tũñnucujoyuparā. Na űparā quena rooro Jesure cū caĩ epeyuparā:

—Aperāre cacatiowĩ. Yucũra cū majuuna cū catioato Dio cū cajooricũ majuu cū cāmata, cū caĩ epeyuparā.

³⁶⁻³⁷ Polisiá quena to bairona cū ĩ eperi, cū tũpũ eja, űje oco camucurijere cū tĩa, ocōo bairo cū caĩ epeyuparā:

—Mũa judío maja űpaũ mũ cāmata mũ majuuna catioya, cū caĩ epeyuparā na quena Jesure.

³⁸ To bairi cū na capapua turica pāipũre cū rũpoa buire uca turica pāi catujayupe, “Ani judío maja űpaũ āmi,” ĩrique.

³⁹ Ĵicaũ carooũ Jesu mena na capapuaricũ quena rooro cū caĩ puniĵiniñupũ Jesure:

—Mũa Dio tũpũ cānacũ cū cajooricũ majuu yũ ā ĩri, mũ majuuna cationi, ĵā quenare ĵā catioya.

⁴⁰ To bairo cū caĩro apii apei cū bapa maca ocōo bairo cū caĩ tutiyupũ:

—¿Nope ĩi mũa Diore mũ nũcũbugoquēeti, mũ quenare na cajĵariĵe to nibao joroquena? ⁴¹ Mari maca mari cátaĵe wapa cariape marire áama. Cũ maca carooriĵe cátiquēcũ cū nibao joroquena cū áama.

⁴²To bairo cū yaure cū ĩ, ocõo bairo Jesu macare cū caĩñupũ:
—Yũ Ƴpaũ, mũ caroti ejari paũ cãnopũ yũ mũ tũgoõña majiwã.

⁴³To bairo cū caĩro:

—Ati rãmũna yũ mena mũ anigũ caĩuu majuuocõari paũri, Dio tũri, cariape mũ yũ ĩ, cū caĩñupũ Jesu.

Muerte de Jesús

(Mt. 27.45-56; Mr. 15.33-41; Jn. 19.28-30)

⁴⁴Jesure na caĩari paũ majuu pajaribota cãno nipetiropũ sanaitiacoajupe yua. Ñamicaa maca muipũ cū cãni rui aãto las tres cãno majuu cabujucoajupe moquena, itia hora beropũ. ⁴⁵Muipũ cū cabujuqueti aãti paũna Dio wii pũearũ macã arũare na cayo matarica ajero juti ajero sawoocõa aãjupe carecomacai, to majuuna. ⁴⁶To bairo cabairi paũna Jesu caĩ pi awajayupũ cū Pacũre:

—iCaacu, mũ tũri yũ catiriquere jon yũ áa!

To bairo ĩi, cabai yajicoajupũ Jesu yua.

⁴⁷Polisía maja Ƴpaũ maca to bairo cabairijere tũjũ Diore cū nucũbũgori ocõo bairo caĩñupũ:

—Ania cariape cabai buicutacu me ãñupi, caĩñupũ.

⁴⁸Camaja pato catũjurã ejaricarã to bairo Jesu cū cabai yajirijere tũjurã seeto catũju jutiriti tũgoõnarique paicõa tunu aãjuparã yua.

⁴⁹Jesu mena cãnibatana, Galilea macana romiri cũre caũjibatana quena yoabũjarocãpũ tie cabairijere catũjucõa tũjũnucũñuparã.

Jesús es sepultado

(Mt. 27.57-61; Mr. 15.42-47; Jn. 19.38-42)

⁵⁰Jesure na caĩari paũre José cawamescũ, caĩũ tona caĩñupũ. Cũ a Judea yepaũre Arimatea cawamescũti maca macacu caĩñupũ. Cabũcũrã rotiri maja mena macacu caĩñupũ. ⁵¹Na mena macacu nĩbaopũcũna Jesure cū na caĩarijere cabooquetibajupũ. Dio joogũmi ati yepaũre Ƴpaũ cãnipaũ majuure caĩ tũgoõña yũ caĩñupũ. ⁵²To bairi Jesu cū cabai yajiro tũjũ José Pilato tũri Jesu rupaũ ãnatore ne ruioyũ cū cajenii aãjupũ.

⁵³Cũ jeniri bero yucũ tẽorica pãipũ na caparua turicũre cū cane ruioyupũ. Cũ ne ruio yaparo caroa jutii cabotirije mena cū caumãñupũ. Cũ umã, ã ta toti na cayejea we quenoorica totipũ camaja cayaaya mani totipũ casũñupũ Jesu rupaũ ãnatore yua.

⁵⁴Judío maja na cayerijãnucuri rãmũ jũgoye macã rãmũ canaiori paũ jũgoyeacã caĩũpe. ⁵⁵To bairi Galileapũ Jesu mena cáatãna romiri quena ti totipũre aãti, Jesu rupaũre na capeoro caroaro catũjũyuparã. ⁵⁶Tũjũ, catunucõajuparã. Tunu ejarã na wiiripũ, caroa cajuti ñuurije mena Jesu rupaũre na cawarepere caquenoõñuparã. Quenoõ yaparo yerijãrica rãmũ cãno cayerijãñuparã. To bairo bairã judío maja na caroti jũgoricarore bairona cabaiyuparã.

La resurrección de Jesús

(Mt. 28.1-10; Mr. 16.1-8; Jn. 20.1-10)

24 ¹Ape semana judío maja na paa jũgorica rãmũ cabujuri paũcã cãno cãromia Jesure na cayaarica paũri cãaãjuparã. Caroa cajuti ñuurijere na caquenooriquere jee aãna cájuparã. ²Ti paũri ejarã ã taa ti opere na cacũ bipebatata ne wooricaro cãno catũjũyuparã. ³Ne wooricaro cãno tũjurã caneto

jāabajuparā, Jesu rupau ānatore na capeorica paupure tujurā aána. Topu na capeoricaropure na catujuata mari Upau Jesu rupau ānato camañupe. ⁴Cu rupau camano tujurā, “¿Dope bairo to baiyupari?” cai tugoñañuparā. To bairo na cañ tugoñari pauna caumua pugarā seeto caaji baterijere cajaanarā na tupu cabuia ejanucañuparā. ⁵Nare na cabuia ejanucarona catuju acucacoajuparā na romiri. Tujū acubana, uwirique mena camubia re cumucoajuparā. To bairo na catuju acuario tujurā ocōo bairo na cañuparā cajutii aji baterā:

—¿Nope írā cacatiirena cabai yajiricarāre na cacūri paupure cu mija macarā ejati? ⁶Maami atore. Mere tunu catícoami. Tugoñaña Galilearpu ācu mijaare cu cañriquere. ⁷Ocōo bairo cañwī mijaare: “Yure joogarāma caroorāre. Caroorā yucu tēorica pāipure yu papua jīagarāma. Yure na cajīaro, itia rumpu bero yu tunu catigū moquena.” Atie cu cañriquere tugoñaña, na cañ buioyuparā caaji baterijere cajaanarā.

⁸To bairo na cañrijere apirā Jesu na mena ācupu na cu cañriquere catugoña bugayuparā yua. ⁹Tugoña buga, Jesu rupau ānatore na cacū rocarica paure catujura ejabatana catunucoajuparā. Tunu aá, nipetiro cabairije na catujuriquere na cabuiouyuparā Jesu cu cabuercarāre once cānacāre, aperā na mena macana quenare. ¹⁰Tie quetire nare cabuoricarā ato cānacāo cāñuparā: María Magdalena, Juana, apeo María Jacobo paco. To bairi aperā romiri quena cāñuparā. ¹¹To bairo na cañro apirā, “Jocarā mija ī,” na caboca ñuparā, to bairo na cañrijere api nucubugoquēna.

¹²To bairo na cañrijere caapi nucubugoquēcu nibaorncuna Pedro maca Jesure cu na cacū rocaricaropure atu aá, ti toti pupearure camubia tujū jōoñañupu. Topure cu catuju jōoñaata Jesure, cu na caumábata ajero jutiuro jetore catujuyupu. Tie jetore tujū, catunucoajupu. “¿Dope bairo to baibauyupari?” cañ tugoñacōa tunu aájupu.

En el camino a Emaú

(Mr. 16.12-13)

¹³Ti rumpuna Jesu cu cabuercarā mena macana pugarā cāaájuparā Emaú na cañri macapu. Jerusalēpu aācu puga hora aátato cōo yoaro cāñupe ti wā. ¹⁴Ti wāpu aána nipetiro Jerusalén macana Jesure na cātajere caame wadapeni aájuparā. ¹⁵To bairo Jesure na caame ī wadapeni aāti pauna cuna na tupu eja, na mena cāaájupu. ¹⁶Na mena cu cāaáto, “Jesu ācumi,” cañ majiquējuparā, cu tujubaorncuna. ¹⁷To bairo na cabairo:

—¿Ñeere mija ame wadapeni aápari? na cañ jeniñañupu Jesu.

Na maca seeto tugoñarique pairā cāñuparā. ¹⁸Ocōo bairo cu cañupu Cleopas cawamecucu:

—¿Mū jetona cāaáteñau Jerusalēpu cabaiyaejere camajiquēcu mū āti? cu cañ jeniñañupu Cleopas.

¹⁹To bairo cu cañro:

—¿Dope bairo cabaiyaejere mū ĩti? cu cañupu Jesu.

—Jesu Nasaré macacure na cátiyaejere, cu cañuparā na maca. —Cū a Dio ye quetire cabuiō majii, caroa macajere cáti ñou, catutuau majuu Dio cu cañ tujūñ niñabami. Camaja quena, “Catutuau majuu āmi,” cu cañ tugoñabama. ²⁰Yucra sacerdote maja uparā, aperā jā uparā mena, Jesure cu na papua jiaato írā cu jooyawā romano maja yarā na polisiare. ²¹“Cū a Israel macanare mari wapanare marire camatabojau anigumi,” jā cañ tugoñabapu. Mere itia rumpu neto cu na cajiaeto bero. ²²To bairo to baibao joroquena, jā mena macana romiri acūori wame jā buiowā cu na

cacū rocaricaropu cabujuri paupu catujura aábatana. ²³“Cu rupau ãnatore já tujiquēpu, Dio tu macana jetore na já tujawu,” já iwā. “‘Mere Jesu caticoami moquena,’ já iwā Dio tu macana,” já i buiowā cāromia. ²⁴To bairo na caïro bero já mena macana jicaarā cu na cacū rocarica paupure tujura aána cāromia na cabuioetore bairona tujuyuparā na quena. Jesu rupau ãnatore bugaquējuparā, cu cañuparā.

²⁵To bairo na caïro apii:

—Camajiquēna mija ā. Dio ye quetire buiori maja ānana na caucariquere mija apipajee nucubugoquēe. ²⁶Dio cu cajooricu majuu cūre capopiye tamuo jugope cāmu Upau cu cāniparo jugoye. ¿Tiere mija majiquēeti? na cañupu Jesu cūre na catuju majiquētie to nibao joroquena. ²⁷To bairi Cristo cu cabaipere Moisé tirumupu macacu cu cañ ucarique, aperiā nipetiro Dio ye quetire cabuioricarā na cañ ucariquere na cañ buioyupu Jesu.

²⁸Na cááata macare coña aána cabaiyuparā yua. Jesu maca na jugoyepu neto aágu cabaibajupu. ²⁹To bairi:

—Neto aáqueticoaña. Atona já mena tuaya. Mere ñamicaapu ā, cu cañuparā.

To bairo seeto cu na caïro apii Jesu na mena na cāni wiipure cajāa aájupu, na mena tuagu. ³⁰Jāa eja, na mena ugarica cajawa tūpūre rui, pāre ne, Diore, “Nuubuja,” cu ī, ti rupaare na cape bate nuniñupu. ³¹Na cu cape bate nuniri pauna to cōona, “Jesuna āmi,” cu cañ tujū majicoañuparā. To cōona Jesu cabauqueticoā atū aájupu yua. ³²Cu cabairo bero:

—Mapu marire cu cabuioero, “Ocōo bairo ĩgaro ĩ Dio ye queti ucarica pūuri,” marire cu cabuioero mari yeripu caroaro mari catugooña wariñuupu marire cu cabuioerijere apirā, caame ĩñuparā.

³³To bairo ame ĩ, nemoopure wamunca, Jerusalēpu catunucoajuparā. Jerusalēpu tunu aá, Jesu cu cabuiericarā once cānacāu aperiā na yarā mena na canañaporo na cabūga ejayuparā. ³⁴Topu canañaporā maca ocōo bairo na cañ buioyuparā Emaupu cáatánare:

—Mari Upau Jesu catimi, jocarā mee já ĩ. Simón Pedro cu tujuyupu.

³⁵To bairo na caïro apirā na quena mapu na cááato na cu cabuia ejariquere na cañ buioyuparā:

—Cabero jāre pan cu cajugo pe bate ugarí pauna to cōona cūre já tujū majiwu, na cabuioyuparā na quena.

Jesús apareció a los discípulos

(Mt. 28.16-20; Mr. 16.14-18; Jn. 20.19-23)

³⁶Tiere na caame buiori pauna Jesu maca na watoapu cabuia ejanucañupu. Buia ejanuca, na ñuu roti, “Caroa wariñuurique mijaare to āmaro,” na cañupu Jesu.

³⁷To bairo cu caïro seeto catuju acuacoajuparā. “iAbu! Cabai yajiricu ānacu wāti ācumi,” cañ tūgooñañuparā. ³⁸To bairi Jesu na cañupu:

—¿Nope ĩrā yu mija uwiti? ¿Nope ĩrā cariape mija tūgooñaqueeti?

³⁹Tujuya yu wamorire, yu ruporire. Yuna yu ā. Yu pañarā ajá. Cabai yajiricu ānacu wāti maca ri mácumi. Ōwaa mácumi. Yua yu ani peticoā, tujuya, na cañupu Jesu.

⁴⁰To bairo na ĩ, cu wamorire, cu ruporire na caiñoñupu. ⁴¹To bairi seeto wariñuurica wame na to nibao joroquena catuju nucubugoquējuparā mai. To bairo na cabairo:

—¿Ugarique to nicati? na caĩñupũ Jesu.

⁴²To bairo cũ caĩro wai añuricu rüca jĩca rüca cũ cajooyuparã. ⁴³Na cajoori rücare boca ne, caugayupũ Jesu na catujuro. ⁴⁴Uga yaparo ocõo bairo na caĩñupũ Jesu yua:

—Nipetiro yure cabaiejere cajugoyepũ mũa mena ãcũ muñũa cabuiobapũ. Nipetiri wame Moisé yure cũ caĩ ucarique, aperã Dio ye quetire buiori mũa ãnana yure na caĩ ucarique, to bairo quena Salmo na caĩri pũuropũ yure na caĩ ucariquere bairona yure baiwũ. Yure na caĩ ucarique cõona aãto baiwũ, na caĩñupũ.

⁴⁵To bairo na ï, na cabuioyupũ Jesu Dio ye queti ucarica pũuripũ caĩrijere, tiere caroaro na majiatio ïi.

⁴⁶—Ocõo bairo ï ucarique cãmũ yure: “Dio cũ cajooricũ majuu jĩa ecoogumi. Cũ cabai yajiro itia rumũ bero tunu catigumi moquena. ⁴⁷To bairi cũ carotiroid atie caroa quetire cabuio majiope ã aperã nipetiropũ macanare. Jerusalẽpũ tiere cabuio jugope ã, cabero nipetiro macanare cabuiope anĩgaro. Na buiorã ocõo bairo na ï buiogarãma: ‘Caroorije mũa cátajere mũa catũgoõnarique pai jutiritiata mũa majiritiogumi Dio,’ ï buiogarãma,” caĩ ucayupa na ãnana, na caĩñupũ Jesu. ⁴⁸—Mũaana to bairo yure cabairijere catujurã aniri, “Cariapena ã. To bairona cabaiwũ,” mũa ï maji. ⁴⁹Mũaare yũ joogu yũ Pacũ cũ caĩ majio cũricarore bairona mũa mena cãnipaure, Dio Espĩritu Santore. Jerusalẽpũ yuuya mai. Espĩritu Santo rui ejau tutuariquere mũa joogumi. Mũaare cũ cajooro beropũ mũa buio teñara aãgarã yua, na caĩñupũ Jesu.

Jesús sube a los cielos

(Mr. 16.19-20)

⁵⁰Cabero Jesu na cajugo aãjupũ Jerusalén maca jugoye Betaniapũ cáaati wãpũ. Topũ ejau, cũ wamorire ñũ mũgo:

—Yũ Pacũ caroaro mũaare cũ átibojato, caĩñupũ.

⁵¹To bairo ïina na cawamũ ame pea weocoajupũ ãmũrecoorpũ yua.

⁵²Cũ cawamũ aãto seeto cũ cáti nũcubũgoyuparã. Cũ áti nũcubũgo yaparo Jerusalẽpũ catunucoajuparã, seeto wariñuurique mena yua. ⁵³Cabero Dio wiipũ Diore caĩ wariñuucõa aninucũñuparã.

To cõona ã.